



THE



John Carter Brown.







21 JAN 1803

This title has a different cut from that in Church copy.

On the 21st of January 1803
the following was received from
the Honble the Secretary of the
Board of Trade and Plantations
in answer to a letter from
the Honble the Secretary of the
Board of the Admiralty dated
the 10th of January 1803

and the following was received from
the Honble the Secretary of the
Board of the Admiralty dated
the 10th of January 1803

and the following was received from
the Honble the Secretary of the
Board of the Admiralty dated
the 10th of January 1803

and the following was received from
the Honble the Secretary of the
Board of the Admiralty dated
the 10th of January 1803

and the following was received from
the Honble the Secretary of the
Board of the Admiralty dated
the 10th of January 1803

and the following was received from
the Honble the Secretary of the
Board of the Admiralty dated
the 10th of January 1803

INDIÆ ORIENTALIS

P A R S U N D E C I M A ,

quâ continetur

- I. Duarum navigationum, quas jussu Emanuelis Portugalliæ Regis in Indiam Orientalem Ann. 1501. Dn. Americus Vesputius instituit, historia.
- II. Vera atque hactenus inaudita Angli cujusdam relatio, qui nave quadam, cui Ascensionis nomen, in extremam Indiæ Orientalis oram *Cambajam* vectus, ac naufragium ibidem passus, postea quam plurimas nobis incognitas regiones, amplissimasq; urbes peragravit, inque iis multa lectu audituque jucunda observavit.
- III. Descriptio regionis *Spitzbergæ*: additâ simul relatione injuriarum, quas Ann. 1613. alii piscatores ab Anglis perpeffi sunt: & protestatione contra Anglos, qui sibi solis omne jus in istam regionem vendicarunt.

Nunc primum latio donata, atq; elegantissimè in æs incisis imaginibus illustrata.

Sumptibus atq; operâ

JOHANNIS THEODORI de BRÛ civis ac Bibliopole Oppenheimensis.



O P P E N H E M I I ,
Typis HIERONYMI GALLERI.

ANNO M. DC. XIX.

THE OBITUARY

AND BURIALS

OF THE

UNITED METHODIST CHURCH

OF THE CITY OF NEW YORK

FOR THE YEAR 1888

AND THE FIRST QUARTER OF 1889

BY THE

SECRETARY

OF THE CHURCH



APJCB



Lectori Benevolo.



LIQUOT jam abierunt anni, Lector amice, cum variis ex locis variis, iique historicarum lectionum avidi apud me institerunt viri, ut in continuanda Indicarum navigationum historia ulterius progredere. Ego verò ingenuè fateor, nullum me non opera precium istac in re fecisse, imo quàm diligentissimè in quamvis occasionem intentum fuisse, quàm fieri posse sperabam, ut aliquid de moderno regionum in Orientali India detectarum statu, de novis eò deductis coloniis, aut susceptis navigationibus indagarem: Verùm hæcenus præter ea, quæ ex peregrinis linguis in latinum idioma magno labore conversa, undecimæ huic Indiæ Orientalis parti jam infero, nihil obtinere potui. Nec est, quod Candidum lectorem turbet, tertiam & quartam Dn. Americi Vesputii Florentini, quam sub auspiciis Emanuelis Lusitaniæ Regis instituit, navigationem, huic libro à me præfixam esse. Cum enim neque parenti meo pie jam defuncto, neque mihi ipsi ejus legendæ hæcenus facta sit copia: ipse verò Vesputius in novo orbe retegendo, cui ex ipsius nomine Americæ nomen est inditum, faciliè secundas à magno illo Christophoro Columbo obtineat, minimè ejus memoria oblivione sepeliri, aut rerum gestarum historia silentio à nobis præteriri debuit: præsertim cum in prioribus duabus, quas jussu Castellæ regis Ferdinandi in Pariam suscepit, ut & in posterioribus hisce expeditionibus, multa occurrant notatu digna, quæ summam hujus viri in rebus agendis peritiam arguunt atque prudentiam. Illa verò in extremam Indiæ Orientalis oram, Cambajam nempe, navigatio, vel eam potissimùm ob causam, maximè est notabilis, quod ex ea videre liceat, quis locorum Indiæ Mediterraneorum in hodiernum usque diem sit status, quanta Tartarorum imperatoris Mogolis majestas ac potentia, quam præter varios labores ac ærumnas, quas animo patientissimo devoravit in hoc longinquo suo itinere, luculenter admodum Robertus Coverta descripsit.

*Tertiam, quæ Septentrionem versus instituta est, navigationem, huic additam, non est, quod mireris. Cum enim eo animo istud iter susceptum fuerit, ut novum aliquem versus Septentrionem in Cathajam aut Chinam indagarent transitum: historia ejus non minori jure huc pertinet, quàm aliæ tres eorum, qui in Novam Zemblam perrexerunt, suprà tertiæ Indiæ Orientalis parti insertæ fuerunt. Neque etiam hominum istorum labor absq; fructu fuit, cum eorum operâ nova hæc Spitzbergæ regio detecta sit, atque ab eo tempore Balænarum captura tanta cepit incrementa, ut magnæ inde opes, questusque longè uberrimi, toti Christianorum orbi, atque Anglicorum in primis mercatorum collegio accesserint. Spe itaque ducor, fruorque bonâ, Benevole lector, hunc meum laborem, impensosque sumptus eo animo tibi probatum acceptumque iri, ut dum vita suppetit, ad historiam hanc majori cum voluptate atque industria excolendam calcar abs te mihi additum reipsa experiaris. Interim hisce Vale,
& fruire*

T E R-





T E R T I A

D N.

AMERICI VESPUTII,
JUSSU EMANUELIS POR-
TUGALLIÆ REGIS IN INDIAM

Anno 1501. suscepta navigatio.

ROSTEAQUAM Dn. *Americus Vesputius* in *Sebilis* aliquādiu commoratus esset, ut sese post tot in superioribus navigationibus exantlatos labores, curas, molestias, aliquantulum recrearet, viresque colligeret, rursus animum ejus Margaritarum insulas indagandi subiit desiderium. Dum verò ista secum agitaret consilia, jamque ad iter ineundum sese accingeret: Serenissimus Portugalliæ Rex *Emanuel*, misso legato obnixè ab ipso petiit, ut quàm primum *Ulyssiponem* ad sese veniret, quòd de mirandis quibusdam rebus ipsum facturum esset certiore. *Vesputius* incertus animi, quid faceret: quò minùs ad Regem tum quidem temporis veniret, incommodiorem prætendebat valetudinem: significabat autem, quàm primum pristinas vires recuperasset, Regiæque Majestati suâ quali quali operâ uti visum esset, semper illi ex animo sua prompta fore obsequia.

*Portugalliæ
rex accersit
Vesputium.*

Rex ex culationem hanc intelligens, satisque inde colligens, non posse, ut ad sese iret, adduci *Vesputium*, iterum *Julianum Bartolomæum Jocundum*, qui tum temporis *Ulyssiponæ* subsistebat, ablegavit, cum mandatis, ut quibuscunque posset modis, *Vesputium*, ut ad regem iter faceret, permoveret: cujus adventu & precibus tandem *Vesputius* iter ad regem ingredi quasi coactus est, quod plerique familiares ejus malum ipsi interpretabantur omen.

Sic igitur *Vesputius* ex regno *Castiliæ*, in quo in summo honore, & non exigua apud ipsum Regem gratia hætenus vixerat, eo etiam in salutato, *Ulyssiponem* ad regem Portugalliæ discessit: qui adventu ejus non parùm latatus, crebris deinceps apud ipsum institit precibus, ut cum tribus navibus, quas eum in finem expediverat, novas regiones indagatum atque detectum proficisceretur, quoniam autem Regum preces præcepti vim obtinent, morem illi hac in parte gerendum censuit.

*Vesputius
Ulyssiponem
ad regem se
consert.*

Cum tribus igitur illis navibus, viris rebusque necessariis probè instructis, ex portu *Ulyssiponis* decimâ Maji die, Anno 1501. abiens *Americus Vesputius*, prope cursum versus magnæ *Canariæ* insulas arripuit, ita tamen ut reliquas in conspectu continenter retineret: inde secundum *Aphricam Occidentem* versus cursum instituit, ubi triduum commorati ingentem eorum piscium, quos *Phargos* vocant, comprehenderunt copiam. Porro ad partem illam *Æthiopix*, quæ sub Zona torrida, & gradu 14. æquinoctialis lineæ in primo sita climate, *Besilica* dicitur, delati, post undecim dierum moram, de lignis & recenti aqua sibi prospexerunt, quòd

*Discedit ex
portu Anno
1501.*

*Vesputius
regionem
quandam
occupat.*

*Incolarum
barbaries.*

*Juvenis
quidam à
mulieribus
inucidatus.*

Austrum versus mare Atlanticum trajicere decrevisset Vesputius. Itaque portum illum Æthiopiæ relinquentes, subsequente Austro in tantum iter suum promoverunt, ut post continuam 67. dierum navigationem, ad insulam quandam, quæ 700. à portu illo aberat milliariis, appellerent, in qua tamen ob ventorum nimborumque impetus, majus incurrerunt periculum, quam unquam antea in mari pertulerant. Causam tantorum malorum assiduæ circa æquinoctialem lineam navigationi imputabant. Obtinebat istis in regionibus, mense Junio, hyems maximè, dies noctibus erant æquales, umbræque Meridiem versus continuè projiciebantur. Tandem visum supremo numini, ut 17. Augusti aliam quandam oram attingerent. Itaque ad leucam unam ab ea projectis anchoris, ipsi Cymbis porro ad continentem provecti sunt, cognituri, an regio ista incolis habitaretur. In ipso quidem portu & littore complures deprehendebant incolas, sed ipsis bestiis deteriores, & immaniores, ut deinceps cognoscemus. Initio quidem nullos in portu & littore prospiciebant homines, quam vis oram istam multo populo habitatam ex signis plurimis possent colligere. Hunc locum *Americus Vesputius* cum sociis nomine serenissimi Portugalliæ Regis possidendum occupabat. Regio satis erat amœna, viridis & fertilis, quinque gradibus extra Æquinoctialem lineam Austrum versus sita. Hisce peractis eadem adhuc vespere ad naves sese iterum conferebant. Quia verò magnâ lignorum & aquarum afflictabantur penuria, unanimi consensu proxima die in terram reverti placuit, ut de rebus hisce nec sibi prospicerent. In eo verò dum essent, homines aliquot in cacumine montis animadvertabant, qui tamen timore præpediti ad ipsos descendere renuebant. Nudi erant omnes, effigie & colore reliquis, quorum descriptionem in aliis *Vesputii* navigationibus dedimus, similes. Satagebant quidem Lusitani, ut familiarius secum conversarentur, nihilque non movebant: nulla tamen ratione ad humanitatem aut colloquium aliquod ipsos pertrahere poterant. Ut verò eos allicerent magis, sub noctem ad naves iterum remeabant, relictis in eorum conspectu nolis aliquot, speculis, rebusque id genus ludicris aliis. Vix ad naves suas appropinquantibus. Lusitanis, barbari ex monte ad unum omnes summa contentione descendebant: magnaque cum voluptate & admiratione reculas à Lusitanis ipsis expositas perlustrabant. Haftenus verò præterquam nihil ab ipsis obtinere potuerant Lusitani. Mane factò, ex navibus eosdem numero majori congregatos, passimque per terram ignes fumosque excitantes videbant: itaque hisce signis ad colloquium sese invitari rati, in terram progrediebantur, ubi tum complures confluisse animadvertabant, qui è longinquo cõstituti, signis quibusdã editis, ut in interiorem insulæ partem sese sequerentur, monere Lusitanos videbantur. Ad hanc rem duo ex Lusitani. operam suam offerebant, periculum facturi, an cum gente ista familiaritatem inire, vel merces aliquas & species aromaticas obtinere possent. Impetrato igitur Prætoris navium consensu, assumptis minutis quibusdam, quas cum incolis permutarent, merculis, ea conditione in terram descenderunt, ut redditum suum quinque ad summum dies socii præstolarentur: qui eos aliquotusque comitati, ad naves postea redierunt. Interea licet complures quotidie ad plagam istam convenirent, nulla tamen neque colloquia, neque commercia cum Lusitanis instituere cupiebant. Ut verò septimus affulsit dies, necdum revertentibus duobus illis, quos regionem exploratum emiserant, denuò in terram progressi, gentem illam mulieres suas omnes secum adduxisse repperunt. Cum propius ad illos pervenissent, barbari aliquot ex iisdem mulieribus suis colloqui habendi gratia ablegarunt: Lusitani autem cum illas timidiore, minusque sibi fidere animadvertent, unicum iidem satis validum juvenem ad ipsas mittere, seseque ut absque omni metu liberius possent mulieres agere, navibus suis iterum committere decreverunt. Juvenis iste ad mulieres progressus, inter illas sese immiscuit: quem illæ circumstantes, palpare

are undique, neque admirari satis posse videbantur. Interea verò alia quædam mulier, vallo instructa, è montibus descendens, propiusque à tergo ad juvenem accedens, tam valido ictu vallum, quod manu gestabat, capiti ejus impexit, ut is subito mortuus in terram concideret. Quem confestim reliquæ mulieres manibus pedibusque correptum in montem ad viros suos protraxerunt. Virique magno impetu ex montibus ruentes, sagittis suis impetere Lusitanos non cessabant, qui stupore perculsi omnem armorum sumendorum animum abjecerant: neque tam celeriter scaphis suis, quæ arenam navigando radebant, ad naves majores aufugere poterant, quin telis obruerentur, neque parum ipsis damni à Barbaris inferretur. Tum verò, qui in majoribus erant navibus, quatuor machinarum fulmina, licet neminem ferientia, in ipsos disloserunt. Quo audito fragore ac tonitru, omnes cursim ad mulieres in montem confugerunt, quæ intuentibus Lusitanis juvenem istum frustillatim dissectum, cum ludibrio ostentantes, mox ad ingentem, quem succenderant ignem torrebant, atque postea manducabant. Viri quoque certis quibusdam indiciis innuebant, duos illos alios Christianos eodem modo à sese mactatos atque devoratos esse: quod ex tam horrendo spectaculo facile ipsis erat colligere. Hoc verò dolebant, atque indignabantur magis, quod suis ipsi oculis tam immanem crudelitatem intueri cogerentur. Itaque plures quàm quadraginta ex sociis deliberato consilio in animum induxerant impetu in Barbaros facto, tam crudele facinus, & plus quam bestialem ferociam vindicare. Verùm cum Prætor Navis nequaquam hoc ipsis vellet permittere: animo malevolo, grandi; cum opprobrio, re infectâ ex illo loco discedere coacti sunt.

Postquam autem terram illam reliquissent, & favente Lybonoto, seu Austro-Zephyro navigare occupassent, plurimos ambitus plurimosque gyros subinde fecerant: homines quidem interdum habebant obvios, sed qui neque ad colloquia, neque ad commercia adduci ullo modo poterant. Tandem Meridiem versus, ad terram aliquam 150. milliaribus ab isto loco, ubi tres ex sociis trucidati atque devorati fuerant, disitam appulerunt, quam *S. Vincentii Campum* appellarunt, qui quidem campus octo gradibus extra Æquinoctialem lineam Austrum versus situs est. Cum igitur in regione ista vagarentur, die quadam ingentem hominum multitudinem, navium suarum molem & structuram vehementer admirantium, quodam in loco conspexerunt. Itaque ex censione in terram factâ, cum populum istum aliquantò humaniorem & mitiorem deprehendissent, familiarius cum ipsis agere, omnisque generis aromatum commercia per quinque dies integros contrahere cœperunt. Convenit etiam inter ipsos, ut duo ex illis, qui linguam eorum Lusitanos edocerent, unâ in Portugalliam proficiscerentur: quemadmodum etiam tres illorum ultro Lusitanos comitati sunt.

Campus S. Vincentii.

Porro ex hoc portu solvantes, cum terram quidem in conspectu semper retinerent, scalas verò & ambitus complures facere cogerentur, populos quoque quàm plurimos adierunt, donec tandem Austrum versus Tropicum Capricorni superarunt: in quo Horizonte Meridionalis polus triginta duobus sese extollebat gradibus: ursa minor ex oculis ipsorum jam effugerat, major verò ursa ferè in fine Horizontis sese ostentabat: stellæ poli Meridionalis, sub quo tum temporis cursum suum dirigebant, lucidiores, majores & frequentiores, quàm in Lusitania conspiciantur, quas omnes Vesputius accuratè delineatas Diæti suis, seu navigationum suarum pleniori historiæ inseruit.

In hac verò à *Campo S. Augustini* navigatione, quæ juxta Continentem ad 700 *Campus S. Augustini.* milliaria extenditur, multa mira Lusitanis sese obtulere, quæ tamen Vesputius hoc in loco non recensuit, sed pleniori historiæ reservavit.

Cum igitur decimum jam mensem peregrinarentur, nec quicquam tamen auri

Tempestas
vehementi-
ssima.

Reditus Ve-
sputii.

Tempestas
alia.

Serra Lio-
na.

Inf. Lyazo-
ri.

auri aut minerarum aliarum reperirent, visum communi consilio aliò per mare e-
vagari, & sex adhuc menses novis indagandis regionibus impendere. Itaque cum
delignis & aquis necessariis sibi prospexissent, solvientes inde, cursum Zephyrum
versus direxerunt, donec 13. Febr. eousque pertingerent, ut Meridianum polum
super Horizonta illum, 2. gradibus elevatum deprehenderent, & utramque tam
majoris, quàm minoris Ursæ stellam ex oculis planè amitterent, jam què 3. Aprilis
die ad 500. miliaria progressi fuerant. Qua die tempestas & procella in mari exorta
est vehementissima, quâ fluctus usque adeò intumuerunt, ut vela omnia colligere,
& cum solo nudo què malo remigare cogerentur: quæ res tantum plerisque incus-
sit stuporem, ut animum planè abjicerent, & de vita sua desperarent. Noctes quin-
etiam inibierant maximæ: VII. enim Aprilis, Sole circa finem Arietis constituto,
nox ad 15. horas circiter producebatur, hyemique istis in locis erat intensissima. In-
sulam quidem istius loci, sed planè incultam & inhabitatam reperiebant, id què ob
frigus istis in locis intolerabile. Cum igitur tam turbulenta jactarentur tempesta-
te, ut vix alter alterum posset dignoscere, consilium de via in Portugalliam reme-
tienda inire coacti sunt: quod quidem consilium ipsis cessit optimè, nam si vel uni-
cam noctem diutius isto in loco hæssissent, de vita illorum omnium fuisset actum.
Siquidem cum vix anchoris sublatis inde discessissent, tantus postridiè ventorum
nymborum què ingruit fragor, ut præsentissimum interitum omnes ob oculos cer-
nerent. Itaque ad vota, preces, alias què ceremonias, ut in eiusmodi casibus à nau-
tis fieri solet, quisque convertebatur. Quintum verò jam diem cum horrenda hac
tempestate luctati, contractis velis ultra 250. Leucas Æquinoctialem lineam ver-
sus penetrarunt, donec maria auræ què temperationi appropinquantes ex istis peric-
ulis à Deo altissimo eriperentur.

Porrò ergò cursum versus Æthiopix latus dirigebant, à quo per Atlantici
maris fauces eundo mille trecentis adhuc aberant leucis: cum què ibidem ad au-
strale latus, quod *Serra Liona* vocatur, 10. Maji, appulissent, 15. dies corporum suo-
rum recreationi dederunt. Inde ad insulas *Lyazori* quæ 750. miliaribus à Serra
Liona distant, pergentes, cum sub finem mensis Julii eas attigissent, 15. itidem die-
bus ibidem substiterunt. Postmodo ad reditum Ulyssiponem, occasum versus, à
quo adhuc 300. miliaribus aberant, sese accingebant: Cujus portum tandem feli-
citer magno omnium gaudio duabus duntaxat navibus Anno 1502. subierunt,
quod tertiam, utpote navigantib. in utilem in Serra Liona injecto igne exussissent.
In hac autem navigatione ad 16. menses domo abfuerant, è quibus undecim abs-
que transmontanæ stellæ, ut & majoris minorisve Ursæ conspectu navigave-
rant, per aliam Meridionalis poli stellam cursum suum dirigere
coacti: ut superius etiam commemora-
tum est.

III. Navigationis Vespütii

FINIS.

QUAR-



Q U A R T A

D N.

A M E R I C I V E S P U T I I ,
J U S S U E M A N U E L I S P O R -
T U G A L L I Æ R E G I S I N I N D I A M
Anno 1503. suscepta navigatio.



U M Dn. *Americus Vesputius* *Emanuel* Regem de rebus superiori navigatione gestis fecisset certiorē, is magnam inde percipiens voluptatem sex adhuc alias adornavit naves, Vesputioque, ut ulterius novas regiones inquireret, author fuit.

Americus igitur *Vesputius*, cum prædictis sex navibus, commissoque sibi populo 10. Maij, Ann. 1503. ex portu *Ulyssiponis* discessit, insulam quandam, *Horizontem* versus sitam invisendi animo, cui *Melcha* nomen, quæque ob magnitudinem & divitias nobilis, & præclara navium sive à *Gangetico*, sive ab *Indico* mari venientium statio habetur: quemadmodum & *Calitia* omnibus ab ortu in occasum & vice ver: à navigantibus securam præbet stationem: quod idem de *Calecuta* affirmatur, nisi quod portus hic magis ad meridiem, *Melcha* autem sub 33. poli *Antarctici* gradu sita magis ad Occidentem vergit. Ut autem ad navigationis Historiam accedamus, *Vesputius* ad insulas, *Virides* dictas, cursum suum direxit, ubi rerum necessariarum repertâ abundantia, duodecim dies commorati, cum de necessariis, rebus sibi probè prospexissent, postmodo *Zephyrum* versus cursum instituerunt. Navis verò *Prætor*, magis ut suam in socios ostentaret potestatem, quàm quod reliquorum omnium consensus, utilitas, ipsaque id flagitaret necessitas, iussit ut in *Serrationam* Australem *Æthiopix* terram tenderent. Ad quam ipsis jam appropinquantibus, ut in conspectu eam haberent, tam immanis atque acerba suborta est tempestas, ventusque contrarius usque; adeò invaluit, ut ad eam insulam, quam jam pridem oculis usurpabant suis, vix per quatrimum applicare possent, imò illâ planè relictâ, ad priorē navigationem regredi cogentur. Sic ergo per *Lybanotum* relegendes iter, per angustias illas ad trecentas leucas progrediebantur: tādē tribus penè gradibus extra æquinoctialem lineam constituti, ad 12. circiter milliaria, terram magno cum suorum omnium gaudio prospexerunt. Quam assequuti, altam admodum atque admirabilem, leucas duas longam, unam latam deprehendebāt. Licet autem nullus unquam antea in ista regione, medio in mari sita, fuisset, neque etiam tum tempore: à quoquam inhabitaretur, nihilominus tamen damnum in ea non exiguum perpessi sunt. Navium enim *Prætor* navim suam stolido suo consilio & gubernamine in ea perdidit, quæ *S. Laurentii* nocte, quæ *Augusti* decima est, ad scopulos illisa, inque varias disrupta partes, mari penitus submergebatur. Erat hæc navis trecentorum onerum capax, eaque preciosissima quæque, ac totius cœtus robur vehebantur, quæ omnia miserè interierunt, solis nautis submersiois periculum evadentibus.

B

Dum

Dum verò reliqui omnes de navi ista ex periculo subtrahenda admodum, sed frustra laborarent, idem ille navium præfectus *Vesputio* in mandatis dedit, ut scaphâ vectus ad eandem insulam, portum & securam pro reliquis navibus stationem inquireret: nolens tamen ipsi navim propriam, quæ novem nautis stipata in navis periclitantis auxilium pergebat, committere. Itaque *Vesputius* assumptis aliquot nautis ad insulam, à qua quatuor adhuc leucis aberat, properans, portum inibi pulcherrimum, totique navium classi recipiendæ idoneum repperit. Quo comperto, per octiduum navium Præfecti cum cæteris navibus præstolabatur adventum. Qui cum non advenirent, ægrè admodum, id ferebant omnes, adeoque obstupescabant, ut nullum solatiis relinquerent locum. Accidit autem, ut in isti angustis constituti, ipsa octava die puppim per equor vehi cernerent, cui confestim obviam euntes, spe freti bona, fore ut hac navi ad meliorem aliquem portum deducerentur, posteaquam utrinque dicta salus, ex nautis intellexerunt, Prætoris navem, solis nautis exceptis, penitus iis se perditum. Qui nuncius *Vesputio* ejusque sociis non exiguum terrorem incussit, utpote qui plus quam mille milliaribus ab Ulyssipone remoti in vasto vagabantur oceano. Nihilominus fortunæ sese porro subjicientes ad dictam modò insulam regrediebantur, ut de bona recentique aquâ, quæ magnâ cū copiâ illo in loco scaturiebat, sibi prospicerent. Erat autem inhospita & inculta ista insula infinitis arboribus sylvisque obducta, ac volucrum marinarum atque terrestrium magna ibi passim conspiciebatur copia, quæ adeò simplices & cicures erant, ut manu sese comprehendi intrepidè paterentur. Ex captis igitur quàm plurimis naviculam unam adimplebant. Nulla autem alia in ea reperiiebant animalia, præterquam mures quàm maximos, & lacertas bifurcatam caudam trahentes cum nonnullis serpentibus aliis.

Abbatia omnium
Sanctorum.

A rebus igitur necessariis probè satis instructi, solutis inde anchoris, eodem, qui ipsis nominatim à Rege præscriptus erat, cursu progrediebantur; donec post continuam 17. dierum navigationem, ad portum quendam, ter centum leucis à dicta modò insula dissitum, quem *omnium Sanctorum Abbatiam* appellabant, appellerent. Hic Præto rem navis præstolati, cum neque ipse, nec quisquam alius adveniret, licet integros duos menses, diesque quatuor ibi subsisterent, convenit inter ipsos, ut juxta littus longius progredierentur. Percursis igitur 260. leucis ad portum aliquem applicuerunt, 18. g. extra lineam æquinoctialem ad partem Austri, extra Ulyssiponis verò meridianum, Occidentem versus, 35. grad. situm. In hoc portu Castellum extruere visum ipsis fuit, cui pro præsidio 24. Christianos, ex proximo naufragio superstites, addiderunt. Commorati autem in hac insula menses quinque, ut interea temporis structuram castelli absolverent, cum viderent, rerum necessariarum comeatum indies diminui, neque ob nautarum paucitatem ulterius sese progredi posse, navim suam ligno Bresilico onerarunt, relictisque in propugnaculo 24. illis Christianis, cum 12. tormentis majoribus, armisque aliis, & sex mensium necessario comeatu: ut & mercibus quàm plurimis aliis, quas ab incolis, quibuscum foedus inierant, ut in pleniori historia narratur, fuerant lucrati, Ulyssiponem versus cursum instituerunt, quo exactis 77. diebus, post magna pericula, magnosque labores & molestias 28. Junii, An. 1504. annuente Deo incolumes pervenerunt; singulari cum gaudio ab omnibus excepti, quod ipsos ad unum omnes cum Navarcho in mari jam diu disperditos arbitrati essent. *Vesputius* verò, cum de rebus in hac navigatione gestis Regem abundè fecisset certio rem, præclaris ab ipso muneribus ornatus, summoque deinceps in honore habitus est:


IV. Navigationis Vesputii.
FINIS.

VERA



VERA, ATQUE HACTE-
NUS INAUDITA RELATIO ANGLI
CUJUSDAM, QUI NAVI QUADAM, CUI
Ascensionis nomen, in extremam Indiæ Orientalis oram, *Cambajam* ve-
ctus, naufragio ibidem facto, terrestri itinere quàm plurimas incogni-
tas regiones, urbésq; amplissimas vario fortunæ modò sævientis, mo-
dò blandientis successu peragravit: ac quæ unoquoque in lo-
co notatu reperit digna, literis diligenter
consignavit.

C A P U T I.



N N o nati Servatoris 1607. septima Martii die,
navem nostram, cui *Ascensionis* erat nomen, bo-
no cum Deo, conscendimus: atque in *Dalensi* por-
tu, qui *Sandwichia* tribus distat milliaribus, ancho-
ras primùm excussimus. Hoc in loco morati, us-
que ad vigesimum quintum ejusdem mensis diem,
summo mane sublatis anchoris, circa meridiem
Doveram prætervecti, tribus tantùm tormentorum
ictibus transitus nostri signum dedimus. Ubi ad tria
millia ulteriùs provecti essemus, ventus contrarius
insurgens, nos retro *Doveram* versus vela legere coë-
git. Die itaque vigesimo sexto ex hoc loco solven-

tes, ventus itidem excepit adversus, qui in proximùm usque diem navim ab an-
choris suspendere nos coëgit: quo, cùm circiter octavam horam benignior affla-
ret aura, vela sustulimus, ac *Plimutum* vigesimo nono die paulò ante meri-
diem delati, ad ultimum usque hujus mensis diem ibidem sustitimus.

Martij trigesimo primo die, vento usi propitio, denuò ad iter nos accinxi-
mus, atque alacri cursu perreximus, donec *Salvages* insula conspectui nostro se-
se offerret, quam decimo Aprilis, qui dominicus erat dies, prætervecti su-
mus. Distat autem hæc insula *Plimuto* 500. milliaribus.

Die 11. Aprilis summo mane *Canarias* insulas, Hispanorum imperio subdi-
tas, attigimus.

Duodecimâ anchoras sub noctem depressimus, unumq; ex tormentis majori-
bus displosimus, ut hac ratione scapham aliquam ad navē alliceremus, sed frustra

id fuit, quippe antequam isthoc in loco appulsemus, rumor de duodecim Hollandorum navibus, in Hispanos impetum facturis, invaluerat: itaque, ut ex ipsis postea cognitum est, nos ex Hollandorum istorum, qui hostili animo istuc navem subduxissemus, esse arbitrati sunt.

Itaque 150. probè armatos equites partim, partim pedites in regionis præsidium destinarunt, qui si qua necessitas incumberet, vim ab incolis depellerent. Interim pertinaciter nos Hollandos esse opinabantur, neque ab istac sententia sese ullo modo abduci patiebantur, donec tandem duo ex nostris Commissariis in terram progressi illos de rebus omnibus, quas scire ipsorum intererat, & de quibus hætenus dubitaverant, abundè certiores redderent: eo nimirum animo nos appulisse, ut recollectis nonnihil viribus, de annonæ, quâ maximè laborabamus, nobis prospiceremus.

Postero mane, more solito, unum ex tormentis majoribus evibravimus: quo intellecto signo, urbis Capitaneus scapham ad nos ablegavit, quæ mentem nostrorum expiscaretur. Quam cum exposuissemus, id responsi tulimus: Nisi in portu ordinario navem statueremus, pro lege officii, nulla in re se nobis auxilio esse posse. Tandem cum Curatores nostros probè examinassent, illique iurejurando fidem suam obligassent, promiserunt, se, missâ ad navem nostram scaphâ, quacunque in parte possent, inopiæ nostræ opem laturos.

Illud maximè mirabamur, quòd duæ Anglicæ naves in statione ibidem ab anchoris hærentes, quas ex vexillis poteramus dignoscere, nullo indicio nos de ritu accónsuetudine astutæ atque invidiæ hujus gentis nos commone facerent. Verùm intelleximus postea, legibus cautum, ne quis, quàm primùm stationem subierit, scaphâ ad aliam navem extra portum ordinarium adhuc constitutam, propiùs accedat, licet, qui in navi versantur, ejusdem secum sint nationis, nisi expresso Senatus atque Capitanei decreto hoc ipsi permittatur.

Quinque istis diebus, quibus moram istoc in loco traximus, indies complures nos invisebant, qui inexplibili quadam aviditate, atque incredibili celeritate appositos cibos devorabant, vinaque exhauriebant. Capitaneo honoris ergò duos caseos, pernam, ac sex ostreis muriâ conditis plena vascula dono misimus, quæ hilarigratoque animo suscepit.

Gratiam enim retulit, tribus capris, duabus ovibus, ac coëpis magnâ copiâ nobis oblati. Nos isto in loco in navem recentem aquam, vinum Canarium, mala Cotonea, *Marmaladas*, quarum pondo 12. nummis Anglicis æstimabatur, vascula item *Succeto* plena, quorum unumquodque 3. solidis Anglicis veniebat, adhæc mala aurea, medica, citrea, ut & candidissimos panes, anisi semine conspersos, quos *Monialium panes* appellant incolæ, intulimus.

Die 18 Aprilis ex insulis Canariis discessimus: cumque per tres horas vento usi essemus commodo, malacia oborta est, quæ usque in 21. diem cursum obliquare nos coëgit. Tum verò vento nos prosequente propitio, continua velificatione perreximus, donec 27. die submeridiem in Insula *Majo*, 300. ferè milliaribus à Canariis distita, anchoras defigeremus.

Insula Majo.

Aquam recentem ex loco quodam, *Bonavista* dicto, petitori, anchoris fundo jam impactis, demum cognovimus, aquam, eamque turbidam loco 2. aut 3. milliaribus à mari remoto, hauriendam esse. Itaque pauxillum tantum aquæ in navem accepimus. Interim aliæ sese hoc in loco nobis obtulerunt commoditates. Cum enim primum appelleremus, duo Æthiopes nobis referebant nos infinitum Caprarum numerum pro voti nostri modo obtinere posse. Harum itaque trecentas in navem recepimus. Iidem asserebant, vix duodecim viros totâ insulâ reperiri, sal verò tantâ copiâ ex terra provenire, ut eo navem nostram abundè possemus onera-

nera-

nerare. Sal alioquin est præstantissimum ac candidissimum, ut simile ejus in Anglia vix viderim.

E regione hujus insulæ, ad 8. milliaria, disjacet insula *S. Deago*. Nos in prædicta ^{Insula S. Deago.} insula, à 27 Aprilis, usque ad 4. Maji diem substitimus; tum verò ad iter continuandum vela sustulimus.

C A P. I I.



Quarto Maji die, usque ad 20. continuè pergentes, istoc die *Æ-* ^{Linea Æ-} ^{quinoctia-} ^{lis.} quinoctialem lineam, quæ ferè 348. ab Insula *Majo* distat milliari- ^{Insula S. Deago.} bus, horam circiter 4. aut 5. trajecimus. Inde *Suldaniam* versus vela direximus, cujus oram quarta Julii die obtinuimus: Integri saniq; adhuc erant, per Dei gratiam, in navi nostra omnes, exceptis duobus, quos *Icterus* nonnihil infestaverat, qui tamen, quàm primùm in terram expositi fuerunt, pristinae sanitati restituti sunt.

Hoc ipso die tractum promontorii Bonæ Spei etiamnum animadvertimus, quod tamen à *Suldania* sexdecim milliariibus, sub gradu trigésimo quinto ^{Caput Bonæ Spei.} dissidet.

Hoc in loco recreatis nonnihil viribus, de 400. ferè pecudibus, bobus vide- ^{Suldania.} licet, tauris, ovibus, agnis, avibus, piscibus omnis generis, ac recenti etiam aquâ, magnâ copiâ nobis in futurum cômmeatum prospeximus.

Non procul hinc, 5. aut 6. à Continente milliariibus distat, *Pinguinarum* insu- ^{Pinguina-} ^{rum insula.} la, ubi magna volucrum ejusdem nominis copia, atque infinitus Canum marino- rum reperitur numerus. Ad hos intercipiendos bis scaphas nostras ablegavimus quæ semper onustæ ad nos redierunt, ut adipem, atque oleum instruendis lampadibus necessarium abundè nobis suppeditarent. Invenimus quoque in hac insula, 20. probè saginatas oves, quas *Hollandi* pro *Celoce* quadam ibi deposuerant: nos ovesistas acceptas, sex juvencis permutavimus.

Quàm primùm *Suldaniam* attigimus, *Celocem* nostram erigere atque extruere incepimus, quam etiâ 5. Septembris in aquam devolvimus. Intra octiduum omnibus numeris absoluta, ac rebus ad iter faciendum necessariis, erat instructa.

Suldania, unum est ex regnis *Æthiopiæ*, cujus incolæ bestiali admodum atq; agrestimore vivunt, quoad victum in primis: intestina enim cruda, ac stercorebus plena comedunt: si quid fortè de canibus marinis in fluentem, aut alium in locum projiceremus, etiam si situ ac squalore putridum & putidum adeò foeteret, ut omnes è longinquo locum istum declinaremus, nihilominus tamen id *Æthiopes* isti, ut ut etiam vermibus vivis scateret, summa aviditate arreptum devorant.

Varia etiam in hac regione ferarum crudelissimarum reperiuntur genera, quarum rabiem extimescentes, ulteriùs in continentem progredi nolimus. *Æthiopes* ad littus nobis venum afferebant *Strutionum* ova, testasque vacuas unò in loco perforatas: adhæc *Strutionum* plumas, ac *Porpontinas*. Pro hisce mercibus ferrum, quod auro argentò vel longè præferunt, potissimum expetebant. Etenim omnes nostras pecudes, aliasque res necessarias tritis ferri fragmentis, nobis comparavimus. Commorati sumus in hac regione à 14 Julii die, usque ad 20. Septembris.

Die 20. Septembris summo mane sublati anchoris discessimus. Cumque ea nocte densissimæ tenebræ, nebulis ventisque mixtæ, ingruerent, bonam nostram navem, *Unionem* dictam, unâ cum *Celoce*, cui *Bonæ Spei* nomen, ex conspectu amisimus. Pridie sub vesperam, navis *Unio* vexillum suum prætenderat, quo fine

incertum: quamvis hostile nihilliceret suspicari, tamen omnibus noctibus in excubiis assidui fuimus.

Die 21. ut & usque ad 27. Octobris subsequenter, modò satis validos, modò contrarios, interdum etiam nullos ventos experti sumus donec juxta *Laurentii* insulam altitudinem 26. graduum attingeremus, atque ita per varias tempestates, densosque fluctus ad insulam *Gomeram* 24. demum Novembris penetraremus. Quamprimùm navis appulit, scapham in terram amandavimus. Statim adfuere quinque aut sex viri, qui Plantas quasdam nobis afferebant: nihil enim præter eas tum temporis licebat impetrare.

*Gomera in-
sula.*

Postridie iterùm scapham terram versus expeditivimus: paulò verò antè, quàm litus attingeret, Canoam quandam, inque ea duos *Æthiopes*, piscatui operam dantes, conspexerunt. Inter hanc terramque medium carpentes iter, non vi illos ad se pertrahere, sed ostensis quibusdam cultellis ad se pellicere studuerunt. Mox uterque scapham nostram ingressi, ipsam quoque navem nobiscum conscenderunt. Nos illos per benignè exceptos, atque unum tiarâ, alterum Aquæ vitæ seu vini adusti sextario donatos, ut ad suos redirent, comiter dimisimus.

Die 26. Commissarium nostrum, Jordanum, ad dona quædam regi offerenda ablegavimus. Is datis in reditum usque obsidibus in scapha, eò se contulit. Munera ista erant, novacula, tiara seu pileus Turcicus, speculum, unâ cum pectine, quæ omnia 15. solidis Anglicis æstimabantur. Rex ea contentim accipiens, ac vix intueri dignatus, uni ex nobilibus tradidit. Interim Commissario id responsi dedit, si quidem Præfectus noster in terram exscenderet, omnia pro virili ipsi suppeditatum iri.

Discedenti, accepto hoc responso, legato Rex in amicitia ac benevolentia signum sese non nihil inclinavit, ac dona aliquanto diligentius contemplatus est. A meridie enim Præfecto opimum bovem dono misit, quem nos boni consulentes, ductores ejus unò cultrorum pari, semissis æstimato remunerati sumus, quo illi probè contenti discesserunt.

Novembris die 27. Præfectus noster, duodecim viris stipatus, in terram exscendit, assumpta secum in prandiolum Marmaladæ (portulâ), ac Succeti vini que vasculo. Dum hisce in conspectu Regis vescerentur, ipse rex quidem nihil eorum degustavit, interim nobiles ejus affatim ederunt, satisque liberaliter biberunt. Finito prandio, Præfectus cum Rege per interpretem locutus, annonam necessariam ab ipso flagitavit. Conjecturâ colligebamus, Regem hæcenus sua cum Lusitanis instituisse commercia, quod linguæ ipsorum non planè esset ignarus.

Die 28. decreverat rex navem nostram conscendere, quam sententiam postea tamen mutavit: intelleximus enim ex interprete, Regis consiliarios ac subditos factum id improbasse. Sub vesperam ego ad litus me contuli, ubi nostri homines ligna quædam cædebant, paulò post scaphâ ad navem reversus.

Eodem 28. die iterum cum Navis patrono M. Tindallo, Commissario Jordano, atque universo tubicinum choro in terram progressus sum, ubi regis interpres in littore nos per amicè exceptos ad regem, qui tum in area Palatio vicina versabatur, deduxit. Is propinquior factus, summa cum reverentia inclinato capite nos salutavit. Quotiescunque rex in publicum prodit, sex octòve armati ipsi cultros acutissimos, pedem longos latosque instar securium quàm proximè præferunt,

interim Satellites alii præcedunt, ac subsequuntur, qui ab omni vi atque injuria regem tutum atque incolumem præstent.

C A P. I I I.



HOMINES hi exteros summa benevolentia, comitate ac fide videntur prosequi: cum enim inter eundum & redeundum unus ex nostris gladium suum in littore reliquisset, idque in navem jam reversus primum advertisset: accidit, ut unus ex *Gomora* incolis gladium istum in littore repertum ad Regem deferret. Qui cum intelligeret: Gladium istum ad nos pertinere, statim hominem istum interrogavit: Unde gladium istum accepisset: qui cum se eum invenisse diceret, Rex, siquidem aliter rem se habere comperiret, capite eum luiturum respondit. Postridie cum in terram rediissemus, Regis interpres benevolentiam Regis sui prolixè pollicitus, gladium nobis restituit.

In moribus etiam satis sunt civiles: si quis enim matutino tempore alteri fiat obvi- *Mores incolarum.* us, mutuas manus porrigunt, ac se invicem alloquuntur, ac si alter alteri nostro more salutem diceret. Alioquin tam viri quàm foeminae corpore sunt agili, crassis pedibus, ac moribus satis politis. Religio cum Mahumetana superstitione eadem. Nudi maximam partem incedunt omnes, nisi quòd pudenda linteo velent, ac tiarâ caput tegant.

Mulieres linteo obnubunt pectus, quod ab umbilico in genua usque propendens nudam cutim ambit: corpus verò amplo ac rotundò cingulo, eoque pendulo constringunt; qui ornatus haud quaquam malè ipsis convenit.

Discalceati incedunt omnes, excepto Rege, qui calceos indutus est: Vestitus *Regis vestitus.* Regis, cum ipsum viderem, hic erat: primum habebat mitram reticuli in modum contextam, deinde thoracem purpureum, manicis volantibus distinctum, atque antrorsum apertum: medium ventrem lintea palla succingebat, porro aliud amiculum ex humeris in pedes usque propendebat.

Interea, dum in urbe ista morabamur, incolae nuces Indicas venum nobis offerebant, quæ magnitudine formaque rotunda excedebant, aut certè virile exæquabant caput. Nuces istæ juxta uniuscujusque corticis proportionem tantum aquæ cibi que continebant, quantum in unius viri prandium sufficeret. Adportabant etiam anseres, gallinas, cuniculos, limones, orizam, lac, pisces, aliaque id genus, quæ in suos quisque usus sibi comparabat satis vili precio: duæ enim gallinæ, cultello obolari, limones atque nuces Indicæ, ferri veteramenti, clavis, contractis hastis, & similibus permutabantur. Aquæ autem recentis magna istic loci est penuria: quam habent, ea ex arena scaturit, in qua scrobem primum defodiunt, postea promanantem aquam nucum corticibus excipiunt, atque in potum reservant. Obtulerunt quidem nostris hominibus aquam istiusmodi, verum quod fœculenta & turbida esset, nemo nostrum eam degustare sustinuit. In hac insula Gomora à 25. Novembris usque ad 29. diem commorati demum aspirante cœptis vento discessimus.

Decima Decembris sub crepusculum lucente adhuc lunâ nec opinantes humilem quandam regionem proceris arboribus confitam in littore maris animadvertimus, cum vix uno milliari navem à terra subduxissemus. Certè nisi arbores istas conspexissemus, regionem istam umbram, quam luna de se spargeret, arbitrati, facile præsentissimum vitæ fortunarumque discrimen incurrissemus. Sed visum numini nos de imminente periculo præmonere, cujus propterea, nomini gratiæ debentur immortales.

Regio istæ, insula *Pemba* erat, quam nos initio *Zenzabaram* esse opinabamur, *Pemba* donec *insula.*

donec ab Incolarum uno rectius certiusque edoceremur. Conspicati igitur humilem istam insulam, navim à littore, donec dies illucesceret, abstinimus: orto vero jam sole, terrę propinquantibus portum anchoris figendis opportunum inquisivimus: interim per canalem quendam Celocem nostram una cum M. Elmore, qui locum aquę hauriendę idoneum vestigaret, emisimus; ne quicquam cursu nostro, donec Celox rediret, immutato. Incolę Lusitanorum linguā nos interrogantes, quinam essemus, cum Anglos nos esse, intellexissent, porro instabant: Ecquid ergo nobis istoc in loco, qui Regem Portugallię dominum agnosceret, esset negocii? Quibus responsum: Id quidem nosignorasse, cæterum non hostili animo, aut re ante deliberata eò venisse: aquam tantummodo expetere, pro qua illis abunde satisfacturi sint ut & pro aliis rebus omnibus, quas quidem ipsis porro allaturi sint. Sic isto die utrinque discessum.

C A P. I V.



VNDECIMA die scapha ad priorem locum in terram reversa, illum hominibus vacuum deprehendit. Itaque post meridiem sublatis anchoris ad tres anfractuosas insulas, quę *Pembam* insulam quàm proximè attingunt, perreximus. Locus autem, quo anchoras excussimus, sub altitudinis g. 5. m. 20. situs erat.

Die 12. Celox nostra una cum M. Jordano, atque ex mercatoribus uno terram versus priorem ad locum rediit, qui in terram egressi, habito cum aliis quibusdam, non prioribus illis, incolis colloquio, intellexerunt, Regem istius insulę Mallaibare esse. Itaque Jordanus ipsis significavit: Licet navis nostra ex Anglia solvisset, se nihilominus Lusitanum esse mercatorem & merces omnes navi vectas ad Lusitanos pertinere. Tum verò omnem annonam benevolè nobis polliciti incolę, per Æthiopem quendam commodum aquandi locum nobis commonstrarunt. Caverna erat ad pedem montis, quam ab uno latere mons, ab altero agger manu factus ambiebat. Vasis omnibus recenti aquā jam completis, cum ad navem redire constituissemus, Æthiopem istum cujus indicio aquam obtinueramus, simul ut navim nobiscum conscenderet invitavimus. Hunc perbenignè exceptum postero manè in terram rursus exposuimus: qui ad suos reversus, cum passim nostram humanitatem deprædicasset, complures alios, atque in his Nobilem quendam, qui dictionum aliquot gallicarum gnarus erat secum ad littus deduxit. Nos itidem eos in navem acceptos, comiter tractavimus, postridie verò ad terram iterum deduximus. Nobilis iste paulò post aliquot gallinas, nuces Indicas, ac mala aurea, sicuti promiserat, nobis afferebat.

Navarchus etiam noster, me, M. Reveto, aliisque aliquot comitatus, in terram ad prandium capiendum se contulit: quo finito, duo equites una cum Æthiope, quo mancipio utebantur, ad locum aquationis, ubi nostri aquę hauriendę gnæviter intenti erant, devenientes interrogarunt, Ecquis ex primoribus navis, aut mercatorum collegio adesset. Quibus Edoardus Charmannus, unus ex mercatorum collegio respondit Adesse Navarchum & primarium quendam mercatorem, quos, si quidem colloquium cum iis instituere visum, adducturus esset. Ut convenerunt, equites cum more Lusitano nos salutassent, quinam gentium essemus, quę sivere. Cum Anglos nos esse diceremus: illi felicem nobis adventum gratulati, omnem, quę quidem tota insulā comparari posset, annonam nobis benignè obtulerunt: Quod grato animo à nobis est acceptum.

Verum isthęc saccharo condita verba, dolo suo, quem postea magno nostro malo experti sumus, rectius occultando prætenderant. Cum nos vicissim instare-

staremus, ut quoniam ipsi essent, indicarent, responsum tulimus: Alterum esse Regis fratrem: qui confestim anulum argenteum proferens, cujus palæ vici ac pagi tota <sup>Regis Pem-
ba frater.</sup> insulæ insculpti erant, se omnium istorum locorum supremum Dominum esse affirmabat. Porro rogati, Num etiam Lusitani in insula ista reperirentur: Illos omnino à se extirpatos atque profligatos retulerunt: quippe qui omnia vi ipsis extorquere, incolas insulæ in perpetuam servitutem abripere, quotiescunque venirent, bella movere acerrima fuerint soliti: proinde hanc illorum contumeliam se diutius haudquaquam sustinere potuisse.

Interea Celox nostra, quæ ad alium quendam locum, si quas fortè pecudes impetrare posset, perrexerat, inanis ac vacua rediit. Incolæ pecudes quidem polliciti fuerant, verum illas in tempus prodicioni, quam machinabantur, commodius reservant.

Referebant tamen socii nostri, se cognovisse, in altero insulæ latere, quò pecudes petiti navigaverant: Quindecim naves Hollandicas arcem *Mosembiquam* trucidatis in ea Lusitanis omnibus, expugnasse; quod veritati congruum esse, etiam Zinzibaræ incolæ affirmant. Nuncium hunc Equites isti, ut erant fallendi, dolosque struendi artifices eximii, summa cum lætitia atque applausu exceperunt, ut postea eò feliciter nos incautos prodicionis suæ periculo objicerent. Sub noctem illos, ut navim nostram conscenderent, invitavimus; verum illi id facere detrectantes, postridie ad navim se reverfuros, spoponderunt: quod & factum est.

Priusquam verò navem nostram ingrederentur, obsides sibi dari petierunt, quos & obtinuerunt, Thomam nempe Cavum, Gabrielem Prokium, & Laurentium Pigottum chirurgum nostrum. Regulus interim cum duobus aliis comitibus satis laute à nostris in navi excipiebatur. Postridie, qui 18 Decembris erat, illos ad littus revehendo curavimus: ac Regulo quidem Generalis noster duas capras, ut & thecam chartaceam pulvere nitrato plenam; reliquis verò duobus minoris precii merces dono obtulit. Ut in terram ventum, M. Revetus, Jordanus, Glaskockus, alii eos, ut nostros quoque obsides reciperent, subsequuti sunt. Dum ita absque ullo periculi ac prodicionis metu, nostri unà cum Equitibus istis, ad domicilia ipsorum incauti progrediuntur, obsides suos 50. aut 60. armatorum custodiâ attineri animadvertunt. Barbari isti suis quisque armis, utpote arcubus, sagittis, gladiis, scutis, jaculis, atque acinacibus instructi erant. Quamprimum eò devenimus, illic receptis obsidibus, ad latus maritimum sub conductu Regii fratris, quem frequens Æthiopum stipabat manus, perreximus. Ex his octo ad celocem usque nostram nos comitati cum reliquis ad suos tandem redierunt. Nos scapham continuo intrantes, Regis fratrem, ut unà nobiscum ad navim usq; proveheretur, invitavimus. Cum is petitioni nostræ annuisset, in navi perquam amicè atque hilariter tractatus sub vesperam etiam, cum necessario sibi abeundum diceret, cultello aliisque id genus vilis precii merculis à Navarcho nostro donatus est: quas tamen ille ut se indignas aspernatus, scaphâ nostrâ ad suos in terram rediit. Facile hinc erat colligere, ipsos monstri quid alere, ac proditorias artes adversum nos moliri: itaq; cautiùs ac circumspectiùs exscensionem in insulam faciendam esse decrevimus.

CAP. V.

DEcimo nono Decembris die scapha nostra oblonga ad littus aquatum appulit. Cum verò Æthiopes vela navis, ut eò citius exsicarentur, expansa cerneret, nos abitum parare arbitrati sunt. Itaq; Regii fratris comes, Gubernatoris nostri Vicarium accedens, nunquid ad iter nos accingeremus, inquisivit: Is, prout poterat, non alium in finem, quàm ut vela sicarentur citius id factum re-

spondit. Interea dū hos sermones miscemus, ecce celox nostra aliquot armatis probè munita atq; instructa appropinquat, atq; ita ulteriorem inquisitionem abruptit, magno nostro bono. Absq; ea enim fuisset, ad unum omnes trucidati, etiam scaphę jacturam fecissemus. Duo enim ex iis nebulones in densos quosdam frutices, mari vicinos sese abdiderant, ad primum impetum faciendum, siquidem signum ipsis datum fuisset, satis parati. Verùm cum Celox nostra terrę jam appropinquasset, nostri haud procul inde exscensione facta, rerum suarum quàm diligentissimè satagebant. Navarchus noster Nicolaum quēdam Witum ad loci incolas, qui de mercatorum nostrorum adventu ipsos certiores redderet, ablegavit: qui domicilia eorum præteriens, obiter magnam in iis armatorum manum, atque inter cæteros, sex Lusitanos stolâ Damascenâ eaq; variè undulatâ, ac serico cæruleo subducta, ut & albis femoralibus ex linteo Indico confectis conspicuos observavit: idq; reversus Navarcho indicavit. Interea Regii fratris comes ad nos veniens, significavit M. Reveto, mercatores suos ex itinere defessos etiam atque etiam rogare nostros, ut ad se pecudum greges rectius contemplaturi, haud gravatim porrò pergerent, cum tamen unicum se tantum bovem vidisse, Nicolaus Witus ostenderet. Verùm M. Revetus id modestè deprecatus, petiit, ut bovem istum quàm proximè litus agerent, multas enim scaphæ merces detineri, ex quibus ipsis abundè satisfacturi sint. Itaque Barbarus iste, cum nos melius quàm antea, ab armis instructos cerneret, pedem retulit. Interim Regis frater, qui in littore præsens aderat, Æthiopi cuidam mandarât, ut nuces quasdam indicas pro Generali nostro colligeret, ad eas auspportandas ex nostris *Edoardum Churmannum* destinavit: quem postea nunquam vidimus, nec quid ipsi acciderit, cognoscere potuimus. Cum verò neminem ex nostris porrò progredi, sed quàm vigilantissimè excubias agere cernerent: symbolo dato, cornuque quodam inflato nostros homines aquationi intentos adorti, ex iis *Johannem Haringthonum* Vicegubernatoris famulum trucidarunt, *Robertum* verò *Boclerum* *M. Ellanoris* ministrum decem distinctis vulneribus fauciarunt, illum utique interfecturi, nisi Musquettas aliquot in hostem evibrassemus, quibus læsi nonnulli, magno clamore edito fugam capeffivere. Ministrum illum vulneratum in navem detulimus. Quidam etiam ex nostris, scaphæ nostræ adventum præstolantes, in foveas sese abdiderant: atque ita feliciter periculum evasere. Instituta enim numeratione, neminem præter *Edoardum Churmannum*, & *Johannem Haringthonum* desideravimus. Mox ad socios in navim reversi, quam fortunæ periculi que aleam terrâ subiissemus, recensuimus, in primis quod *Robertus Boclerus* Chirurgus noster lethaliter vulneratus esset, qui tamen brevi post, diligenti adhibitâ curâ, feliciter est sanatus.

*Edoardus
Churman-
nus deside-
ratur.*

20. die, summo mane Celocem nostram, ut & oblongiorem scapham probè armatam ad littus impulimus, ut *Davidem* nostrum (sic instrumentum vocant ligneum, quo in anchoris fundo extrahendis uti solent) in terra relictum repeteremus: ad cujus latus haud ita procul *Johannem Haringthonum* mortuum, acve-

ac vestibus omnibus spoliatum reperimus, qui postea in minori quadam insula, huic admodum vicina terræ à nobis mandatus est.

C A P. V I.



NICOLÆ hujus insulæ Pembæ naturâ ad humanitatem & mansuetudinem videntur inclinare. Quidam enim ex iis sub primū nostrum in Insulam adventum, me aliosq; signis monebant, cautē ac circumspēctē nobis agendum, ne fortē ad unum omnes trucidaremur. Verū ista tum temporis flocci facientes vili pependimus, quæ tamen postea proditio hæc in mentem nobis revocavit. Nos ipso hoc die anchoris levatis, vela ventis dedimus. Sub noctem, horam circiter 12. navis nostra violenter admodum in *Melvidere* seu *Pembæ* finibus, quos præ tenebris dignoscere haud poteramus, fundo allisa est: Verū Dei præsentis opem, ut antea sapius, ita & hic experti naufragii periculum feliciter evasimus.

Die 21. summo manē tres naviculas seu scaphas, *Pangajas* dictas, ac levi opere extructas, in salo fluctuantes conspeximus. Has interceptas penes nos derivuimus. Aliquot naviculae derivantur. Incolæ id animadvertentes, *Pangajam* statim aliam cum speculatore, qui rem certius cognosceret, ablegarunt, ipsi verò ad suos reversi sunt.

Quadragenarium excedebat captivorum numerus, in quibus octo præ cæteris maximè eminebant; hos quòd colore essent pallido, albicante, atq; à cæteris Æthiopibus diverso, nostri Lusitanos esse arbitrati sunt: illi tamen Lusitanos se esse constanter pernegarunt, Æthiopes se professi: in cujus rei fidem terga characteribus exarata commonstrabant: simul indicantes, Lusitanos haudquaquam circumcisionis ritum admittere.

Socii autem nostri minimè se passi persuaderi, in sententia, Lusitanos illos esse, perseverarunt: prolixè iis exprobrantes, quàm proditoriè istius insulæ Æthiopes cum ipsis egerint, quòd per ejusmodi fraudes duo ex sociis perierint, tertius lethaliter vulneratus vix animam traheret. Non parum hisce auditis animi captivorum percelli videbantur, quibus metuendum, ne in ipsos vindictæ initium fieret. Itaque clandestina inter se, suâ linguâ, miscebant colloquia, unde adhuc major nostris oborta suspicio, nefarium aliquod istos nebulones moliri facinus: quippe gladios nostros, qui in Navarchi cubiculo ipsis probè cognito nudi asservabantur, quàm diligentissimè observabant, adhæc intentis oculis prospectabant, ubi M. Glaskockus, egoq; gladium meum deposuissimus. Quod cum animadverterem, omni studio cavine majus aliquod damnum nobis inde inferri posset. Versabar ego solus in superiori navis parte: neq; licet tertio aut quarto apud me instarent, sub tabulatum ad ipsos me recipere volui: ne fortè gladiatorum facti compotes, ulteriorem, quam quæ postea contigit, stragem edidissent.

Nauclerus noster, sub tabulatum se conferens, Pilotam horum Æthiopum ad se vocatum in cubiculum suum introduxit, ut mappam nauticam ipsi cōmonstraret.

Dum cum ipso descenderet, suos Æthiopicâ linguâ, quantum quidem colligere poteramus, affatus monuit: diligenter atque intentis animis arrectisque auribus observarent, quando signum ipsis daturus esset, actum, quàm maximè possent, alacriter rem aggredierentur. Cumque Pilotam cultrum penes se habere, spargere: instituta quidem diligens est inquisitio, verū nebulo iste cultrum ab uno latere in alterum versare gnarus, illum nec opinanti naucler o in ventrem impegit, sicque magno clamore sociis pugnandi symbolum dedit.

Ingens inde sub tabulato oritur fremitus ac strepitus: ad quem sedâdum M. Glaskockus, Generalis aliique accurrentes, quinque ex albis istis nebulonibus conficiunt: cùm verò reliqui quàm pertinacissimè resisterent, tanta edita est strages, ut quinquaginta eorum, donec deditionem facerent, interfecti sint.

Paulò ante, quàm Naclerus noster Æthiopum pilotam ad se vocaret: decreto Generalis captivis denunciatum fuerat: siquidem pisa penes se haberent, ea precio æquo nobis divenderent: tum quicquid ipsis ablatum esset, continuò redditum, seque adeò ipsos pristinae libertati quam primum restitutum iri. Hunc in finem Naclerus Pilotam accersendum curaverat, num mappæ nauticæ etiam peritus esset, exploraturus, postea ipsum cum reliquis captivis liberum dimissurus. Detectâ interim proditione, acriq̃ue coortâ pugnâ, periculum, quod vitæ fortunisque nostris ingruerat, haud aliter à cervicibus nostris depellere potuimus.

Quinque aut sex istorum nebulonum magnâ in natando celeritate usi, arreptâ unâ ex naviculis, in terram evaserunt. Tam celeriter etiam adverso vento pronatabant, ut Celox nostra, remis impulsâ, eos assequi non posset.

Hoc in tumultu tres tantum ex nostris vulnerati sunt. M. Glaskockus duo acceperat vulnera, quorum alterum in tergo satis profundum ac periculosum erat: M. Tindallus, quem inermem cominus aggressi erant, inverso nonnihil corpore, vulnus in brachio excepit: Naclerus autem, ut dictum in ventre plagam sustinuit: qui tamen omnes, Dei gratia, probè curati, ac feliciter sanati sunt.

C A P. V I I.

DE CIMA nona Januarii ad novem incultas, nec abs hominibus habitatas insulas pervenimus, quas Lusitani, Almaifant, nominant. Die 20. celocem nostram ad harum insularum unam summo mane aquam recentem allatum ablegavimus, quæ tamen aqua vacua ad nos rediit: interim cùm magnaturturum ibi reperiretur copia, lex eorum secum attulit.

Postridie ad aliam quandam insulam deflectentes, reperto 13. orgyiarum fundo anchoras fiximus: cum verò portum haud incommodum nacti videremur, ibidem usque ad primum Februarii diem substitimus, abundè nobis interim de recenti aqua, nucibus Indicis, piscibus, palmitibus, columbis prospicientes.

Calendis Februarii, vento nos à puppi prosequente usque ad 19. diem continuò perreximus, quo secunda vice Æquinoctialem lineam subivimus: die verò 15. *Malveidii* regio nobis in conspectum se obtulit.

Decima sexta die anchoras duobus à continente milliaribus ad 12. orgyias depressimus, celoce ad cibos viribus recreandis necessarios in regionem dimissa. Verùm illi, cùm neque commodè navem ad littus propellere, neque ulla ratione incolas meticulosos possent ad colloquium allicere, re infecta redierunt. Itaque sub meridiem aliò vela direximus. Sub idem tempus pueri cujusdam nautici, Guilhelmi Actoni nefandum scelus innotuit: quam ob causam in jus vocatus, capitisque damnatus, tertia Martii die, summo mane, meritò mortis supplicio affectus est.

Martii 21. iterùm desertam quandam insulam conspeximus sub altitudinis gradu 12. minutis 17. Progressi ad 3. milliaria, tres montes seu scopulos, itidem incultos,

cultos, habuimus obvios. His è regione tres insulæ obiciebantur, in quarum una, *Sacatora*, quod portus esset commodus, anchoras jecimus. Incolæ, ut primum nos conspicati sunt, accensis passim ignibus in fugam se conjecerunt: quod opinionem nobis attulit, paulò ante damnum aliquod ipsis allatum esse. Scapham quidem ad littus impulimus, verùm qui in ea erant, omnia quàm diligentissimè perlustrantes, nihil reppererunt, quod recreandis viribus inservire posset.

Littus itaque hac vespere legimus, si fortè meliorem portum possemus deprehenderè.

Pridie Calendas Aprilis Gussaratarum quandam navem xylino, Calicoë, & Pentathoë onustam, quæ Adenam versùs ibat, obviam habuimus. Huic comites nos adjunximus, quod dicerent, civitatem istam emporio frequentissimo maximè nobilem esse, quod secus tamen experti sumus: quippe, quæ militum præsidio ac castello, quod mare undique alluitur, ac 32. tormentis majoribus instructa est, munita, 50. ejusmodi tormenta in sui defensionem continet.

C A P. V I I I.



ADENAS 10. Aprilis pervenimus. Gussaratarum navis in portum civitatis subducta, nuncium Præfecto attulit: venisse Anglos, qui commercia cum incolis instituere cuperent. Is statim Admiralem suum ad nos ablegavit, ad quem Generalis noster cum aliquot sociis incautiùs progressus, à quatuor equitibus robustissimis exceptus, ac magna solènitare ad Præfectum civitatis est abductus. Qui cum Generalem nostrum, simplicem ac credulum esse animadverteret, illum in ædes quasdam deduci, ibique firmo Janitzarorum præsidio custodiri iussit: qua quidem custodia ego unà cum Generali sex integras septimanas detenti fuimus.

Interim Præfectus iste Generalem nostrum adegit, ut ex navi nostra tantum ferri, stanni, panni quæ expromeretur, quòd illa æquo precio se empturum simularet, ut plusquam 25000. taleris censerentur.

Perfida Præfecti Adenarum malitia.

Ubi verò isthæc in terram egesta sunt, omnia sibi vectigalium jure vendicavit. Mox 27. Maji dimisso Generali duos ex mercatoribus detinuit, quos, nisi 2000. taleros pro anchoris istic loci defixis exsolverent, minimè libertati se restitutum edixit.

Cum verò universa societas tantum pro illis dependere recusaret, illos octo dierum itinere ad Bassam *Sienensem* curavit deportandos.

Die 28. Celox ad nos reversa retulit, Nauclerum suum, à Thoma Claræo, qui præacutum malleum capiti ejus infixerat, nefariè trucidatum esse, eam duntaxat ob causam, quod Aquæ vitæ, seu Rosæ Solis paululum in extremos usus reservare decrevisset. Sicarium hunc extimularant Volpertus Franciscus Driverus, Andreas Gansius, & Edoardus Hillius.

Nauclerus trucidatur.

Itaque pridie Calendas Junii causa coram iudicibus capitalibus cognita, duo ex iis ad mortem condemnati, in celoce, ubi facinus perpetratum erat, suspensi sunt. Reliqui duo vindictam divinam haudquaquam effugerunt. Edoardum enim Hillium Charibes, seu Anthropophagi vorarunt: alter, membris putredine corruptis, consumptisque miserè extabuit.

Tertia Junii die denuo ad iter nos accinximus, strenuè pergentes, donec per fretum aliquot milliariibus à *Moqueo* dissitum in mare Rubrum penetraremus. In ostio freti istius brevia ad duo occurrunt miliaria, quæ justa latitudine declinanda sunt,

sunt, si quis salvus in ipsam civitatem, quæ 6. milliariibus inde distat, pertingere velit. Statio hoc in loco navibus subducendis, anchorisque ad 14. orgyias solo solido infigendis commodissima est. Neque portus unquam navibus vacat. Confluunt enim eò Caravanæ tanquam ad Emporium longè celeberrimum ex Siene, Mecha Goa, Alexandria. Nostræ etiam merces, quæstu uberrimo, distrahuntur, utpote stannum, ferrum, plumbum, panni, gladii, frameæ, aliæque res ex Anglia deportari solitæ. Mercatus quotidie celebratur frequentissimus, ubi omnis generis fructus cerasa, mala cotonea, dactyli, uvæ, limones, *Praches*, aliæque plantæ venum exponuntur, quod maximè sum demiratus, cum assererent incolæ septennii spacio, nullas istic loci decidisse pluvias: nihilominus tanta frumenti copia ibidem cernebatur, ut modius 18. nummis Anglicis æstimaretur.

Pecudes quoque vili admodum precio comparari possunt, bos tribus taleris, capra, ut & ovis, dimidio æstimabatur Piscium verò tantum tribus nummis Anglicis emeris, ut decem viris in prandium sufficiant. In primis Delphines, marini pisces, prasimi, muli, aliæque varii generis hoc in loco commendantur.

Incolæ civitatis Arabes sunt, Turcarum imperio subiecti: Si quis Arabum contra leges peccet, acerrimè coram iudicio punitur, & plerumque ad remos condemnatur, quòd alia ratione in officio haud facillè contineri possent.

In hac civitate à 13. Julii usque ad 18. mansimus, quòd eperditis duabus anchoris, coeptum iter continuavimus. Circa 5. Augusti diem ex adverso civitatis *Sajos*, quæ Regis aula est, anchoras ejecimus.

Unus ex nostris mercatoribus in terram progressus munus Regi obtulit, simulque copiam sibi dari petiit, recentem aquam, capras aliisque necessarium pro navi nostra com meatum comparandi. Verùm Rex, mulierum pavorem nimium pretendens, hoc ipsi denegavit, interim ad civitatem *Roadam*, quæ 5. milliariibus inde distaret, nos ablegavit; ubi pro ratione loci necessariam annonam essemus reperturi. Quo delati, de recenti aqua, capris, aloë, Saccotrina, sanguine draconis, aliisque rebus preciosis nobis prospeximus.

C A P. I X.



U B S T I T I M U S hoc in loco à 5. usque ad 18. Augusti diem, quòd vela *Cambajam* versus dirigentes, 28. die *Moam* tenuimus. Hic unus ex sociis monuit, ducem precio, quòd 20. Taleros non excederet, comparandum, qui per anfractuosa Syrtis, ac periculosa breviter Suratum usque nos comitaretur. Verùm patronus navis, qua erat imprudentia, salutare hoc consilium neglexit.

Itaque cum 29. die iter ingrederemur, spe ducti bona, optimo tramite nos processuros: continuo à decem ad 7.6. imò etiam 5. orgyias aberavimus navi fundo periculosè admodum bis impacta.

Naufragium.

Secundo enim impetu navis clavus disruptus in undis periit: cumque excussis anchoris biduum ibi hæsissemus, navis frustillatim dilabi cœpit: itaque cum præter oblongam scapham, nulla alia superesset navis, in quam confugeremus: hac ipsa ex majori nave tormenta majora in Celocem transtulimus. Faber verò nauticus omni diligentia navim revinciens atque refarciens, tantum suâ industriâ perfecit, ut in extremo hoc periculo, quòd perditum ituros nos omnino existimabamus, sedecim homines, upà cum navi, incolumes ad litus pertingerent.

Die 2. Septembris, vesperi horam circiter sextam navis iterum fundo allisa, tantum aquarum imbibit, ut quatuor integras horas is exhauriendis frustra impen-

pendentes, in scapham demum, aquarum in graveſcente impetu, compelleremur. Mercatores noſtri 10000. argenti libras inter majorem & minorem navis malum repositas habebant, ex his Generalis unicuique noſtrum liberam fecit poteſtatem auſportandi, quantum commodè ſe ablaturum confideret, etiam ſi ad 3000. libras ſumma aſſurgeret.

Itaque hic 100. ille 40. alius 50. quidam plures, quidam pauciores auferentes libras de ſerta navi, omniſque cibi potuſq; neglecto comineatu, velum ſub horam circiter duodecimam erexerunt, ſperantes, in terram, quæ Orientem verſus 20. milliariis remota erat, ſe ſe hac ratione evaſuros. Sic noctem iſtam, diemque inſequentem ad horam uſque 6. vespertinam abſque ulla corporis reſeſtione tranſegimus, donec 3. Septembris die parvam quandam inſulam, brevibus quaſi circumdatam proſpiceremus.

Scapha
rumpitur.

Interea, ingruentibus pluviis, ſcapha noſtra, quæ 55. homines vehebat, circa medium rupta diſſiliit: nihilominus Deo viſum, ut erecta iterum malo, ſuperatiſq; brevibus iſtis, in portum Gandevenſem, incolumes eniteremur. Loci incolæ, cum tantum virorum agmen duabus ſcaphis ad vehi cernerent, impulſis tympanis ad arma conclamarunt, Luſitanos nos eſſe rati, qui urbes ipſorum expugnaturi, iſto loco in loco appelleremus. Quod animadvertentes noſtri, Guſſaratam quendam, qui caſu aliquo nobis adhæſerat, ad littus miſimus, qui incolas de noſtro infortunio edoceret. Cum igitur Anglos nos eſſe, ac naufragium paſſos intelligerent, viam, quæ in civitatem *Gandevam* duceret, nobis commonſtrarunt. Cujus Præſectus, audito noſtro infortunio, non nihil miſeria noſtra affici viſus, admodum benignè atq; humaniter nos excepit. Atque iſis maritimi noſtri itineris finis fuit.

C A P. X.

QUARTA Septembris die, Anni 1609. *Gandevam* pervenimus. In *Gandeva* hac civitate portus eſt ampliſſimus, qui complures naves quadra-
civitas.
ginta aut quinquaginta onerum capaces continet. Loco ſita eſt
fertiliſſimo, atque ab Ethnicis Præſectis gubernatur.

Die 25. Septembris *Surratum* verſus inſtituto itinere *Sabajam* *Sabaja* ci-
venimus, qua in civitate multæ netrices ac tẽxtores reperiuntur;
vitas.
qui *Calico*, ſeu linteamina Indica magnâ copiâ conficiunt.

Hinc *Surratum* petiimus, ubi *Wilhelmum Finckium* Mercatorem anglum, *M. Surratum*.
Johnsoni in *Chrapside* curatorem offendimus, qui noſtro nomine Præſectum acce-
dens illi miſeriam noſtram expoſuit.

Verùm iſis muneribus jam antea corruptus, ut poſteà patuit, calumniis, quæ de nobis ſpargebantur, fidem habuit, ac ſi homines eſſemus rebelles ac ſeditioſi, quid unicè molirentur, ut tumultu quodam excitato urbem ſuam facerent. Itaq; triduum in Cœnobium quoddam detrufi, poſt in Ethnicam domum deducti ſub accurata cuſtodia manſimus, donec tandem interceſſione atque opera *Wilhelmi Finckii* rhedas, equos aliasque res ad iter neceſſarias obtinuimus: quibus inſtructi ad Magnum Mogolem, ut in illius quoque ſinum miſerias noſtras effunderemus, perreximus.

Surratum per vetuſta ac celebris eſt civitas, muro cincta lapideo, ac fortiſſimo-
rum militum præſidio munita: emporio maximè nobilis, ubi sæpè 500. onerum na-
ves conſpiciuntur, quæ quia ob periculofas ſyrtes propiùs urbem ſuccedere metu-
unt, per alias minores allevari, atque exonerari ſolent.

Die 23. Septembris *Surrato Agram* verſus diſceſſimus. Noſtrum erant, unà cum *Agra*.
am-

Generali, 52 qui 21. rhedis, propriis partim, partim conductitiis, ac 19. equis versus amplissimam urbem, *Bramportum* vehebamur: priores duas noctes sub dio in campis consumpsimus.

Nawubona. Vigesima sexta die *Nawbonam* pervenimus, ubi saccharum ingenti copia provenit, ut & xylum omnisque generis frumentum, oryza, triticum, fabæ, pisa, Cheecoës, Lanteechoës, Motru &c. Terra usque adeo fertilis est, ut quis duas lactis mensuras dimidio nummo anglico, gallinam sesquinummo, 16. ova unico nummo Anglico possit redimere.

A *Gandeva Sabajam* usque numerantur *Cursus* 12. à *Sabaja Surratum* usque totidem. Duo autem *Cursus* tribus Anglicis milliaribus respondent.

Daytaotote. Die 27. duodecim emensi cursus ad quandam Bannianorum civitatem, *Daytaototen* pervenimus. Hic *M. Revetus*, unus ex mercatoribus nostris diem suum obiit. Civitas ista, cum per Magnum Mogolem vi expugnari non posset, certis conditionibus cum ipso transegit, ita ut titulum ejus *Bannianorum* Rex semper retineat. Biduum in ea morati omnis generis aromata, præstantissimam *Pentathoen* ac *Callicoleinen* vidimus.

Calendis Octobris, confectis duodecim Cursibus, sub dio pernoctandum fuit.

Notherberrium. Postridie quatuordecim cursuum peracto itinere, ad aliam quandam Bannianorum civitatem, *Notherberrium*, pertigimus. Magnus in hac urbe est mercatus, ubi omnis generis ex orichalco confecta supellex magnâ copiâ distrahitur, utpote ollæ, cacabi, candelabra, sartagine, item ferrei thoraces, gladii, scuta, hastæ, equi contra telorum jactus muniti, Cameli, ac diversi sexus animantia alia. Tela quoque xilina, *Pentathoës Callicoleine*, pepla pro tiaris seu pileis Turcicis velandis, item Limones, *Porathoës*, cujus tria pondo unico nummo veneunt, aliaque id genus aromata ibidem reperiuntur. Panni certè Anglici, magno cum lucro hîc divenderentur, cum levidensa in summo sit precio. Auro insuper atque argento abundant incolæ, qui humaniter admodum atque amicabiliter cum peregrinis norunt agere.

Sayloto. Tertia die, decem absolutis cursibus, ad parvam quandam civitatem, loco culto sitam, *Saylotem* nempe pervenimus, ubi etiam Saccharum, aliaque fruges quam uberrimè succrescunt.

Saddisea. Postridie per 18. cursus *Saddiseam* attigimus: in qua civitate præsidium militum alitur: Hanc Tyndea fluvius, omnis generis piscium feracissimus aluit, qui *Surratum* usque profluens, Bannianorum & Gussaratarum regionem disternat.

CAP. XI.



BANNIANORUM gens longè fortissima est. Hi Deum mirabili ritu colunt, videlicet idolis lapideis, quorum capitibus balneares fascias suspendunt, postea conversis ad Solem capitibus, hunc venerantur, hunc adorant, huic omnium suarum fortunarum incolumitatem acceptam referunt. Atqui majorem hanc idolomaniam perpetrant. Vaccam enim auro gemmisque decoratam, atque in capite corollis floribusque venustissimis exornatam, ad sepulturæ suæ locum deducunt, post concione habita, illi pedes ungulasque deosculati summos honores deferunt: quam superstitionem non sine tædio intueri potui. Causam, cur id facerent, rogati responderunt; Hanc matrem esse omnium reliquorum animantium, quæ lac, butyrum, caseum, juvencos, quibus arva colerent, demum pelles, ex quibus calceos conficerent, tanquam ex largo sinu ipsis suppeditaret. Ad hæc sine pudore asserebant; hanc à matre Deum consecratam, quæ summo præ cæteris animantibus honore coleretur. Nos Bannianis relictis, trajecto amne *Tyn-dea*, in Gentilium regionem descendimus. Ubi tanto agmine, partim cisis, partim equis vecti, prope Saddiseam venimus: incolæ nos hostili civitatis occupandæ animo isthuc viam affectare arbitrati, clausis undique portis, tormenta sua in nos direxerunt. Verùm Generalis interpretem statim ad eos misit, qui de instituto nostro itinere ipsos edoceret. Itaque Præfectus ipse portas aperiens magna ac solemni pompa, quàm amicissimè nos excepit. Quia verò nox jam ingruerat, juxta ripam fluvii castrametati sumus: postridie urbem ingressi, noctem insequentem ibidem permansimus. Orto verò sole denuò in viam nos dedimus, ac confectis duodecim cursibus in Cœnobio quodam pernoctavimus.

Septima Octobris ad magnam civitatem Bramportum, ubi magni Chami Chanawæ sedes est, præsidio militari probè munita, perreximus. Hoc in loco à bellicis muneribus vacuus animus oblectare, ac genio plerumque indulgere solet. Reversus is est ex militia, vigesimo primo Octobris, adductis secum 1500. Elephantis, 30000. Equis, 10000. Camelis, & 3000. Dromedariis.

Regio hæc versus Septentrionalem Occidentis plagam sub altitudine 20. circiter graduum porrigitur: Musquetæ, bombardæ, pistolæ, petronellæ, gladii magno hic sunt in precio, sclopi verò igniarii nihil valent. Magna quoque panni ibidem est caritas. Trita enim penula, vix 20. solidis æstimanda, 3. Sterlingiorum libris censebatur.

Cum à septimo Octobris, usque ad undecimum Novembris in hac civitate substitissemus, ego una cum Johanne Furchmanno uno ex mercatoribus nostris ad Capitaneum me contuli, quò salvi conductus literas, liberè ad Magnum Mogolem proficiscendi ab ipso impetrarem. Is statim nos interrogavit: annon animus nobis esset bellica stipendia facere, quæ, siquidem operam nostram sibi cõdiceremus, quàm amplissima nobis largiturus esset. At regressimus; Miseros nos esse mercatores, qui variam fortunam exper-

D

ti,

ti, naufragium tandem essemus passi. Tum Capitaneus, Nullos ibi, inquit, mercatores sive Anglos, sive alios reperiri, semilitem esse, ac bellicis labiribus affuerum.

Cum in patria uxores & liberos nobis superesse diceremus, qui reditum nostrum summis desideriis exoptarent: Rectè nos facere, respondit: ac lege sua prohiberi, ut quis invitatus detineatur. Porro contanti:annon uniones aut gemmas quasdam Gynæceo gratas penes nos haberemus: ego cleinodium quoddam 40. Sterlingiorum libris vendidi. Denique Secretario suo, ut salvi conductus literas conficeret, mandavit, quas postea sigillo suo majori firmatas nobis porrexit, ut tutò iter nostrum *Agram* versus proficere possemus.

C A P. X I I.

De Elephantis.



UM antea Elephantorum facta sit mentio, paucula quædam de iis, quæ ipsemet vidi atque expertus sum, hoc loco referam.

Elephantum in præliis campestribus potissimus est usus. Turriculam enim ligneam, quatuor æneis tormentis instructam tergo ejus superstruunt; in hac decem viri sagittis arcibusque armati, qui tormenta istæc displodant, collocantur. Unde, quantæ hujus bellæ sint vires, facile est colligere. Vidi aliquando regium adduci Elephantum, huic tormentum 21. pedes longum, quod globum septem pollices altum projiciebat, carro impositum ex latere montis in altum proponebatur protrahendum: Quod cum Elephas paulò segnius exequeretur, neque Magistro suo satis faceret, is ignaviam illi exprobrans, vix pabulum eum promereri dixit. Cum verò ea Elephantorum sit natura, ut non patiantur ulla in re sibi contradici, sed superbè admodum de se sentiant; Elephas quoque iste ad convicia Magistri retrò nitens, carum frustillatim discerpit, ac tormentum humi afflixit. Postea cum Fabrorum operâ novo extructo carro tormentum esset impositum, idem adductus Elephas, proboscide rotas arripiens, tormentum in locum à Magistro destinatum, nullo negotio pertulit.

Elephantorum cutis tanta est duritie, ut Musquettæ ictu penetrari nequeat, capite atque alvo tantummodò exceptis. Animal est admodum ingeniosum, quod verbis solummodò regitur, quippe quod ex mandatis mentem magistri sui probè intelligit.

Civitas Bramportus, est Londino longè major, in qua omnis generis vigent commercia. Certè una ex celeberrimis, quas quidem ego viderim, Tartarorum est civitatibus. Cives habet benignos atque affabiles, multos adit patritios, fluviis fossisque limpidissimis est irrigua: hortos ac viridaria passim cernas amœnissima, ubi deambulando tempus fallere jucundissimum est. Prospectum certè augustiorem nusquam vidi. Hic unicuique feras sectari, volucresque telis configere liberum est. Si cui grave pedibus iter facere, is equum Talero qui 4. solidis æstimatur, sibi poterit comparare, quo deinceps pro libero arbitrio utatur. Existimo etiam hac in civitate, cum multi in ea degant nobiles ac patritii, vestes nostras auro argentoque contextas, holosericas, subsericas, pannos laneos, latiores,

latiores, rariores, communes commodè non sine uberrimo quæstu divendi posse.

Novembris 11. die, Ego, Johannes Salebankus, & Johannes Furchmannus, comitem seu viæ ducem nacti unum ex incolis, iter nostrum Agram versus direximus, salutato prius Capitaneo, qui febris vehementissima correptus exiguam spem fovebat, brevi se pristinis viribus restitutum iri. Constitueramus unà cum *Caravana*, seu mercatorum cœtu, qui ex 10. Camelis constabat, iter ingredi: Verùm Capitaneus nos monuit, Caravanæ istius adventum, septem adhuc dies nobis expectandum fore; itaque potius nos facturos, si bidui itinere, quod absque ullo periculo ac prædonum metu peragi posset, ad aliam quandam civitatem pergeremus, ubi Caravanam copiosiore, & commeatum tutiorem essemus habituri.

Quare die 12. ad civitatem *Caddoram*, 15. cursibus à Bramporto distitam pervenimus, ubi noctem istam transegimus. Præfectus loci, cum peregrinos ac Christianos nos esse intelligeret, statim interrogavit, quid acturi, quò iter instituissimus. Nos *Surrato* venire, *Agram* versus ad Regem tendere diximus. Ille verò acrius institit, ac; Quidnam apud Regem essemus acturi sciscitatus est: Tum ego miratus hominis importunitatem, qui ad amissum omnia contaretur, duriusculè respondi: Negocium nostrum nimis esse arduum, neque ipsi revelandum. Cum nihilominus priusquam urbe exiremus, se id scire velle, ostenderet: Me vel invito ipso urbe exiturum respondi. Itaque ad iter nos paravimus, visuri, num quis absq; legitima nos esset detenturus. Præfectus id animadvertens, *Cottwalem* seu Consulem civitatis ad nos misit, interrogatum, Cur tanta verborum asperitate Præfecto essemus obloquuti: Cui respondimus: Non durius nos esse locutos, quàm interrogata ejus flagitare: Præfecti haudquaquam esse, de negociis coram rege conficiendis sciscitari, aut nos ad ea detegenda velle adigere: simulque salvi conductus literas Cami Canoës sigillo munitas ipsi commonstravimus. Tum Præfectus cum viginti primoribus Civitatis ad nos veniens, peramicè nos rogavit, noctem istam ibidem permaneremus omnem benevolentiam pro conditione loci nobis offerens, simulq; periculosum admodum iter nos ingressos ianuens. Itaque noctem istam in hac civitate substitimus.

Postridie Tabacci, quod nobiscum ex Anglia ruleramus, selibram Præfecto donavimus, quod munus ille grato animo à nobis accepit.

Die 13. *Savvbonam*, quæ 14. cursibus à *Caddora* distat, pervenimus: Peraçto vix dimidio cursu, Præfectus 12. equites, arcubus & sagittis probè instructos nobis submit, qui aliquam viæ partem, ad 12. circiter leucas Anglicas, ubi maximus periculi metus, nos deducerent. *Savvbonæ* Caravanam 500 Camelorum, qui serico simplici, variegato, pannis omnis generis, saccharo, aliisque mercibus on-

sti ex Bramportu, Bengala, Cambaja Agram versus contendebant, invenimus.

CAP. XIII.

DIE decima quarta, cum Caravanâ iter ingressi, emensis duodecim Cursibus, ad cœnobium quoddam, cui *Tindeya* nomen, divertimus.

Die 15. decem Cursus peragravimus, pernoctem in sylva quadam commorati.

Postridie magnam Civitatem *Cannowam* ingressi sumus: Commercia in hac urbe ex panno, gladiis, musquetis, thoracibus ferreis, à sagittarum traiectione immunibus, sunt frequentissima. Magnus quoque eorum fructuum, quibus tinctores utuntur, hoc in loco est proventus. Atque existimo pannos nostros Anglicos hæud incommodè hic distrahi posse. Cœlum, cum regio ad Septentrionem vergat, mensibus Januario, Febuario, Martio, aliquanto est frigidius.

Decima sexta die, 14. Cursus progressi, ad ingentem quendam fluvium *Anderam* dictum devenimus, Fluvius hic amplitudine & latitudine *Thamesis* prope *Wallwichiam* exæquans, *Bengalam* usque ubi ultimus Gentilium limes est, excurrit. Nos trajecto fluvio Gentilium finibus excessimus.

Gentilium
mores.

Gentiles summum Deum, Solem agnoscunt. Nihil sanguineum comedunt: existimarent enim, se eadem operâ patrum, matrum, fratrum, sororum, aliorumque agnatorum fato defunctorum, animas comedisse.

Credunt enim, Homine de mortuo, animam ejus in aliam quandam bestiam aut hominem commigrare. Itaque nisi bestiarum esu abstinerent, fieri posse, ut unâ cum bestiarum carne, quis suorum agnatorum animam devoraret. Ex una quoque re vitali spiritu prædita, Deos sibi effingunt: quicquid manè primo illis obvium fuerit, id per totum istum diem pro Deo, sanctoque venerantur.

Gorra.

Nos omisis Gentilibus, ad *Bulloitas*, seu *Pythagoricos* transimus: ac 17. quidem die *Gorram* tenuimus, ubi *Surroyes* seu diversoria multa extructa sunt, in quibus cameli, equi, aliæque pecudes absque ullo hospitum sumptu gratis aluntur.

In eadem hac civitate, quatuor diversa Gymnasia, tanquam in Academia publica, sunt constituta. De eadem urbe, quæ ambitu 8. milliaria continet, duo Regis filii diu quàm atrocissimè inter se pugnarunt, donec tandem penes *Ostlohm* Regem *Theilem* victoria fuit, qui cum eâ septennium potitus esset, magnus *Mogol Tamberlanes* Sextus totam illam regionem expugnavit, suoque imperio adjecit.

Decimo octavo die decem confectis cursibus ad magnum quoddam stagnum instar balnei, cujus aqua calidissima, ex terra promanat, pernoctavimus.

Sandaya.

Die 19. quindecim Cursuum itinere *Sandayam* pertigimus: Magna hoc in loco lanæ, Hispanicæ non absimilis reperitur copia, ex qua vittæ Turcicis piliis obnubendis, ac Chlamides maximiminique precii conficiuntur. Infinitos ovium alunt greges. Saccharum tantâ copiâ hoc in loco provenit, ut quemadmodum nos fœnum arefactum, sic illi saccharum equis in pabulum projiciant. Distincta quoque tam pro equitibus, quàm peditibus habent diversoria.

Vigesimo die itidem ad 15. cursus progressi, in magno quodam diversorio, cui Cœnobium adjacebat, pernoctavimus. Hic magnam Copiam fructuum, quos *Mangee* vocant, nobis obtulerunt. Fructus est pomo non absimilis, nisi quod nucleum duro tectum cortice habeat, ejusdem cum Cerasis vinosus est saporis, qui, quod alvi profluvium commodè sistat, magno in precio habetur.

Vi-

Vigesimo primo die post duodecim cursuum iter, parvum quendam pagum subiimus.

Postridie sedecim cursus emensi civitatem *Erasmiam* attigimus. Hic ^{*Erasmia civitas.*} totius regionis incolæ, tanquam ad commune quoddam emporium conflunt, lanam, xylinum, gladios, lanceas, aliaque ad bellum necessaria arma sibi comparaturi.

Vigesimo tertio die consummatis quatuordecim Cursibus, ad parvam quandam Civitatem *Zingreenam* delati sumus, ubi magna avenæ, atque herbæ tinctoriæ reperitur copia.

Die 24. sedecim emensi cursus, ad magnam civitatem *Barrandon* venimus, ubi ^{*Barrandon.*} quàm plurimi *Bannianorum*, ac *Mesulipatanianorum* mercatores, & Caravanæ majores conveniunt. Frequens hic est mercatus ex panno, equorum virorumque armis, loriceis, thoracibus ferreis à telorum trajectione tutis, xylinis pileis atque Elephantorum dentibus. Magnû quoque indomitum Elephantorum in regione oberrat numerus. Hic dimissa Caravanâ aliquandiu substitimus.

Vigesima septima Novembris die denuo iter ingressi, obvium habuimus *Camum* quendam seu regionis istius equitem, 40. equis 50. sagittariis stipatum, qui itidem Agram versus contendebat. Huic comites nos adjunximus; sicque unâ iter facientium numerus ad 140. excrevit Sex diebus continuis per densissimas sylvas, quæ ultra 100. cursus protrahuntur, progredientes, omnis generis feras, Elephantos Leones, Tigres, Cercopithecus, *Porpentinæ*, aliasque observavimus. Nocturno circuitu Castrorum luculentum excitavimus ignem ad ferarum præcavendos incursus, ac depellendos impetus. Eques iste de natura atque indole Elephantorum referebat, eos, si animadvertant sibi ob dentes exitium imminere, sua sponte infertos robustissimæ arboris dentes confringere, sicq; ab omni periculo immunem liberè sylvas pervagari.

CAP. XIV.



ERTIA Decembris die ex sylvis feliciter eluctati civitatem *Tornado* vidimus: quemadmodum 4. die sedecim confectis cursibus, *Zajoberdeam* tenuimus: ubi fœnum ac frumentum magnâ copiâ reperitur.

Quinta die, 18. peragratissimis Cursibus, *Haudeam* venimus: In hac civitate cernitur regis castellum, solido saxo incisum, eoque inexpugnabile, quod 50. tormentis majoribus erat instructum.

Ducenti ferè equites, duces, aliique primariæ notæ milites, quod prodicionibus, seditionibus aliisque facinoribus regis edicta violarent, captivi in hoc castello detinebantur. Duæ ibidem amplissimæ conspiciuntur ædes, Johannitarum nosocomiis non absimiles, in quibus capitanei atque equites assiduis bellis fracti aut mutilati regis sumptibus aluntur. Unicuique in dies una *Mammothæ*, quæ 9. nummis Anglicis æquivalet, persolvitur, cibus verò ac potus ex regio penu depro-mitur.

Sexta die attigimus fluvium *Tamlo*, qui in Indum se exonerans Pythagoreorum atque Indestanorum regionem determinat.

Pythagoræi olim fuere gens infamis ac proditoria, apud quos lege cautum, ^{*uxores post mariti obitum ex-*} ut marito defuncto, uxor viva cremaretur, quam in hodiernum usque diem quàm ^{*runtur.*} exactissimè observant: si qua ab hac lege liberari cupiat, hæc resecto ad cutim ca-

pillo, atrata incedere cogitur, cœterum usque adeò infamis habetur, ut in mortis periculo constitutæ ne vilissimum quidem mancipium opem ferat.

Occasionem huic legi ferendæ mulierum præbuit inconstantia, quæ levi de causa maritis succensentes, aut eorum consuetudinis pertasæ, veneno eos è medio tollere non erubescabant. Itaq; ut uxores teneriùs maritos amarent, colerent, neque eorum mortem exoptarent, lex lata est, quæ uxores post mariti obitum flammis exuri iussit.

Exemplum ejus rei in Doctoris cujusdam fœmina, eaque juvencula, observavi. Hæc linteo subtilissimo amicta, ac caput præstantissimis gemmis exornata curru triumphali insidens, à quatuor viris ad locum executionis se curavit deportandam: præcedebat musicorum, tympanis, tibiis, tubisq; canentium Chorus: utriusque proximè agnati comitabantur. Ut ad sepulturæ locum deventum, palus quidam terræ infigitur, ac fovea in conspectu ejus excavatur. Interea verò, dum palus alligatur, proximè agnati in genua procumbentes, Solis aliorumq; divorum implorant opem. Utrique ejus axillæ, ut & pudendis nitrati pulveris subdebatur sacculus, atque ita succenso igni viva concremata est. Ignis verò iste ex preciosissimis lignis, Benjamine, Storace; paradisi arbore, aliaque fragrantissima materia excitari solet. Sed de his satis. Nos sequenti die, decem cursum itinere, Addaram versus contendimus.

C A P. X V.

Agra Magni Mogolis Metropolis.



CTAVO decembris, 26. emensi cursus tandem ad totius regionis metropolin, Agram, quæ Magni Mogolis sedes atque aula est, pervenimus.

Nono die Capitaneus Haukinus ad nos venit, nosque pro more regionis ad Regem deduxit: Peregrinis enim ultra 24. horas nisi Regi se sistant, ac quinam sint, quid acturi eò venerint, indicent, commorari licet.

Nec cuiquam absque muneribus, quantulis illis, in conspectum ejus prodire fas est. Ego tum temporis exilem fistulam, ex auri uncia conflata, ac pyropo radiantem Regi obtuli, quâ horam circiter canendo suaviter se oblectavit! Item effigiem Capitis S. Johannis Ambræ incisam, auroque inductam, quam hilari fronte suscepit.

Fistulam primariæ conjugii, effigiem verò *Suldano Cavvone* filio nati minimo tradidit.

Natu maximum ob motam rebellionem in vinculis detinet, quem oculis etiam orbatum vulgò ferunt: quidam tamen ex primoribus, oculos ejus duntaxat clausos ac sigillo obsignatos mihi retulit. Nomen illi est, *Pahefchaw Schelbam*, quod proximum regni hæredem denotat. Secundum filium, *Suldandum Navvbream*, regni hæredem animo jam destinavit.

Tertius filius, *Suldanus Lawle*, *Lihorniam* gubernat: Quartus *Suldanus Lill*, Gentiles moderatur. Atque hi quinque Regis filii sunt.

Præterea decem habet Proreges, qui diversis nationibus cum imperio præsunt. *Can Canawe Gussaratis* dominatur. *Can Johannes Bulloitis* imperat: *Can Michael Hendavunos* regit. *Savvdes Can* in urbe *Candabara Puttanorum* Præfectum agit. *Allee Can*, *Bulloichios* in civitate *Buckero* gubernat. *Savvder Can Muttanis* præest, denique *Can Bullarch Indestanis* dominatur, qui cum Regiis filiis decem proreges conficiunt: omnes quidem sunt Gentiles, sed rei politicæ ac militaris peritissimi. Ad hæc

hæc maguum nobilium alit numerum, inter quos primas tenet *Comes Nawbol*, ut & alius quidam Theaire. Hi Regem in publicum prodeuntem perpetuò comitantur. Privatas in aula operas Eunuchi expediunt.

Supremus Iudicii Regii Præses, *Awlee Navvob* vocatur, qui itidem Eunuchus est, formidandis opibus, ut qui 20. Elephantos, 150. Camelos ac Dromedarios ac 500. equos ad servitia paratos instructosque habeat.

Mogolis illustrarius.

CAP. XVI.

HESAURARIUS ejus *Suldanus Carawdon* longè potētior, majori pompâ utitur: alit enim 40. Elephantos, 200. Camelos ac Dromedarios, 1000. equos. Quotiescunque jus dicturus in publicum prodit, aurea argenteave talari indutus Elephanto insidet, interdum etiam à quatuor mancipiis in lectica quasi in cunabulis magnâ pompâ ac solemnitate deportatur, ac quatuor illi argentea sceptrâ, decem vexilla præferuntur. Tantùm honoris huic ab incolis defertur, ac si rex ipse esset. Diebus Martis ac Jovis, Rex ipse jus dicit, ac litigantium causas audit: vetigal etiam à peregrinis pro libero arbitrio, summa tamen æquitate exigit. Sæpe enim decem duntaxat solidos ex mercibus 200. libris æstimatis reposcit. Si Mercator longinquis regionibus China, Bengala, aliis eò veniens, vereatur, ne cum detrimento sua merces distrāhantur; Regi solummodò id significat, qui si merces istæ Regibus, principibus aut nobilibus conveniant, bonam illarum ipse redimit partem, reliquas tali precio nobilibus suis emendas offert, ne ob damnum, solum vertere ac foro cedere Mercator cogatur, sed aliquid etiam ex iis divenditis lucrari possit.

Thesaurarii pompa.

Mogol ipse aulam habet augustissimam, regio ac ducali fastu, omnisque generis deliciis admirabilem.

Mogolis aula ac pompa.

Quotidie in conspectum ejus 50. Elephantum regii, auro argentoque vestiti, cum tubarum cantu ad certamen acerrimum adducuntur: quo fit, ut mutuis, iisque lethalibus interdum sese conficiant vulneribus, tantoque odio ac fervore depugnent, ut nulla alia ratione, quam objectis in faciem igni erratico ardentibus fufis divelli possint.

Quidam etiam cum equis silvestribus pugnant. Sæpe unus elephas cum sex equis committitur: Atque ipse adeò interfui, cum unus elephas duos equos primo impetu protinus prosterneret: injecta enim jugulis ipsorum longa proboscide ad se protractos dentibus porro comminuit ac protrivit.

Elephantorum pugna.

Vidi ibidem cicuratos Elephantos, qui Proregis filium, ex nobilibus Regis pueris unum, proboscide arreptum, ac si jamjam eum voraturi essent, molliter tamen in caput elevarent, atque ubi aliquandiu tergo insedisset, repente eundem in pedes statuerent, absque ullo damno, haud aliter quam matres infantes tenellos humi solent deponere.

Elephas fœmellam suam conspicatus, à nullo deinceps se regi patitur. Quilibet plerumque tres aut quatuor ducit fœmellas, ac duodecim catulos. Commixtio illorum peregrina ac mirabilis est: fœmella enim humi in tergum procumbit, cum quam as superveniens congregitur. Tanta sunt verecundia, ut si à quopiam se veneri operam dare conspectos intelligant, hunc summa ope interficere contentur.

Ejusmodi oblectamenta ac certamina ludicra etiam ex aliis feris coram Rege indies exhibentur, ut puta, capris, *Vervatoes* seu *Brazoris*, leonibus, leopardis, lupis.

Aliarum ferarum certamina.

pis. Si quis etiam ex Equestri ordine ob delicta ad mortem condemnatur, huic ex more gentis liberum est, ad duellum cum Leone subeundum provocare, quod nemini Rex denegat.

Ejus rei exemplum ipsemet vidi. Nobilis quidam primo congressu, Leoni plagam tanta vi manu infixit, ut humi prosterneretur: verum Leo, collectis viribus, summo cum impetu hominem adortus, eum, arreptis unâ cum corde ac jecinore intestinis, miserè postmodo concerpfit ac dilaceravit.

Crocodilorum cum Equis pugna.

Reperiuntur ibidem Equi prælio cum Crocodilis concertantes. Vidi ego uno tempore duos caballos à Crocodilo interfectos. Crocodili isti in fluvio *Indawe* vivunt: hic in Mesopotamiam excurrens, cymbas, 40. onerum capaces vehit, pisciumque omnis generis referuissimus est.

CAP. XVII.

Cibi parati faciles.



INGULIS diebus, totâ septimanâ quatuor mercatus celebratur, quibus omnis generis merces æquo ac tolerabili precio emuntur ac venduntur: utpote, gallina Indica 6. nummis, caprea viva talero, ovis duobus solidis, capra toridem, par bo-um 4. taleris, qui faciunt 16. solidos Starlingios, porcus saginatus 2. item solidis: Bestias hæcæ sol. Christiani emunt aluntque, ac Banniani vendunt. Tantùm piscium tribus nummis emitur, ut quinq; hominibus in prandium sufficiant.

Magna quoque omnis generis fructuum, limonum, malorum aureorum, ceraforum acidorum, uvarum, pyrorum, pomorum, prunorum, ibidem cernitur copia. Ex uvis vinum non exprimunt, cum illud, lege ipsis sit prohibitum: Cæterùm uvæ passæ magnitudine ac pulchritudine sua pruna damascena exæquant.

Aurata, holoserica, serica vestes magno numero ex Persia & China advehuntur, quæ tamen bonitate & precio nostris cedunt: præsertim nostrates panni, qui lucidi sunt coloris, illorum longè superant, cum eorum panni ex simplici ac crasso filo *Esmeria*, quæ *Ly'ovia* civitas est, contextantur. Primas ex his rubro panno, qui venetum ruborem æmulatur, tribuo, quo plerumque equestri ordinis viri amicti solent.

Vocabulum *Mogol* ipso linguâ, magnum ac sapientem Regem denotat: est enim vir prudentissimus, ex antiqua Tartarorum prosapia, multorum regnorum dominus. In titulo hæc usurpat nomina; *Pateschaw*, *Shelham*, *Schog*; omnis majoris monetæ supremus dominus. Alia enim moneta cuditur *Lahoria*, alia *Bramporti*, alia *Surrati*, in *Cambaja*, *Sabbortoni*, atque *Augrui*. Ad hæc variis regnis ac nationibus imperat, *Gussaratis*, *Bannianis*, *Bulloitis*, *Callicodensibus*, *Bengolensibus*, qui omnes sunt gentiles: item *Indestanis*, *Mogollesis*, *Gendomiis*, *Moltanis*, *Puitanis*, *Bollochiis*, *Alkeisforis*, aliis. Nonum sese à *Tamberlaine* appellat regem. Quamvis verò magnificis hæc titulis, immensæ quoque vires ac divitiæ respondeant; nullam tamen gentem, ad fidem ac religionem suam abnegandam adigit: Imo quo constantius ac pertinacius quis in religione sua perseverat, hoc majori in honore apud regem habetur. Præcæteris sectis magni Christianos facit, quibus diplomajora, quam cæteris nationibus, privilegia indulgit: adhæc perpetuis stipendiis duos Monachos alit, quibus cum de religione Christiana, ac Christianorum ritibus identidem confert. Eo in loco, ubi preces fundit, aut de rebus ad religionem pertinentibus deliberat, Be-

Christiani magni sunt apud Mogolem.

atæ

atque Virginis Mariæ imaginem ob oculos positam habet, ac dixisse fertur: Facile se Christianorum sacris assensurum, nisi infinito divorum, Deorumque numero abstergeretur. Cum eò in loco commoraretur, Armènius quidam abnegato Christianismo, temporalis lucri causa, ad æthiopiam superstitionem defecerat, quod cum ad Regem percrebuisset, dixisse fertur: Rectè quidem factum, neque improbam permutationem esse, siquidem animarum salutem hac ratione consequi se posse existimaret: sin minus, compendiosiore ipsi ad honores obtinendos futurum fuisse gradum, si in Christiana fide constans perseverasset.

Gratus quoque ac munificus est admodum: cum enim quidam illi parvum quoddam animal offerret; huic mille *Ruckios*, seu 100. Starlingiorum libras donavit. Alii pro cane venatico, tantumdem liberaliter refudit: quemadmodum etiam uni pro duobus Gallis 2000. *Ruckios* donasse fertur. Christianus quidam Monachus, ut rem certissimam mihi rétulit: se aliquando ex ipsius Regis ore audivisse: Decretum sibi in monumentum seu sepulturam patris sui, centum auri myriadas impendere. Novennium jam integrum in monumento isthoc extruendo desudatur, quod in sequenti quinquennio vix absolvetur, quamvis quinquies mille viri strenuè in eo laborent. Materia ex præstantissimo est marmore artificiosissime in novem angulos elaborata: Locus ambitu suo duas leucas Anglicas continet, ac novem continuis contignationibus suspenditur.

Falcones omnis generis, item Phasiani, perdices, anseres, mergi, anates sylvestres, aliæque volucres magno numero ibidem reperiuntur.

Mollosos, seu Canes Anglicos majores, nullos haberet, nisi spurios quosdam, quorum duo integrum diem unicam feram confectantur, priusquam illam possint, prosternere: nihilominus magno apud illos sunt in pretio, qui vestes illis conficiunt ut mundiciem conservent, ac frigus omne ab illis depellant. Saltus peculiare, quibus feræ includantur non habent, sylvis communibus contenti, in quibus unicuique venari liberum, exceptis sex in circuitu Agræ milliaribus, quem locum sepimento munitum suæ oblectationi ac voluptati Rex destinavit. Ajunt hunc Regem, decem alere conjuges, mille Concubinas, ducentos Eunuchos seu castratos: Tertiæ conjugis majoris sigilli custodia est concredita.

Cum itaque magnificam, amplissimam, opulentissimamque hanc urbem, Agram, atque universam Regis aulam pro lubitu essem contemplatus, demum 18. Januarii unâ cum Josepho Salebanco, ac Johanne Furchmanno Regem accessi, liberum in Angliam discedendi com meatum, quàm humillimè petiturus. Rex benevolè nos interrogavit: Numquid operam nostram in re militari ipsi essemus condicturi; alimenta ac stipendia satis liberaliter nobis suppeditatum iri. Cui summissè de honore habito gratias agentes, nos excusavimus: Non nostrum nos esse juris, sed aliis obstrictos, adhæc conjuges ac liberos in patria suppeditare redditum nostrum anxie exoptare. Itaque legum præscripto, ac naturæ vinculo ad redditum quàm primùm maturandum astringi. Hīs auditis quàm clementissimè veniam abeundi nobis indulgit, ac confectis per primum Secretarium literis, quibus libera per universum ipsius regnum commendi potestas fiebat, majus sigillum, à tertiâ conjugerepetitum, impressit, easque sua manu subscriptas nobis exhiberi iussit. Postmodò ad supremum monachum, seu primatem totius cleri, virum auctoritate ac dignitatè in aliis etiam regnis celeberrimum, me contuli, ac literas commendatitias ad vicinos reges ac principes, quorum limites nobis transeundi erant, ut & religiosos ac Clericos alios flagitavi, quas benignè mihi concessit. Adhæc commendavit me suis literis,

Johanni Midnallo Anglico cuidam Factori, qui triennium *Agræ* substiterat: verum cum is ante meum in Angliam reditum, Indias Orientales denuo adiisset, litteras illas M. Grenawajo, Indiæ Orientalis mercatorum collegii supremo directori, tradidi.

Die 21. Januarii Capitaneo Haukino extremum vale diximus, illoque in summa apud regem autoritate relicto, discessimus. Diurnum enim stipendium ipsi à rege ordinatum, ultra 100. Ruckios, qui decem Starlingiorum libras faciunt excurrit: Cani quoque seu Equitis aurati titulum gerit, ac cum præcipuis Nobilibus ipsoque adeò rege quàm familiarissimè versatur. Unde spes affulget haud vulgaris, magno illum patriæ futurum emolumento.

Vigesimo secundo die iter Angliam versus ingressi sumus. Quinque eramus Angli, Ego, *Josephus Salebanckus*, *Richardus Martinus*, *Richardus Foxus*, & *Guilhelmus Aschelerus*, unà cum viæ duce Æthiope quodam. Sic quinque equis, duobus Camelis instructi *Ispaham* Persiæ civitatem versus, itinere per *Bianum* directo contendimus. *Johannes* verò *Midnellus* tutiorem ingressus viam, *Laheram* perrexit, quò quatuor mensium spacio pervenit. Nostrium iter, quia duobus confici poterat mensibus, compendiosius erat, & periculosius.

Quomodo
Indicum
vrescat.

Agrà post tergum rejectâ, duodecim Cursibus *Fetterbarrium*, ac totidem confectis *Bianum* pervenimus. Hic locus tota Orientali India, ob *Indici* copiam & præstantiam excellit. Molas *Indico* conterendo idoneas duodecim habet. *Indicum* frutex est exiguus spineto non absimilis, semen ejus Brassicæ semini respondet. Decisum ac in certos manipulos collectum reponitur donec computrescat, tum bovis pedibus conculcatur, mox molis contunditur, tandem in clybano elixatur. Postea probè purgatum in certas series distinguitur. *Indici* hujus uncia 20. *Biani* decem nummis veniunt. Magna ex hoc fructu, ut & *Annala*, *Agræ* & *Lahoræ* instituntur commercia.

Hendovv-
na.

Die 25. *Hendovvnam*, 25. emensi cursus, venimus. Civitas hæc antiquissima & pulcherrima est, ac vilioris *Indici* abundantissima.

26. Quatuordecim peractis Cursibus, *Mogole*, in vico quodam mercatu nobili, substitimus: ubi itidem vilioris *Indici*, panni que linei in India præparati reperitur copia.

27. Duodecimo cursu pagum quendam *Halstaram* tenuimus.

28. Totidem Cursibus alium quendam pagum *Chalstaram* artigimus: ubi oves capræque magno numero, vilique precio reperiuntur.

29. Duodecim progressi Cursus oppidulum quoddam, *Laddanam* vidimus, ubi xylinum abundat.

30. Ad aliud quoddam oppidulum *Mosabadam*, ubi magna frumenti copia, totidem peragratibus cursibus, appulimus.

Ultima Januarii die duodecim Cursuum peracto itinere *Bandasoni*, in exiguo quodam oppido pernoctavimus.

CAP. XIX.



ALENDIS Februarii ad amœnissimum fluvium *Paddarum*, qui *Gussarat* as alluens, *Indestanos* atque *Hendownos* disternat, posteaque in sinum Persicum sese exonerat, delati sumus.

Hinc ad civitatem *Esmeeram*, 12. cursibus *Bandasono*, dissitam perreximus. Hæc in civitate Mogolædes habet amplissimas, in quibus 600. Elephantum, ac mille equi regio sumptu ad bellicosus aluntur. Magna hæc vilioris panni lanei, xylini, lancearum, arcuum, jaculorum, loricarum, gladiorum aliorumque armorum bellicorum reperitur copia, ac singulis septimanis duo habentur mercatus. *Indestani* alioquin gens istis locis est celeberrima, quæ mercatores suos ad potissimas totius orbis oras ablegat.

Secunda Februarii *Hendovv* norum regionem ingressi, duodecim peractis cursibus, *Rimalam* venimus. Hæc magna volucrum omnis generis cernitur copia, locusque aucupio maximè est idoneus.

Quarta die *Meartam*, quæ civitas est monumentis *Hendovv* norum maxime insignis, 12. cursibus contendimus. Hæc singulis septimanis tres celebrantur mercatus, ac magna *Indici*, xylini, laneique panni reperitur copia. Magnitudine *Excetram* Angliæ urbem exæquat.

Sexta, septimaque die 12. cursibus duos pagos *Gursalem* ac *Lavarrum* peragrimus: ubi magna frumenti, pecoris oviumque in primis copia cernitur, ac vili precio comparari potest.

Octavâ, *Tovvrium*, quæ civitas non ignobilis, *Hendovv* norum præsidio munita est, 12. cursibus pervenimus.

A nono usque ad 14. Februarii, 56. emensi cursus, pagos, quosdam, *Chumum*, *Montium*, *Puckeram*, *Senavvram*, *Basenpeam*, usque ad civitatem *Gissmeeram* transivimus. Civitas hæc amœno loco sita, atque arce firmissima, tormentis majoribus triginta, probè communita est. Sedem in ea eques quidam auratus magni nominis sibi fixit. Commercia quoque in hac civitate sunt frequentissima.

Die 18. quatuordecim ferè cursus, solo arenoso, *Hendovv* nis partim, partim *Multanis* subdito, emensi sumus. *Hendovv* ni, licet ex Gentilibus originem trahant, nihilominus omnis generis cibos, carnes piscesque comedunt, fures sunt frequentes atque eximii: nudi orant, vorantque; cibos in circulo quodam præparant, quem, dum coquuntur ac sumuntur cibi, ingredi nefas est. Mulieres à teneris catenulas argenteas, æreas ac ferreas tibiis circundant, auribus verò annulos pro naturæ succremento grandiores inferunt, ut tam ampla in auribus pateant foramina, per quæ quis absque ullo impedimento manum possit trajicere. Armillas quoque à carpo cubito tenus gerunt.

Die 19. 20. 21. triginta duobus confectis cursibus ad puteum quendam ad 60. orgyias profundum, sed aquæ ferè vacuum devenimus.

22. 23 & 24. Februarii trigesimo sexto cursu tres civitates *Roream*, *Buckaram*, *Rorea*, & *Succaram* insulæ non ab similem penetramus. In prima aquam optimam offendimus. Fluvium habet navigabilem, in quo ultra 60. naviculas civium, quibus *Malvidam* ac *Mosembiquam* usque commerciorum gratiâ excurrunt, conspeximus. Fluvius hic tandem etiam in sinum Persicum sese effundit.

Buckara in meditullio hujus insulæ sita, ab altero latere opere firmissimo est extructa. *Indiani* fluvium hunc appellant *Domiadar*. In hac civitate *Allee Canus*, qui *Buckara*.

magni Mogolis nomine *Bullochiis* præest, aulam suam habet. Is, quia *Bullochii* homines sunt per quam contumaces ac rebelles ingentem militum præsidiorum numerum in castello alere cogitur, quod admodum ipsi est grave.

Canus iste alioquin Princeps liberalis ac munificus est, qui de annona necessaria abundè nobis prospexit: ac quotidie in arcem ad se invitatos cibo potuq; copioso ac precioso nos refecit. Hic unum ex comitatu nostro, *Johannem* nempe *Furchmannum* ob morbi vehementiam, ægrum reliquimus.

Succara.

Succara maximam partem à textoribus ac tinctoribus incolitur, qui ex opificio isto viventes toti regioni magno cum emolumento inserviunt. Civitas hæc *Bullochiorum* prima est, quemadmodum *Rorea Multanorum* ultima. Sedulos ac bonos agricolæ hic locus gignit, ac varia ex panno Indico aliisque utilibus rebus habet commercia. Incolæ naturâ faciles sunt, quibus cum liberè quis versari possit, licet superstitioni Mahumeticæ sint addicti. In hac civitate ultra 24. dies subitimus, saluum conductum præstolantes. Castelli enim Capitaneus nequaquam volebat permittere, ut absque comitatu in viam nos daremus, quod iter esset periculosum atq; à prædonibus maximè infestum. Certè id magno nostro malo aliquoties postea experti sumus, quippe quibus ingenti pecunia idèidem vita redimenda fuerit.

C A P. X X.

Gorra.



25. Martii die usque ad 28. perdensissimas sylvas ad 17. Cursus progressi, *Gorram* venimus, ubi biduum quieti dantes, ab incolis amicè excepti fuimus, licet hæc *Bullochiorum* seu rebellium esset civitas. Non in exiguo quidem metu versabamur, verùm Deus omne malum quam clementissimè à cervicibus nostris depulit. *Bullochii* homines sunt procero ac robusto corpore, gigantibus similes atque *Anthropophagi*. Nullam profitentur religionem; solum adorant Solem.

Pridie Calendas Aprilis *Norrium*, decem confectis cursibus attigimus. Hæc ultima *Bullochiorum* civitas est, postquam, *Puttanorum* fines ingressi sumus.

Calendis Aprilis per planitiem quandam iter facientes, antequam illucesceret, duodecim viros habuimus, quos comiter nos salutaturos rati, paulò post prædones esse nequissimos deprehendimus. Antequam enim Sol oriretur, tanto prædonum agmine eramus circumsepti, ut licet ultra ducentos in comitatu nostro numeraremus, magni tamen beneficii loco nobis æstimandum fuerit, si prece ac precio Capitanei benevolentiam possemus nobis redimere. Hunc igitur clandestinis muneribus corrupimus, numerato insuper palam 20. *Checkinoarum* aurearum precio, quod vectigalis nomine ipsi dependitur. Sed parùm isthæc profuissent: nisi enim salvi conductus literas Mogolis, quem maximè metuunt, manu subscriptas, ac sigillo majori confirmatas conspexissent, ad unum omnes ab ipsis fuisset trucidati, quemadmodum paulò antè aliis quibusdam satis numerofo agmine iter facientibus venerat. Tandem post amicabilem transactionem absque ullo illato damno per fines suos nos deducentes, bona cum gratia à nobis discesserunt. Nos isthodie novem ferè emensi cursus, loco campestri pernoctavimus.

Postridie octo confectis cursibus *Daddos* venimus, in qua civitate biduum commorati sumus.

A 3. usque ad 15. Aprilis, undecim dierum itinere per loca montana ad 100. circiter Cursus perreximus.

Quarto quidem die *Vageston* attigimus, quæ urbs civili ac moderato regimine

negubernatur. Inde *Candabaram* versus contendimus. Hæc eximia atque ampla *Candabara* Puttanorum civitas est, in qua Præfectus *Sawdar* sedem sibi delegit. Magna hîc Mercatorum est negociatio, qui terrestri itinere ex Persia, Indestanis, Mesopotamia, aliisque Chinæ adjacentibus locis in hanc civitatem confluentes, omnis generis merces, quas regio ista profert, emunt, venduntque: Septem enim aut octo millia Camelorum circa hanc civitatem reperiuntur, qui mercibus importandis & exportandis inserviunt. Adhæc Præfectus Regius, Puttanorum, quæ gens admodum bellicosa est, rebellionem veritus, quadragies mille equos ad bellicos usus habet paratos. Cùm enim istam gentem vi militari subegerit, non sincero amore Præfectum prosequuntur, sed metu potius in officio continentur.

Sexta Maji iter nostrum *Ispahānam* versus quæ Persiæ civitas est, dirigentes confectis 18. Cursibus, ad amœnissimum quendam fluvium, qui duas civitates interluit, pervenimus, in quarum altera, cui *Langoræ* nomen, noctem unam transegimus.

Die 7. & 8. ad 14. leucas progressis sub dio cubandum fuit.

Nono die duodecim emensi cursus ad amplum quoddam flumen, quod Puttanorum regionem à Persia dirimit, devenimus, ubi depenso pro Camelis vectigali, biduum quieti datum est.

Die 12. trajecto fluvio *Salbana*, ad Castellum quoddam uno milliari inde distitum expositi, proxime *Grisam* civitatem attigimus. Fluvius iste Magni Mogolis ac Persarum Regis fines determinat.

Puttani, quorum jam aliquoties facta mentio, homines sunt bellicosi, promissas alunt barbas, quas Mogolis subditi extremo odio averlantur: Magnum Coeli Deum, Mahometo contemtim habito, venerantur. Sacerdotes ipsorum Cilicium induti, prægrandibus catenis ventrem constringunt: oraturi in genua procumbunt ac in cineribus sese volutant.

Tandem ex Magni Mogolis regnis ac ditionibus ad *Grisam* civitatem, quæ prima in limitibus Persiæ sese offert, pervenimus. In hac civitate Rex, quem *Schawbassam* nominant, decies mille millitum, unà cùm suis ducibus ac Capitaneis, alit præsidium.

Die 14. per planitiem quandam ad 6. *Forsongas* progressi, in campo pernoctavimus. *Forsonga* unaquæque unico milliari, milliare verò duobus Cursibus æquivalet.

A 15. usque ad 24. triginta duas *Forsongas* absolvimus, nocturno potissimum tempore, ob diurnos æstus, iter facientes. Interea *Dottorcham*, *Schawam*, ac *Veam* civitates transimus: in harum ultima multi pelliones, qui stragula pellicea conficiunt, ut & Taperum Turcicorum textores reperiuntur. Regio verò Dactylis omnisque generis fructibus aliis abundat.

CAP. XXI.

PARRA.



DIE 24. sexemensi Forsangas pulcherrimam civitatem *Parram* intravimus, in qua dum duodecim circiter dies saluum conductum praestolamur, morbus me corripuit, qui tamen Dei beneficio paulatim remisit. Magna hinc est copia serici rubri, quod Persae *Aveischam* appellant. Toto mense Junio, sexto ejus die iter ingressi, 106. circiter Forsongas per montana maximam partem loca perreptavimus: ubi obvias habuimus civitates *Bandam, Sundayam, Seastam, Gustam, Datteram ac Pahanavenam.*

Julii 2. 3. ac 4. die 20. Forsangas per desertam atque incultam quandam planitiem peragravimus. Aqua, quam istoc loco reperimus, omnino erat falsa, quippe solum univrsam sale obsitum atque obtectum erat.

Die 5. ob aquae penuriam quindecim Forsongas, solo inculto ac sterili progressi, in civitatem quandam, *Bibe* dictam devenimus, ubi totum biduum quieti indulisimus.

Ab 8. usque ad 14. diem continuo itinere 110. Forsongas deproperantes, tandem *Ispahawnam*, quae una ex celeberrimis totius Persiae civitatibus est, incolumes pervenimus. In hac civitate omnis generis vigent commercia, in quem finem passim magnificae aedes ac augustissimae Camerae sunt exstructae, in quibus merces omnis generis commodè reponi, mercato res una cum Camelis, Equis, aliisque pecudibus hospitio excipi possint. Emolumentum verò, quod inde provenit, omne Regi accedit. Tota regio circumjacens, etiam si ad 100. milliaria excurrat, hanc civitatem commune agnoscit emporium, in eamque merces suas preciosissimas atque optimas deportant. Locus quidam peculiaris in hac urbe reperitur, area, in qua mercatores obambulare solent, non absimilis, qui immensis divitiis excellit. Hoc enim in loco praestantissimae duntaxat merces, aurei argenteique falces, holosericum, undulatum, Damascenum, uniones, margaritae, aliaque id genus Clinodia venum exponuntur: quae omnia certa quadam serie distinguuntur, ut hoc in loco sericum rubrum, illo sericum elaboratum, alio vestes omnis generis reparias, quemadmodum *Londini* in platea *Birchingia* fieri consuevit, quae tamen omnia majori copia, ac habitu Persico in hac civitate inveniuntur.

CAP.

CAP. XXII.



Ocus hic *Indico*, *Anniela* variisque id genus aromatibus abundat, quæ à Judæis ut plurimum istuc loci negociantibus, aliisque submissa, magno precio divenduntur.

Cameli hoc loco optimi ac præstantissimi reperiuntur, ut & equi mulique pulcherrimi magno numero. Cumque communiter 500. librarum onus Camelis imponi soleat. Perfici Cameli ordinariè 800. librarum onus absque ulla difficultate gestare solent.

Perfarum rex hac in civitate diversis locis magnificas extruxit ædes, eximia palatia, pomaria, hortosque amœnissimos, fontes, piscinas, porticus, ambulacra, tanta venustate ac solertiâ elaborata, ut simile quippiam neque animus cogitare, neque humana industria indagare possit. Non quidem id temporis præsens Rex aderat, sed quemadmodum ex Monacho quodam intellexi ad aliam quandam civitatem, *Tobriam* dictam, concesserat. Primarium Regis palatium, è regione foro majori, objacet, in cujus antica parte, quæ ad partem usque protenditur, 36. Serpentinæ majores, aliæque machinæ bellicæ conspiciuntur.

Quærebam hoc in loco *M. Robertum Scherleyum*, spe fretus bonâ, ejus ope atque operâ rectis atque ex animi sententia iter meum me instituturum: verum is jam ante septem menses iter in Angliam remetiens, versus Caspium mare, quod duorum mensium itinere ab *Ispahawna* distat, fuerat profectus. Vina hoc loco generosissima, ut & alii fructus omnis generis reperiuntur: ac fortissima quidem eorum vina cum Canario, rubra cum Francico editis in locis nato, vilissima cum insulari vino comparari possint. Cibi omnis generis magnâ copiâ, tolerabili precio veniunt.

Perpetuò in hac civitate Legatus Regis Lusitaniæ cum quinque Monachis commoratur, qui liberum Romanæ religionis exercitium in æde quadam, ad id peculiariter destinata, obtinent. Quemadmodum etiam alii ex Armenis Græcisque Christiani absque ullo impedimento aut nocumento quàm liberrimè religionem suam profitentur.

A sexta Augusti usque ad 20. centum quadraginta Forsongas, maximam partem densissimas sylvas perrumpentes, emensi sumus. Hoc in itinere *Corrondajum*, *Miskereon*, *Bugdadam* seu *Babylonem*, *Corrynum*, *Lackerseam*, *Corpetum* lustravimus, donec tandem ad civitatem quandam, cujus ædificia instar tentoriorum, pilis tecta erant, deveniremus, ubi bidui moram traximus.

Die 23 & 24. porro per 18. Forsongas ex eremo eluctati, ad alium quendam pagum, pilosis ejusmodi ædificiis constructum pertigimus.

Vigesimo quinto die immanem sylvam, quæ ad 15. Forsongas in longitudinem protrahabatur, superantes arduum ac præcipitem quendam montem conscendimus, in cujus descensu duos Camelos, qui præcipites acti perierunt, perdidimus. Nobis verò summo opere cavendum erat, ne in idem præcipitium laberemur. Ad pedem hujus montis noctem istam substitimus.

Die 26. duas circiter Forsongas progressi ad pagum quendam alium pilosum itidem panno obtectum devenimus. Hic triduum commorati vectigal pro Camelis nostris dependimus, quod civitas *Nazzeretum* unicâ tantum *Forsongâ* inde distaret. In edito quodam monte magni cujusdam Sultani seu principis viri monumentum

tum ac sepulchrum ~~caeretur~~. Causam rogati, cum tam excelso loco sepeliri voluisset; Ut tanto vicinior cœlo esset, responderunt.

CAP. XXXIII.



UGUSTI 30. die, 10. Forsongas usque ad fluvium *Sinnam*, qui in Euphratem desinens Persas atque Arabas determinat, perreximus. In littore huius fluvii perverustæ civitatis Persicæ, olim à Turcis atque Arabibus vastatæ, rudera conspiciantur.

Ultima Augusti, octo confectis Forsongis, loco deserto ad fontem quendam pernoctavimus.

Sultani ac primores Persici in civili conversatione admodum urbani, modesti ac humani sunt: vulgus verò malitiosum, incivile atque obscenum est. Passim Mahumetum venerantur, Sodomix flagitio ultra modum obnoxii. Alioquin pertinaces ac laboriosi sunt in fodiendo, plantando, ferendo, carpendo xylyno, aliâ vel lana, in nendo, vestibusque villosis ac pelliceis conficiendis. Pluviis, ut plurimum deficiuntur, itaque magno labore aquam ex fluminibus in pascua agrosque derivant. Oves caprasque tellus alit magno numero, sed vaccas bovesque non item. Reperiuntur ibidem Gallinæ Turcicæ, aliæque volucres infinita copia. Ad hæc quàm tutissimò, absque ullo prædonum metu viator iter potest facere, cum prædonum etiam mentio, miraculi instar apud hanc gentem habeatur.

Calendis Septembris 12. peragris Forsongis ad primam Arabum civitatem *Sabbercam* pervenimus. Civitas hæc ampla atque Arabum præsidio munita est. Mala punica, quæ Arabes *Anartes* vocitant, magnâ copiâ hîc proveniunt. Nos diem noctemque unam ibi substitimus.

Tertia die 14. Forsongas progressi, *Buldanum* pertigimus, ubi per soluto pro Camelis vectigali, integram diem noctemque commorati sumus. Arabes hunc locum firmo militum præsidio munierunt, qui tamen omnes latrociniis assueti sunt. Vix enim egressi urbe eramus, cum *Josephus Salebanckus*, ex comitibus nostris unus, qui à comitatu secedens tardius nos sequebatur, ab Arabibus istis vestibus exustus ac spoliatus, plagis in super malè mulctaretur ac vulneraretur. Certè nisi e-gomet aliquot *Chickerneos* nummos occulta ssem, nullum istius monetæ genus nobiscum in patriam retulissimus.

Sexta die confectis 18. Forsongis ad magnam civitatem, *Bagdetum* seu novam *Babylonem* venimus, ubi aliquot septimanarum moram traximus. Civitas hæc ad magnum fluvium Euphratem sita, amplissima ac crassissimis muris, in quibus centum & viginti tormenta ænea disposita erant, munitissima est. Trecentas minores majorisque naves ad urbis commercia promovenda habet instructas. Ante quadriennium Turcicus Imperator Persarum Regi hanc civitatem ademit. Pons publicus ex triginta tribus levis materiæ navibus arctissimè combinatis, ac catenâ ferreâ fortissimè colligatis, Euphrati impositus est, ut quis ad Antiquam Babylonem commodè possit commeare. Nam unici milliaris intervallo desolatæ Babylonis rudera cernuntur, quæ olim toti orbi miraculo fuit.

Imperator Turcicus huic loco firmum præsidium addidit, cui magnum illum *Bassam*, Mahumetem Pattechogum suo nomine cum imperio præfecit. Venerit quoque duos in hac civitate Procuratores habent, qui cum infidelibus sua miscenz

ſcent commercia. Armeni quoque Chriſtiani non exiguo numero ibidem reperiuntur.

Gubernator ille Turcicus rei bellicæ admodum gnarus eſt, ut præclara rerum geſtarum monumenta ſatis arguunt: quippe qui non ſolum *Bugdadum*, ſed & *Tauriſium*, quod è juſdem amplitudinis oppidum Perſici juris antea fuerat, quàm feliciffimè expugnavit. Jamque rumor ſpargitur, eundem totius Perſici regni metropolim *Iſpahanam* brevi armata manu aggreſſurum.

Decima Octobris Anglus quidam *Johannes Wichtus* ad nos venit, ſubindicans, ſe ob Orientales Indias rectiùs detegendas, *Iſpahanam*, vt colloquium cum *Johanne Midnallo* iſtitueret, ablegatum eſſe.

Cùm verò certò nobis conſtaret, *Midnallum* eo in loco minimè conveniri poſſe, quippe qui *Armufium* verſus, uti diximus, iter ſuum direxerat: ego & *Joſephus Salebanckus* authores ipſi fuimus, ut ad mare rubrum ſeu Cambajam porrò iret, quòd Dominus *Henricus Middletonus* cum duabus Anglicis navibus, quarum una *Trades increaſe*, 1100. onerum capax, altera *Clove* dicta, unà cùm celoce, cui ex grano piperis nomen erat, iſtuc loci miſſus eſſet. Atque ita optimo meo ſodali *Joſepho Salebanco* comitem ſe adjungeret, cùm linguæ Turcicæ ſatis eſſet gnarus, donec tandem ad *Dominum Henricum Middletonum* pervenirent. Hunc enim ante omnia de itineris noſtri ſucceſſu certiorum reddendum eſſe exiſtimabamus, ut eò rectiùs periculum, quod nos perpeſſi eramus, poſſet evitare ac declinare: Adhæc indicandum, quo in loco, qua ratione quàm commodiſſimè plenam vecturam obtinere poſſet, ne magna cum preciòſi temporis jactura ſumptus in immenſum excreſcerent.

C A P. X X I V.



OCTOBRIſ 18. die communi conſilio *Joſephus Salebanckus* ac *Johannes Wichtus* octodecim dierum iter *Baſſaram* verſus, quæ civitas ampliffima fluviò Euphrate alluitur, ingreſſi ſunt: ibidem Caravanam præſtolaturi, quæ ipſos incolumes, uſque ad *Judajam* mari rubro vicinam urbem, deduceret. Quamvis autem *Joſephus Salebanckus* ad extremam tum temporis penuriam redactus eſſet, utpote qui paulò antè rebus omnibus exutus ac ſpoliatus

erat, nihilominus æquo animo moleſtam ac periculoſam hanc peregrinationem, amore patriæ, ſuſcepit: cui pro mea virili aliud humanitatis officium deferre non potui, quàm quòd Camelum conduxì, ac ſex *Starlingiorum* libras, ingentem pecuniæ ſummam, ipſi mutuas in manum dedi: Sic dimiſſum omnipotenti tutelæ ſupremi numinis optimum meum ſodalem ac fidiffimum ſocium commendavi.

Ut verò ad noſtrum iter revertamur, 22. Octobris die ex *nova Babylone* migrantes, *Alepum* verſus contendimus, ac conſectis ſexaginta circiter milliariibus ad civitatem quandam *Muſſawucoſam* divertimus.

Ultima Octobris, trium dierum itinere, triginta emenſi milliaria per meras ſolitudines ad oppidum quoddam *Ruſſeele* dictum, hoſpitio tantùm nobile deſleximus.

Hinc prima Novembris ad exiguum quendam pagum *Deeſcham*, octo milliariibus à priori loco diſſitum perreximus, unde porrò quinque dierum itinere *Muſſellam*, quæ *Nineve* eſt, pervenimus. Civitas hæc paſſim collapſa in
F rudo

rueribus jacet, reliquæ tamen ejus etiam amplissimas urbes, quas toto hoc itinere mihi videre licuit, quàm longissimè exuperant. Civitas hæc Turcarum dominio subest, atque à supremo quodam Bassa, eique subditis præfidiariis militibus gubernatur. Castellum in ripa Tigris extructum, diversis suburbis distinctum est. Commercia hîc ferè nulla sunt. Præter præfidiarios milites, etiam Armeni aliquot Christiani reperiuntur, qui peculiare templum ac monachos suos habent, ac nemine contradicente, quàm liberrimè religionem suam profitentur.

Multa quoque adhuc cernuntur monumenta, quæ urbis antiquitati testimonium ferunt. Nos quatrimum in ea commorati sumus.

Decima quarta Novembris ad castellum quoddam, *Nussebauum*, quatuor milliaribus ab urbe distitum pervenimus. Hoc in loco ferunt Jonam Prophetam Concionum suarum, quibus finitimas urbes ad poenitentiam est exhortatus, fecisse initium, cujus effigies etiamnum ibidem lapidi incisa ostenditur: quæ quidem assiduis præliis attrita ac mutilata, nihilominus à Christianis huc illucque post captam à Turcis Ninivem dispersis, magno in honore ac precio habetur.

Porro ad viginti quinque millaria trium dierum itinere progressi, decimo octavo Novembris *Hamadcinam* intravimus. Per antiqua hæc Armenorum civitas, Turcarum violentiâ miserè vastata est: Ex monumentis, de celebritate ac potentia hujus urbis, facile est colligere. Nos diem noctemque unam ibidem substitimus.

Vigesima Novembris Groubam versus, viginti quinque milliaribus à priori distitam urbem contendimus. Hîc Consulem seu Legatum quendam Venetum cum quinque aliis Venetis, qui Babylonem petebant, offendentes, integrum diem commorati sumus.

Die vigesimo quarto Novembris, trium dierum itinere, confectis viginti quinque milliaribus, *Ulphawam* usque pertigimus. Hoc in loco Turcarum Imperator fortissimos alit præfidiarios, atque ingens vectigal à peregrinantibus exigit. Nulli conductori aut pediti vel unicam noctem in civitate licet transigere. Interdum civitatem intrare, ac necessariam alimoniam in foro sibi componere unicuique liberum, modo ne moras neget, ac quàm primùm ex civitate se propriat. Nos tamen quinque circiter dies ibidem hæsimus.

C A P. XXV.

Beeram.



Lumma.

ECUNDA Decembris *Beeram*, quæ civitas Euphrati adjacet, trium dierum itinere seu 25. milliaribus ab *Ulphawa* distans, attigimus. Hæc eadem civitas firmissimo opere extructa, ac fortissimo præsidio munita est.

Sexta die, trajecto Euphrate, biduo tredecim emensi millaria, *Lumma* vidimus.

Octava die decem confectis milliaribus sub noctem *Aleppum* attigimus: ad duo millaria caprificus ac vineas uvis onustas transeuntes.

Quamprimùm igitur nobilem ac magnificam hanc urbem ingressi sumus, rectà ad domum Anglicam contententes in ea M. Paulum Pindertum Curatorem, virum de loco illo optimè meritum, antiqua virtute ac fide, erga omnes humanum ac beneficium offendimus: Is summa erga nos liberalitate usus est.

Nam

Nam de necessaria alimonia abundè nobis prospexit: & cum nudi omnibusq; rebus exhausti, ego ac comes meus *Richardus Martinus* ad ipsum venissemus, non solum per integros 12. dies cibum potumq; nobis largiter subministravit, sed & vestibus ac pecuniâ ad iter apprime necessaria nos sufficienter instruxit. Eâdem humanitate ac munificentia alius quidam Anglus *M. Spica* erga nos utebatur: ut & alii quidam Angli nobis minùs noti, qui omni opera longinquam nostram peregrinationem studebant promovere.

Ut de *Al. po* paucula referam; Civitas hæc ob commercia frequentissima, totâ Angliâ, nostrisq; mercatoribus est notissima. Conferri possit cum Ringstovia in Thamesi sita. Quatriduo enim isto, quo Alepi substitimus, 2000. Cameli serico aliisque mercibus onusti ibidem appulerunt; ut & diversæ Caravanæ ex Mesopotamia, Agra, Indestanis, Persia aliisque remotis ac propinquis locis, quæ omnes commerciorum gratia iter istuc fecerant. Certè tantam mercatorum frequentiam alibi me vidisse non memini.

Vigesima prima Decembris, cum extremum vale *M. Paulo Pinderto, M. Spica*, aliisque mercatoribus dixissem, unâ cum comite meo *Richardo Martino*, iter *Tripolin* versus ingressus sum. Eodem adhuc die per desertâ loca ad 7. milliaria progressi, duabus horis quieti datis, adhuc 15. milliaria perreximus, usque ad perverustam civitatem *Ashecam*. Hic dimidium diem morati, cibos nobis comparavimus, porro *Hamam* oppidum petituri. Causa tantæ festinationis erat, ut unâ cum Caravana, seu centum hominum comitatu, qui *Mecham* Mahumetis sepulchrum invisuri contendebant, iter istud possemus conficere, quod alioquin ob prædonum passim discurrentium insidias, infestissimum est. In hac civitate multi Textores reperiuntur, qui ex *Dinotree*, undulatas, xylinas aliasque omnis generis vestes, ut & pannos conficiunt. Magnus ibidem peregrinantium confluit numerus: nos in amplo quodam diverforio, quod Canam incolæ vocabant, biduum transegitimus.

Die 26. octo confectis milliariibus ad parvam quandam Civitatem, *Romam* venimus, quæ nobis ea nocte hospitium præbuit.

Vigesima septima die, octo circiter emensi milliaria ad Cœnobium quoddam *Hulddrealius* dictum divertimus. Cœnobium hoc ab Armenis Christianis erectum, qui etiamnum transeuntibus Christianis de hospitio, olivis, pane, oleo ad lampades instruendas necessario prospiciunt. Vidimus isto in loco effigiem S. Georgii non solum Equo insidentis ac cum Dracone pugnantis: sed etiam peditis, crucem, ac res gestas peculiari libro antiquis typis Romanis inscriptas: quas reliquias istac iter facientes Christiani religiosè venerantur, ideoque perpetuò ardentes lampades iis appenduntur.

Die 28. decem superatis milliariibus Oppidulum *Honamatti-*
gimus, in quo noctem istam quie-
vimus.

CAP. XXVI.



VIGESIMO nono Decembris die decem progressi milliaria, tandem *Tripolin* venimus: Hic magnam quandam Londinensem navem, *Exchange* dictam, cui *M. Robertus Brandshaw* & *Ratlius* cum imperio præerant, offendimus. Hi ante decem dies penè naufragium passi fuerant: quippe ruptis rudentibus ac collisis anchoris navis vitium facere atque aquam imbibere cœperat: ut jam de primaria malo nautica recidenda ac in mare projicienda cogitarint, ne in propinquos scopulos ventorum violentia impellerentur. Verùm enim verò, cum Divina adjuvante clementia, Rudentes atq; anchoram recuperassent, omnes salva etiam navi incolumes submersiōnis periculum evaserant. Jam vestibibus nudi ad natandum sese accixerant, nisi Deus, quasi ex improvviso, opem ipsis tulisset.

Hac tempestate Veneta navis, 1100. doliorum capax periit: quæ tamen scopulis quàm proximè adhæsit, ut, qui in ea essent, homines salvi in terram enatarint.

Nec minori in periculo Gallica quædam navis fuit, quæ malum jam inundas projecerat: nihilominus per Dei gratiam, omnes salvi abiēre. Adhæc quidam ex Anglico comitatu navis *Exchanges* malum inter duos scopulos repertam ad littus protraxerunt, quam faber nauticus adeò artificiosè ac solidè alteri cuidam ligno, ab *Hollandis* subministrato conjunxit, ut eadem instructi malo iter in Angliam feliciter remensi sint.

Ut *Tripolin* ventum, statim ad Emporium Anglicum nos contulimus, in quo *M. Lucam Aleppi* Viceconsulem, ejusque ministrum, qui vecturam navis *Exchanges* procurabat, offendimus. Nos biduum cum illo morati hilariter viximus, sicque terrestri nostro itineri, quod satis longinquum ac periculosum fuerat, finem imposuimus.

Calendis Januarii veniâ prius à *M. Luca* postulatâ, ego & *Richardus Martinus* navim conscendimus. Capitaneus *Bradshaw* fati liberaliter nos excepit, & quia viderat me ex longinquo itinere lassum atque enervatum, salubre admodum cubile mihi adsignavit, curâ mei Chirurgus fideliter commendatâ.

Die 3. Januarii sublatis velis in Angliam reversuri, vigesimo primo die ad insulam *Zonten* appulimus. Hic trium mensium annonam, quam prima navigatione ibidem reposuerant, excepto oleo vinoque Corinthio, quod solummodo istoc in loco nascitur, in navem intulimus. Alioquin locus sterilis atque incultus est, ut se ipsum alere haud possit, nisi ex aliis oris annona necessaria importetur.

Vigesima quarta die ex hac insula solvimus: quia verò venti contrario impetu adversum nos insurgebant, Navis patronus metuens ne navis alto mari, fluctuum ventorumque violentiâ collideretur, portum *Melitensem* petere decrevit: quem etiam vigesimo quarto Februarii assequuti sumus.

Melita seu *Malta* arx est fortissima verèque inexpugnabilis, muris altissimis septa ac solidæ rupi imposita: ut parem vix agnoscat. Ego certè terra marive nusquam ejusmodi propugnaculum me vidisse ingenuè fateor. In muris, vallis que tam

tam veteris, quàm novæ urbis tormenta ænea mole atque artificio præstantissima conspiciuntur.

Hac in civitate per antiquus Equitum Melitenſium bellæ crucis ordo ſedem ſibi fixit: Hi contra communem totius orbis Chriſtiani hoſtem Turcam acerrimè ac fortiffimè pugnant: palatia habent eximia, qualia in noſtris aulis licet cernere. Omnes ſunt Chriſtiani, Armeni, Hiſpani, Itali, Germani ac maximam partem Galli. Magnus totius ordinis magiſter natione Galluſ erat. Anglum, qui ordini iſti nomen dediſſet, non repperi. Nihilominus omnem honorem, amorem ac benevolentiam nobis exhibebant, ut ſunt humanitatis ac civilitatis per quam ſtudioſi.

Omnes huius ordinis equites albas cruces in palliis ſuis humero tenus geſtant. Si quis in eorum numerum cooptari cupiat, iſ communi ærario 100. libras dependit. Neque tamen continuo Equitis titulus ipſi conceditur, niſi priùs virtutis ſpecimen in prælio contra Turcas ediderit, atque ita rebus geſtis ſe tantis honoribus dignum declaraverit. Sed de hiſ plura apud authores alios reperiuntur, ad quos lectorem remitto. Nos quinque dies in hac inſula commorati ſumus.

Decima Martii ex Malta diſcedentes, vigefimo ſecundo die ad ſpeculam quandam duobus tormentis majoribus munitam delati anchoras ibidem fiximus. Verùm cùm non ſtatim in littus egrederemur, qui in ſpecula erant, tormenta ſua in nos direxerunt. Itaque Capitaneus Naucлерum cum ſcapa in terram ablegavit, qui quidem incolis perbenignè eſt exceptus: Cumque Anglos nos eſſe cognoviſſent, Excubitorum Præfectus ſtatim ad navem noſtram veniens, vivum porcum capitaneo noſtro dono obtulit: qui triplo majora refundens Capitaneum contentum dimiſit. Me verò, unà cum Commiſſario noſtro ac Melitenſi quoddam Equite, qui in Galliam mittebatur, per Naucлерum eiufque miniſtros in littus provehendum curavit, ut *Callaram* proſecti com meatum neceſſarium navi compararemus.

Verùm excubitorum Præfectus, quàm primùm in terram expoſiti ſumus, Commiſſarium noſtrum, ut & Melitenſem Equitem captos in vinclis apud ſe detinuit. Naucлерus, cùm aliter Commiſſarium noſtrum liberare non poſſet, levatis anchoris, navem *Callaram* verſus propulit, ac de Excubitorum Præfecti injuria coram ſupremo ſenatu conquæſtus eſt. A quo decretum, ut captivi, qui quartum jam diem detenti fuerant, abſque ulla mora libertati reſtituerentur: Præfectus verò iſte ob illatas injurias, ab officio, quo neſariè abuſus fuerat, removeretur. Sic captivi noſtri in navem redierunt. *Callara*, magna urbs eſt, complurium Equitum & navicularum præſidio nobilis: jacet in Sardinia ampliffimâ ac frugum omnis generis feraciſſima inſulâ.

Cùm ſex ferè dies juxta hanc inſulam obliquatis velis hac illacque fluitallemus, duas bellicas naves ex alto adverſum nos ferri vidimus: quas prima fronte ad Capitanei *Wordſii* claſſem pertinere arbitrati ſumus. Verùm illæ hoſtili impetu noſtram navem adortæ primum, cùm alacriter nos reſiſtere, ſequæ victoria, quam jam animo devorant, ſpe falſos cernerent, mutatis velis ex conſpectu noſtro ſe proripuerunt.

Tandem propitius ventus cœptis noſtris aſpiravit, ut per Levantem ex freto Gibraltaræ eluctaremur.


Poſtmodò cū juxta promontoriū *Burlatia*, ubi ſcopuli ſunt frequētiſſimi, ſi quis *ſiſponè* verſ⁹ vela dirigat, vêtos naſti eſſem⁹ cōtrarios, Navarch⁹ iterū verit⁹, ne navis

ventorum violentia ad scopulos allisa perditum iret, Caliciæ portum petendum censuit, in quo quarta die post anchoras demersit. Denique, cum vento commodo nos exhilararet Numen, altum repetentes, ultima demum Aprilis die, Anno 1611. in *Cantonum* portum *Doveram* feliciter appulimus. Tum Immortali Deo fusæ à me grates, quod incolumem me patriis sedibus reddidisset, quippe quasi de novo in lucem editus mihi videbar, quàm primùm dulci patriæ solo pedum vestigia imprimere licuit. Deum verò precor, ut ejusmodi miseriam, in quam imperiti Nautæ me præcipitavit imprudentia, ab omnibus aliis quàm clementissimè avertat.

Quod verò regna, nationes ac regiones terræ marique à me longinquo hoc itinere visas lustratasque attinet: ajo illas nequaquam cum Anglia nostra comparari posse, quippe quæ instar terreni cujusdam Paradisi, præ omnibus aliis insulis, beatissima summo jure censeretur. Verùm hæc de ista navigatione dicta sufficiant Tu candide lector, vale, iisque fruiere.

PIETATE FIDES GAUDET.

HISTO.





HISTORICA DESCRIPTIO REGIONIS SPITSBERGÆ, EJUS PRIMAM DETECTIONEM, SITUM, naturam, animalia &c. ordine recensens.

A D D I T A

*Tristi relatione injuriam, quas Piscatores nostri, tam Biscaji, quam Hollandi,
præteritæ æstate Anni 1613. ab Anglis perpeffi sunt.*

E T

Protestatione contra Anglos, quâ frivola illorum argumenta, quibus
sibi solis omne jus in istam regionem deberi hæctenus
persuasi fuerunt, solidè refutantur.



REGIO magis ad Septentrionem vergens, quatenus à priscis olim cognita est, dicta est *Thule*, quam plerique ex modernis Geographis existimant esse Islandiam. Recentiores, qui patrum nostrorum memoriâ vixerunt, ac nominatim Gerardus Mercator, illam infra aut circa polum Arcticum sitam esse statuit. Ac scribit quidem Mercator, se librum quendam peregrinationum Jacobi Croyi, descriptum à Presbytero quodam Regis Norwegiæ circa Ann. 1364. natum esse, qui maximam partem quàm proximè ad computum suum accedat. Verùm nostri temporis homines istas delineationes futilitatis arguunt. Nostri enim nautæ arbitrati se dicto Mercatoris loco mare amplum & navigabile reperturos, cujus ductu Chinam usque, ipsasque adeò in Indias pertingerent: cum illum (ut verissimile est) subiissent, nil nisi immensum frigus perpetuamque hyemem sunt experti, usque adeò, ut cum Septentrionale latus Novæ Zemblæ ad 77. & 76. elevationis poli gradum, plusquam 20. gradibus à freto Weigatz, quoad longitudinem Orientem versus dissitum, navigando perstrinxissent, nullas planè terras Septentrionem versus conspexerint, nisi infinitam glaciei molem, à qua tandem è regione Novæ Zemblæ undique cincti & circumsepti sunt: atque ita Mappam Mercatoris de regione quadam sub Polo, nullo modo experientia suâ respondere intellexerint.

Verùm regio illa magis ad Septentrionem vergens, quæ nondum hæctenus fuit cognita, quam jammodò describendam nobis summus, sita est inter Gronlan-

landiam, quæ Regem Norvvegiæ agnoscit dominum, & Novam Zemblam, à Russis sic appellatam, qui istas regiones possident, ex adverso promontorii Septentrionalis in Finlandia, quam vulgus vocat. Nordlandiam in Norvvegia. Porrigitur (ut quidem hætenus nostri potuerunt cognoscere) à 76. usque ad 80. latitudinis gradum, si calculum in eas juxta lineam Æquinoctialem, quæ efficit in longitudine sexaginta milliaria Germanica, aut septuaginta leucas Gallicas.

Detecta est primùm à duabus navibus, in dicto illo Chinam & Japponem versus itinere, quas nobiles Domini ac Senatores Ambstelredamenses rebus necessariis ad probè munitas atque instructas expedierunt. Admiralem hisce præfecit Illustrissimus heros Mauritius Nassovius Jacobum Henrici Hemskerchium, qui deinde in expugnatione Castelli civitatis in sinu Gibraltaræ egregiam atque immortalis memoria dignam laudem reportavit. Nauclerus ipsi fuit Wilhelmus Bernardi, qui in eundem scopum ex mandato Ordinum generalium idem iter bis relegit. Altera navis Præfectum & commissarium habuit Johannem Cornelium Ripensem.

Hic Johannes Cornelius author verè fuit relegendæ istius regionis, quam modò describemus. Posteaquam enim duæ istæ naves ad Urforum insulam, ascutæ 74¹/₂ elevationis Poli gradum, appulissent; Guilielmus quidem Bernardi Orientem versus, Johannes Cornelius autem metuens, ne à glacie in regione Novæ Zemblæ circumveniretur, Occidentem versus vela faciendæ existimavit: tandem tamen Guilielmus Cornelio obsequutus est, quemadmodum ex historia istius navigationis est videre. Ut verò rectiùs ista animadvertantur, operæ precium me facturum existimo, si diarium manu Guilhelmi Bernhardi consignatum, hîc breviter recenseam.

Die 18. Maji, stylo novo, solvimus Texelâ; 22. appulimus è regione Fayrill, prope Orcanessas.

5. Junii in glaciem incidimus, quæ ex Gronlandia defluere visa est, à qua regione 25. leucas circiter, juxta nostrum calculum, aberamus. Aqua erat viridis, colore fulco. Fundum contati invenire non poteramus, glacies verò in longitudinem maris Austro Zephyrum, & Aquilo-Eurum versus porrigebatur, immensis glebis seu crustis conspicua.

Postridie cursum variè modo Aquilo-Zephyrum, modo Aquilo-Eurum versus ad 9. leucas contorquentibus, tanta moles glaciei comparuit, ut eam penetrare non liceret: nec bolide ad 120. orgyas projecta profundum emetiri possent. Meo quidem indicio, 55. leucis ab insula Lyffoet versus Aquilo-Eurum, à promontorio vero Septentrionali 110. aut 115. leucis aberamus.

Inde Occidentem versus directo cursu, 10. Junii attigimus Urforum insulam, sub g. 74. min. 35. poli elevati sitam. Mox Aquilo-Eurum versus vela facientes, cum propter obstantem glaciem cursum continuare non possent, ad modo dictam regionem reflectendum fuit. Ex urforum insula solventes, intra Eurum & Aquilonem tenuimus cursum, spe ducti bona versus Septentrionem meliorem transitum repertum iri. Qui in altera navi erant Eurum versus semper declinabant: ego verò magis Austrum versus contendendum censeui. Sic ad vespèram usq; 16. leucas progressi, noctu, donec iterum illucesceret, 15. leucas confecimus.

14. die, ad serum noctis usque propulsis navibus leucas eodem cursu superavimus 22. Tandem ubi tempestas affulsit serenior, quàm proximè glaciem nos delatos sensimus. Terram quidem in Septentrionali plaga videre nobis visum sumus, nihil tamen certi de ea licebat cognoscere.

15. die variè mutato hac illacque cursu, cum bolide ad 150. orgyas projecta, profun-

profundum emetiri non possemus, remis fortiter incumbentes inter Austrum & Zephyrum continuato tramite, ad 5. leucas processimus, nacti altitudinem poli 78 $\frac{1}{4}$. grad.

Tum ventum à tergo experti Zephyrum versus 7. leucas progredimur. Ac deinde ad vesperam usq; magis ad Aquilo. Zephyrum declinantes, 5. Leucas.

Hic cete vatissimum mortuum prætervecti sumus, foetorem tetrum quoquo versum expirans.

Die 16. horrida ingruit pruina, mox Euro usi benigniore inter Aquilonem & Zephyrum porrecto itinere, ad meridiem, usq; leucas emensi sumus 21. Sed ob glaciei molem viam relegentes, juxta glaciem ad 5. leucas versus Aquilo. Zephyrum processimus.

Deinceps ex glacie emer si versus Austro Zephyrum, leucas. 6.

Donec via inter Austrum Eurumque media, 4. leucas inter glaciei crustas perreperemus, idque summo mane.

Die 17. Cælum erat tranquillum usque ad meridiem: tunc altitudinem poli dimensi sumus 80. g. & 10. min. Hic cursus fuit obliquandus, quod ventos planè contrarios experiremur, si quâ fortè ex glacie pateret exitus. Trajectis 5. aut 6. leucis Euro nobis aspirante ad vesperam usque, prolabimur, fundum invenientes 90. orgyiarum. Quadrantem leucæ Austro Zephyro provecti, ad Austro-Eurum per quatuor leucas cursum protendimus. Tum demum terra, ubi magis ad Eurum inclinaremur, comparere coepit, quæ 8. aut 9. leucis partim ad Euro-Aquilonem, partim ad Zephyro-Austrum protendebatur. Terra erat alta, & tota nivibus cooperata, atque ab uno puncto Septentrionis Orientalis in alterum desinebat.

Die 18. Austro-Eurum versus directis velis ad 6. leucas, altitudinem poli reperimus 80. grad.

Vento adverso litrus legimus, Euro, & Aquilone non nihil adjuti ad meridiem usque 20. Junii. Distabat Promontorium Orientale istius regionis à nobis Austro-Eurum versus 5. circiter leucis. Quas emensi conjunctim ad largum quendam angulum appulimus, quia terra Austrum versus spectabat; mox provecti sumus in sinum quendam unius istarum insularum, qui longius etiam versus Austrum prominebat.

A Continente reflexo itinere, cum vento Euro-Aquilone proveheremur, de novo in glaciem delabimur, ut vela Austrum versus stringere cogeremur.

Die 21. Coorta est ingens ventorum tempestas, nixq; copiosa explaga inter Meridiem & Orientem media decedit. Nos nihilominus vento adverso ad vesperam usque progressi, anchoras unà cum sociis quàm proximè terram sub iis sum Canalis ingressum excussimus, fundum fabulosum 18. orgyiarum animadvertentes. Ad punctum Occidentale istius ostii rupes erat, subtus divisa, cognitu facilis. Haud longè inde ad tertiam leucæ partem à dicto Occidentali puncto parva quædam insula cernitur. Puncto verò Orientali, quàm proximè alia adhuc rupes adjacet.

Die 22. 7. Scaphis Saburram ad naves ingessimus, ut eò rectius firmari possent. Interea Candidus ursus immanis staturæ adnatæ visus est, quem tribus scaphis infectati tandem interfecimus. Detracta cutis 12. pedes longa erat. Eodè die unâ scaphâ meliorem portum, qui nobis maximè opportunus erat, indagatum, ad interiora perreximus, ubi terram à mari separatam atque avulsam reperimus, in eaque diversas insulas, portum navibus diversis in locis præbituras commodissimum.

Die 23. Veram Meridionalem lineam circulo Astronomico metientes, ante meridiem 11. post meridiem 16. graduum declinationem invenimus, quod

ligula pixidis nauticæ magis ad Aquilo-Eurum declinaret, ut gnomoni exacta fides haberi non posset.

Egressi ex hoc sinu, exploratum, quousque latus istud porrigeretur, finem ejus assequi non potuimus, licet oculis maximè expositus videretur, & 7. leucis ex Austro Eurum versus prominere. Appulimus tamen ad angulum altum & montosum, qui instar Insulæ cujusdam conspectui nostro sese offerebat. Exactè solis altitudinem dimensi, quæ erat 13. grad. nos elevationem poli 79. grad. 34. minut. affectos deprehendimus.

Die 24. Cùm Malacia defuisset, vento Austro-Euro provecti, longius terram propter labimur, quæ maximam partem disrupta, probè elevata, montibusque & collibus acutis distincta apparebat, quam eam ob causam *Spitsbergen*, seu *montes acutos* appellavimus.

Eodem vento acti ad 7. leucas processimus, tuncque à loco isto, ubi magis Occidentem versus priùs anchoras firmaveramus, 10. aut 12. leucis nos distare animadvertimus.

Sub vesperam denuò naves terrâ propulimus ab angulo Septentri-orientali, ad Septentri-occidentalem ad 8. leucas progredientes.

Sub finem primæ vigiliæ nocturnæ, vento Austro-Zephyro aspirante, ad Meridiem usque diei 8. leucas emensi, postea cùm ad terram appropinquaremus, adverso obstante vento, duas leucas retrò cedere coacti sumus.

Postquam igitur ponè promontorium quoddam, 18. orgyiis anchoras fundo sabuloso demissilemus, visi sumus illic loci fluxum & refluxum maris animadvertere. Duodecim enim horarum spacio aquam cùm ex Austro-Euro tum Aquilo-Zephyro tanto impetu allabentem animadvertimus, ut anchorarum nostrarum acies sese mutuò sub aquis contunderent.

Sinus iste, in quo tum commorabamur, quamvis ventis sit expositus, unà cum angulo interiori, nihilominus tamen in latere Australi depressum quoddam promontorium habet, qui circum navigari potest, quem si quis à latere Septentrionali subeat, ibique anchoras figat, ab omni ventorum impetu est tutissimus. Nostri homines duos ibi Rosmarorum dentes invenerunt, qua de causa sinum istum, *Dentium sinum* appellarunt. Nos ibidem reperimus quàm plurimè fimi cervini, ut & lanam nonnullam, ovillæ non ab similem. Ex opposito istius puncti seu promontorii Meridiem versus, alius quidam anfractus, portus instar sese offerebat.

Die 26. Afflante Aquilone vela fecimus, confectis intra meridiem & ortum 10. leucis. Circa meridiem appulimus intra cuspidem quendam montosum, & continentem, cuspidem istum insulam quandam efferati, quem cum intrassemus, paulò post profunditatem 12. aut 10. orgyiarum invenimus, fundo bono ac sabuloso: Ad duas leucas progressi, fundum petrosum 50. orgyiarum offendimus, terram verò totam nivibus coopertam. Quinque circiter leucas intra Cuspidem & latus Continentis provecti, demùm cognovimus cuspidem istum, quem insulam esse eramus arbitrati, dorso quodam sabuloso terræ alligatum. Profunditas enim quinque orgyiarum fuit. Quia verò breviam ista glacie constiterant, velorum obliquatione facta nobis regrediendum fuit.

Cuspis iste, quem Insulam esse existimavimus. 79. gr. 5. min. latitudinis subiacet. Nos quòd volucres ibi quàm plurimas circum vagari cerneremus, illum Volucrum sinum nuncupavimus.

27. die Cælum adeò tranquillum erat, ut diu morandò, hac illacque intra Volucrum sinum, & terram fluctuando, parùm possemus cursum nostrum promoveri.

28. die sinum istum circumvecti, longius terram præterlabimur, ad sex leucas,

leucas, declinantes magis ad Australem plagam. Terra erat montibus acuminatis aspera, interim limpidissimo fluvio irrigua. Inde ad meridiem tendentes, 6. leucas, mox velis versus occidentem obliquatis, 3. leucas confecimus.

Deprehendimus altitudinem 78¹. grad. jamque glaciei imminere visi sumus, quam ut evitarem, nonnihil altum petendum rati in longitudinem intra glaciem & quàm proximè terram 7. leucas processimus.

Fortè tum ad amplum quendam sinum conveneramus, qui Occidentem brumalem versus porrigebatur. Terra autem ab utroque latere altis ac præruptis montibus erat formidabilis.

Navigavimus spirante Japyge usque ad vesperam, terram legentes versus Occidentem Australem, 5. leucas.

Hic alius sinus & quidem porrectissimus se nobis obtulit, quem glacie continua ad terram usque rigidum cernentes, mutato nonnihil Orientem versus cursu, Africo adjuti quatuor leucas emensi sumus. Denuò in glaciem impingentes versus Orientem Meridionalem vela direximus 3. leucis.

Die 29. Nos Aquilo à puppi prosequutus, 5. leucas versus Occidentem Meridionalem propulit.

Inde littus raddendo versus Australem plagam 4. leucas progredimur. Altitudinem 76. gr. 50. min. dimensi sumus.

In altum provecti, nullam deinceps terram vidimus, donec tandem Calendis Julii Urforum insula in conspectum nostrum eminus prodiret.

Cùm verò Johannes Cornelius, & Wilhelmus Bernardi dubiis inter se sententiis nutarent, quo in loco constituti essent, ac ille quidem se in plaga Occidentali à promontorio Septentrionali Norvegiæ versari existimaret, hic verò in plaga Orientali 250. leucis à puncto Glaciali Novæ Zemblæ sese abesse diceret: Johannes Cornelius, qui locum istum ultra 60. leucas dissitum non putabat, cùm intelligeret, satius videri Guilhelmo, terram aliquam cognitam detegere, quò rectius fretum Anianis possent reperire, cum sua navi à socio discessit. Ita tamen prius inter ipsos convenerat, ut Cornelius versus Septentrionalem Orientis plagam vela faceret, Guilhelmus autem Occidentem versus contenderet. Sicigitur Johannes Cornelius Septentrionem versus directo cursu, post mirabilem ventorum & glaciei vicissitudinem, eodem in loco seseprehendit, ubi prima vice anchoras excusserant, sub gr. 80. circa Volucrium promontorium, à quo postmodum animo ad Guilhelmum redeundi discessit.

Latus Orientale hujus terræ incognitæ hoc, quò dictum est, modo per Johannem Cornelium Ripensem, & Guilhelmum Bernardi primùm innotuit: postea verò Henricus Hudson nōmine Societatis Anglicæ sub Ann. 1608. idem iter est emensus. Hic Hudson (ut refert Jodocus Hondius in charta sua Planisphærica) versus Septentrionalem Orientem hujus regionis sub elevatione 81. & 82. grad. latus quoddam glacie planè obfirmatum deprehendit. Ab isto tempore qualibet æstate quosdam eò ablegarunt, qui Balænarum barbas, ut vocant communiter, inquirerent, & pinguedinem inde excoquerent. Quem quidem piscatum Societas Londinensis Russiam versus commercia sua dirigens, sibi soli attribuit & vendicavit, usque ad annum proximè elapsū 1612. quo Guilhelmus Muydanus, unica nave ab Amsterdamsibus, item altera nave à Serdamsibus instructus eò navigationem suscepit, ut in dicta Urforum insula Rosmaros caperet. Præter hos, & Anglorum (de quibus jam non loquor) eodem anno ibidem navigium quoddam ex Biscaya appulit: qui homines, cùm in Balænis capiendis facillè omnibus Christiani nominis nationibus excellant, procul dubio non sine ingenti emolumento domum redierunt: nostra autem parum lucrati sunt.

Quæ etiam causa fuit, quod nostri Mercatores, hoc ipso anno duo iterum navigia sub ductu ejusdem Guilhelmi Muydani expediverunt, & ut felicius rem facerent, duodecim Biscajos ex S. Johanne de Lus oriundos conduxerunt, tres nimirum balænarum in vases, tres lintrium in mari regendorum gnaros, reliquos qui oleum excoquerent, & balænas frustillatim conciderent. Eadem hac æstate ab Amsterdamentibus Celox quædam eodem emissæ est, cui præerat M. Thomas Bonaert, secum ducens maximam partem suæ gentis Anglos, & aliquot Hollandos, eam tantum ob causam, ut Rosmaris potiri possent. Præter recensita quinque navigia armarunt Dunquercani unum cum parva celoce, unum item Burdegaleses, ut & Ruppellani unum, tria incolæ ad S. Johannem de Lus, & præter ea aliquot Hispani ad S. Sebastianum. Cum verò Londinenses mercatores in Russia negociantes intelligerent tot naves eò vela facturas, ipsi quoque sex navium probè instructarum classem Amiraliseu Capitaneo Benjamin Joseph, qui Tigrinave 21. Tormentis majoribus munitâ vehebatur, commendant, ut reliquos navigatione & piscatu isto prohiberet, & totâ illâ ora depelleret. Quamvis autem rumor iste de Anglorum conatibus cum apud nos, tum in Biscaja increbuisse, nihilominus tamen tam Biscaji, licet prætenderent se jussu Regis Hispaniæ in Indias Occidentales cursum suum direxisse, ut homines quosdam Limam versus deportarent, quàm Galli & nostrates versus regionem Spitsbergen, seu Grenlandiam, uti ab Anglis vocitatur, navigationem suam protendere non dubitarunt: quia verò à tormentis aliisque ad pugnam subeundam necessariis munitionibus parùm instructierant, unus hac, alter illac in sinum seu portum aliquem sese proripere festinavit.

At ubi maximam partem ad terram naves nostræ appulissent, jamque cum suis piscatum exiissent, supervenientes Angli omnes unam post aliam ex istis regionibus profligarunt.

Priusquam ad earum rerum narrationem deveniam, portus regionis istius præcipuos breviter recensebo.

S I T U S P R Æ D I C T Æ

R E G I O N I S.



QUANTUM igitur nuperrimè de ista regione quam Spitsbergen vocitari diximus, cognoscere potuimus, id tabula quadam, ad calcem adjecta, expressimus, sequuti magna ex parte Anglorum consignationes, in Charta quadam à Johanne Daniele delineatas & descriptas Londini An. 1612.

Regio hæc, ut supra dictum est, adjacet Urforum insulæ, versus Septentrionalem Orientem, sub 81. & 76. gradu latitudinis, terminus ejus versus Austrum porrigitur, quem Angulum Angli, Lockhoute appellarunt, maximam tamen partem vergit in Septentrionalem Orientem usque aut supra Hornesond: inde autem excurrit versus Septentrionem usque ad Australem angulum istius insulæ, quàm Angli Principis Caroli nomine insignierunt: Nostrates autem Kiin, ex nomine cujusdam nostri Mercatoris, qui anno præterito ex prærupto monte lapsus diem istic supremum clauserat, nuncuparunt. Huncque situm ex Pixide nostra ordinaria didicimus, quæ satis clarè ostendebat, quid propriè Septentrionalis Occidens appellari soleat. Solem enim quotidie in Australi Oriente habebamus, donec altitudinem suam assequeretur. Ut verò certiùs rem

rem omnem possent explorare, primum altitudinem Solis, cum in summo cardine verteretur, sunt dimensi. Cumque ipsis esset cognitus anni dies, didicerunt ex tabulis declinationum Solarium, altitudinem Æquatoris, & Poli desuper horizontem. Hoc facto in astrolabio catholico Solis altitudo super horizontem æquè versus Occidentem atque Orientem prospectabat. Mensurati Solem tali altitudine, facile poterant perspicere, quanto intervallo Sol ab Occidente Compassi distaret. Hisce probè, opera cuiusdam compassi, cujus filum exactè ad bolidem respondebat, exploratis, animadverterunt, in Portu bello, seu Schoonhaven, 16. gradus variationis versus Orientem Septentrionalem: Moto igitur eò usque compasso, donec bolis quadrantium, quibus vulgò utimur, subsisteret in Occidente Septentrionali fili supra dicti: ventorum diversis turbinibus impediti, Septentrionalem magis versus Occidentem quærere coacti sunt, quòd Compassa, seu quadrantes, uti dictum est superiù, nihil significarent.

Insula Kyn, cujus suprà mentionem fecimus, 10. circiter leucas longa est. Primum spectat Septentrionalem Orientem, usque ad medietatem regionis, ubi promontorium quoddam cernitur. Inde versus Septentrionem porrigitur usque ad terminum quendam, quem Angli t Fayre Forland seu promontorium bellum appellarunt. Inde juxta longitudinem oræ procedendo cursus intra Septentrionalem Orientem & Occidentem dirigendus est, usque dum elevationem 80. grad. assequaris, ubi primum Guilielmus Bernardi & Johan- Cornelius Rypensis regionem istam detexerunt.

Reperiuntur ibi quatuor majores sinus, quisque diversis portibus distinctus. Primum sinum appello istum tractum, qui inter Angulum Septentrionalem Insulæ Kyn, & Continentem interjacet. Hunc locum lustrandis militibus, reparandisque navibus destinarunt Angli, erectis tam in Insula, quam in Continente variis tentoriis; qui quidem Ann. 1612. ibidem unius navigii jacturam fecerunt. Eundem hunc sinum subire Guilielmus Bernardi & Johannes Cornelius sperantes eum se transire aut circumire posse; verum eum non satis profundum, imò glaciem fundo tenaciter adhærentem animadverterunt, quod etiam navis, Duinquercana: est experta, sicut unus ex Pilotis ejus nobis retulit.

Secundus sinus est, Iffond, aliter Grenharbor dictus, qui duos eximios portus habet, unum in latere Septentrionali, quem nostrates appellarunt, Behouden haven, seu portum tutum: alterum in latere Australi, qui propriè Grenharbor seu portus viridis appellatur. Hi duo portus quàm longissime in Continentem vergunt, ut quàm firmissimè illi adhærescere existimentur. In medio portus, quem Tutum diximus, profunditas 200. cubitorum reperitur, in latere vero Occidentali bonus fundus 22. cubitorum sese offert. In portu Viridi latus Orientale ad 17. aut 18. cubitos trajicitur. Austrum versus ad 8. leucas progressi, alium sinum conspeximus, in quo portus Louw fond, & Belfond reperiuntur. Angulus Septentrionalis hujus sinus in charta Geographica appellatur Lovvfondnes: In latere cernuntur insulæ & rupes aliquot, quas quidem intrare licuisset, sed ut portus non usque adeò bonus est, sic quoque fundo bono destituitur. Lovvfond enim talis est statio, quæ longius in terram portenditur, ut insulam etiam quandam antè se efficiat.

Promontorium Australe hujus ampli sinus, Bellum, seu Pulchrum vocatur, cujus interiora paululum scrutati Hollandi, alium quendam portum reppererunt, cui portus item belli nomen indiderunt.

In latere Occidentali hujus sinus aut portus profunditas 300. orgyiarum depressa est, in latere vero Orientali anchoræ fundo bono ad 30. orgyas excuti

poterant. Locus autem ad balænas cædendas commodissimus, quæ magnæ etiam numero ibidem reperiuntur.

Belfond etiam est canalis longius intra terram exporrectus. In latere ejus Septentrionali insula cernitur, quæ utrinque adiri potest. In circuitu hujus insulæ, terra anfractum quendam habet, ubi vaccæ marinæ, seu Rosmari, quorum magnus ibidem numerus, nullo negotio capiuntur. Nostri hunc canale ad 6. leucas ingressi, ibidem in recenti aqua magnum marinorum Canum numerum conspexerunt.

Biscajia ex S. Johande Lus sinum Belfond appellarunt, sinum Gallorum, quod illi plerumque ibi congregari solent, ac usitatum sit, regiones denominari ab iis, qui primi illas retexerint.

Sinus, quem nostri navigarunt, magis ad Austrum vergens, est Hornfond, ita ab Anglis nuncupatus, quod (ut perhibent) cornu Monocerotis ibi repererint. Portus sanè perquam est commodus, ab utroque latere quàm longissimè in terram sese exonerans.

In hisce sinubus, totaque ora fluxus & refluxus maris, quemadmodum reliquis Septentrionalis Oceani locis animadvertitur. Refluxus ab Austro exoritur. Sole enim in plaga inter Austrum & Orientem media constituto, mare plenum in Belfond cernitur; ubi verò Sol inter Septentrionem ac Orientem conspicitur, in portu Tuto mare integrum ac plenum est. Atque ita 9. horarum intervallo tardius æstus maris in portu Tuto, quàm in Belfond insurgit, cum tamen ista loca non ultra viginti milliaria Germanica à se invicem distent.

N A T U R A L O C I .



Ubi naturam loci attinet, principio considerandum, sub qua regione cœlisitus, & quomodo à sideribus cœlestibus illuminetur.

Situs est sub Zona frigida, quam præsci authores non absque verisimili ratione planè inhabitabilem existimarunt, videlicet ob nimiam frigoris vim, cui hic locus præ aliis est obnoxius. Quamvis enim nulla sit regio, quæ noctium minùs, aut obscuritatis cœlestis habeat; (quippe Sol tempore æstivo, post diem longissimum, quem centies ac septuagies viginti quatuor horarum in sinu Anglorum efficit; tam parum sub Horizontem descendit, ut toto semestri spacio, eoque æstivo nunquam in cœlo lumen ejus desideretur: ac licet hyberno tempore per dimidium annum, ubi Sol ad Austrum declinat, duobus mensibus dies duabus horis non sint longiores: imò ubi Sol transsit Scorpionem, Sagittarium, Capricornum, Aquarium, vix unicam horam dies excedat, noctes autem sint longissimæ, quod tum temporis in imo Horizontis loco 12. grad. versus Austrum Sol versetur: nihilominus Australe cœlum collustrat. Nam ex Ptolomæi aliorumque sententia: Diem jam albicantem cernimus, quamvis Sol 18. gradibus Horizonte nostro sit inferior.) Illud tamen certum manet, nullam esse regionem ex omnibus iis, quæ Septentrionem versus lineæ Equinoctiali subjacent, quæ minus caloris, aut breviores æstates habeat. Nam hoc ipso anno sub decimum tertium Junii diem tantæ molis glacies littora atque ostia portuum infederat, ut navibus eam percurrere haud possemus, atque ita portuum aditu intercluderemur: nix autem, quæ nonnullis in locis est perpetua, in tam paucis lo-

cis locis erat liquefacta, ut capreoli aut cervi ob alimoniam inopiam, baculis essent macilentiores. Causa tam longæ hyemis, ac diuturni frigoris hæc est: Sol ab Æquinoctio in Australi plaga affectus 11. grad. altitudinis usque ad 10. vel 12. Junii diem non ascendit ultra 33. gr. 40. min. de super Horizontem: hinc radii ejus, quos oblique admodum jaculatur, planitiem adeò difficulter calefaciunt, ut nimbi & vapores ex terra exhalantes dispelli nequeant, sed tanta mole montibus & mari incumbant, ut nautæ ad navis unius intervallum sese mutuo contueri nequeant. Hinc fit, quòd regio ista (quæ hætenus quidem tantum quoad oram maritimam perlustrari potuit, ubi tantummodò præalti montes nivibus obsiti cum pratis aliquot conspiciuntur) quòd, inquam, nullas arbores, truncos aut frutices alat, nec ulla viredo appareat, nisi fortè ex musco spisso & curto, qui non absimilis illi, quem in plurimis Norvvegiæ locis cernimus, cum colore sit subrufus, flosculos tamen protrudit cœruleos. Quidam verò nautæ etiam asserunt, sese illic herbas quasdam virides vidisse. Quod autem ligna attinet, quæ in littore reperiuntur, sciri non potest, quoniam autem æstus maris ab Austro insurgit, probabile est ex Norvvegiæ eò loci esse vi fluctuum delata.

D E A N I M A L I B U S.



INTER Animalia, quæ istius loci reperiuntur, primum locum obtinent Ursi candidi, qui bobus multò grandiores mari sese committere non verentur. Præterea videas ibi cervos aut capreolos, similes illis, quos Russia & Samogithia prope Novam Zemblam profert. Hi ex musco vivunt, de quo paulò antè diximus. Cornua habent glabra, & nostratibus cervis paulò sunt minores. Menstruo illo spacio, quo nos cum navigiis nostris ad illam oram substitimus, adeò pingues evaserant, ut cibum nobis præberent maxime delicatum. Capreoli isti consortii humani planè erant insueti, parumque adeò curabant, quis adveniret, ut cum quidam ex nostris cervum globo bombardæ trajecturus esset, id animal sentiens, inimico animo, tantòq; impetu illum insurrexit, ut ad terram illum prosterneret.

Ex minoribus animalculis nulla vidimus, nisi vulpes candidas, leucophæatas, nonnullas etiam nigras.

Et hæc sunt animalia, quæ nos in illa regione vidimus, quamvis Angli referant in Hornesond, cornu Monocerotis sese reperisse. Nos quod de eo dicamus, aliud non habemus, quàm per homines ejus rei peritos revera cognitum, illa vera monocerotis esse cornua, quorum unum per nautam quendam nostrum in hæc regiones est delatum. Certò autem sciri non potest, quorum animalium illa fuerint. Dixerimus potius piscium esse reliquias ad ostia portuum, vi fluctuum expulsa.

Ad ostia horum portuum immanes balænæ varii generis reperiuntur: quarum pleræque 80. pedum longitudinem excedunt, adeò pingues, ut adeps inde detractus penè totus in oleum, seu ichthiocolam resolvi possit. Est ibi quoddam Balænarum genus, quales plerumque ibi reperias, quæ pinnas in dorso nullas habent, unde à reliquis facile dignosci possunt. Hæ intra o. longas & grandes barbas alunt, limis similes, ac grandiores quidem balænæ eas ad cubiti unius atque alterius longitudinem promittunt: harum in uniuscuiusque Balænæ proboscide vel

600. reperias, quæ instar strobili superius ex ore propendent. Eodem, quo reliqui pisces, suos quoque dentes habent loco, nisi quod in superiore tantum parte promineant, ac anteriores, ut & posteriores admodum sint exiles, usque adeo ut nisi 400. conjunctos habeas, nullum in mercatura inveniant locum: Hæcque adeo optima, ac quæstuosissima est negociatio, quæ ex hisce regionibus peti potest. Dictæ Balænæ in latere prope caput prægrandes habent pinnae, quibus pisces unum cum solent impingere, quod eo loco vulnus magis ad vivum penetret: quod quam primum bellua senserit, sanguisque ejus caput invaserit, tantò impetu aquam sanguini mistam per narium foramina, quæ in superiore capitis parte patent, exufflat, ut mali nauticæ apicem transcendat. Postquam autem impetu fundum versus facto, natando se ipsam fatigaverit, pisces scaphis appropinquantes, jaculis eam in superiore corporis parte trajiciunt, quod alioquin diffiulter trucidari posset.

Pisces hujus regionis cutim habent spissam & nigram, alia quadam tenera, pellucida & nigra obductam. Cibum harum balænarum sunt minuti pisciculi, capellis longè minores, quos ore inter natandum patulo comprehensos, postea compressa proboscide deglutunt.

Præter Balænas istas nigras, etiam albæ reperiuntur, quæ tamen haud quam bonæ existimantur. Quosdam etiam imperatorio, aut cucullato habitu monstrosos pisces ibidem invenimus.

Aves marinas alit ista regio quàm plurimas, præsertim milvius aquaticos, qui magno numero Balænarum cadaveribus insident, mergos duorum generum, psittacos, item aves rostro rubro, quales etiam in Nova Zembla observavit Guilhelmus Bernhardi; item anserculos, avesque alias, quæ ova prægrandia excludunt magna copia: ut & Anseres rubros, quos in Scotiæ arboribus nasci, hæcenus creditum fuit.

In locis interioribus reperiuntur Equi marini, ut eos vocant Angli, seu Vaccæ marinæ, ut Galli appellant, nos eos rectius Elephantos marinos dixerimus, quod & mole corporis, & dentium robore maximè hujus animalis formam expriment. Russi, quibus eorum natura exactius est cognita, cum magna copia in Petzoræ regione conspiciantur, eos Morsen vocant. Nos illos hæcenus Walrussos appellavimus, eorum figurâ additâ, qua juniorem quendam, qui ad nos delatus fuit, ad vivum expressimus.

Satis sunt pingues, ut facile a depe ex iis excoqui possit, sed pellis eorum, licet immanem in morem spissa & crassa sit (unam enim 400. libras hîc vidi pendere) exigui tamen est precii, quod crebris vesiculis est deformis. Eo majoris æstimantur dentes, qui ebore etiam præferuntur. Hæc animalia si unum ex suo numero trucidatum videant, magno numero super eorum cadavera advolvuntur, donec putredine & foetore rursum abigantur.

Atque hæc quidem de aqua salia cognovimus. Paulò verò altiùs in recenti aqua prope portum, Belfond, nostri homines etiam canes marinos, togis nostris non absimiles invenerunt.

Hæcenus, quæ de regionis istius animalibus cognoscere licuit, exposuimus, nunc quid præterita æstate, tam inter nostros, quàm Gallos & Anglos venerit, breviter quoque perstringemus.

Primus, qui ad oram istam appulit, fuit Guilhelmus Muydanus: Is enim cum suis duabus navibus quàm proximè ad promontorium Australe Angliæ Locqhoute dictum 27. Maji die appropinquavit. Sed nullo modo ad terram poterat pertinere, glacie, quæ totam illam oram occupaverat, præpeditus. Itaque cursu Septentrionem versus directo, primo demum Junii ad Insulam Kyn appulit. 2. Junii Na-

var-

varchus cum duabus scaphis terram versus vela faciens, ad terminum Australem Insulæ balænam mortuam invenit. 4. Junii alium adhuc piscem prægrandem, qui infra Insulam eundo, redeundo continuò vagabatur, quòd portus glacie adhuc pleni rigerent, conspexerunt.

8. Junii navem Burdegalem è longinquo viderunt, cui naclerus erat M. Sillyus.

9. Junii Dunquercana navis cum celoce sua ad Australe insulæ promontorium appulit. Postquam autem quàm proximè alteram Muydani navem, Mossel dictam, in Septentrionali insulæ ora consedisent, existimavimus quidem illos, qui in Dunquercana navi erant, portum exploraturos, ideoque propiùs terram relegentes inter Insulam & terram firmam vela facturos; sed illi mutato cursu cùm aliquandiu circa istam regionem morati essent, 12. & 13. Junii in Grenharbor portum contenderunt.

Muydanus 13. Junii in Portu Tuto, seu Behoudé haven anchoras jecit, cùm paulò antè scaphas suas ad Balænam illam versus promontorium insulæ Septentrionale emisisset. Hi Anglos cùm suis scaphis jam advectos, Barbas isti balæne præcidere deprehenderunt; ab iisque intellexerunt, cymbam Dunquercanam interceptam esse, quòd prætendissent, Balænam istam à nostratibus primùm fuisse animadversam. Captivos autem in naves Anglorum distributos, & versus promontorium Septentrionale in Anglorum sinum abductos. Nostræ verò scaphæ ad littus iterùm applicantes, adverterunt, Anglos consilium de omnibus peregrinis navibus interceptendis inivisse.

Posteaquam enim Angli certas piscandi leges condidissent, ex promontorio Bello, in quo hac præterita ætate etiamnum subsisterant, egressi, ad portum Grinharbor appulerunt, navemque Dunquercanam cum parvo quodam Biscayorum navigio inde depulerunt. Qui quidem Biscagii id quàm ægerimè ferentes, jurarunt, quàm primùm domum rediissent, se damnum istud magno cum suo lucro ex Anglorum bonis emendaturos. Postera die Admiralis vela faciens versus oram Canalis Septentrionalem, ad portum Tutum seu securum, invenit in eò Muydanum cum suis duabus navibus, Mr. Sellyum Burdegalem, & aliam quandam Rupellensem: exiguum item navigium ex S. Johanne de Lus. Præfecti navium sese ad Admiralem devehendos curarunt, exiguum verò illud navigium ex S. Johanne de Lusz, domum remiserunt. Sellyus referebat, se ab Admirali impetrasse, ut octo quidem Balænas, Anglis dependeret, quod reliquum, id suo cederet lucro. Verùm cùm ultra dictum numerum quatuor cepisset, easque sibi cessuras omnino existimasset, Angli non solum eas omnes, sed & peritissimos nautas secum abstulerunt, illo insuper ex tota regione pulso.

Muydanus exhibebat Admirali Potentissimi Principis MAURICII diploma, quo ipsi libertas piscandi summa, seseque contra hostes, qui id impedire velent, defendendi concedebatur. Admiralis illud legit, exosculatus est, atque legitimum agnovit: Verùm sibi longè Potentioris Regis mandato obtemperandum dixit, qui singulari privilegio sibi suisque Principalibus caverit, ut omnes illas regiones etiamnum cognitæ ac deinceps retegendas, quæ quidem una linea venti Septentrio-Euri, & altera Aquilo-Zephyri comprehensæ, hinc inde inter Drontam & Islandiam dispergerentur suæ Majestatis nomine & bono possideret. Proinde nequaquàm concedere voluit Muydano, ut illo vel alio in loco istius tractus piscatui operam daret, imò quicquid hætenus ceperat, id omne isto titulo sibi vindicavit, sicque 19. Junii duas illas Muydani naves, ut & Hornanam illam, quæ nomine Johannis Macquii Rupellani eò venerat, à se dimisit. Galli isti se sua cum navi vela versus Septentrionale Norvegiæ promonterium facturos dicebant, quòd balæ-

uarum abundè ibi se capturos sperarent. Muydanus autem, licet Admiralis nullo loco piscandi potestatem illi faceret, imo omni modo illum prohiberet, nihilominus versus Belfond navigavit, quo 20. Junii pervenit, stationem in later Seeptrionali, loco quidem non satis commodo, sibi deligens. 23. die Navigium Serdamense, in latere Australi portum satis idoneum subiisse comperit. Itaque sinu quodam, tres circiter leucas amplo transmissis, 24. Junii ad exiguum quendam portum in Bello promontorio appulit, quem rebus suis, in primis piscatui accommodissimum deprehendit.

Serdamensi in nave, qui erant, ad interiora magis progressi, una die 200. Rosmaros, seu vaccas marinas trucidarunt, & (metu Anglorum) alterum ex suis navigiis adipe Rosmarorum in vasa compacto probè onustum domum remiserunt.

26. Junii eodem in portu, quem Muydanus portum pulchrum appellavit, appulit magna navis ex Sanct. Johan. de Lus. Hanc G. Muydanus piscatu prohibere voluit, tandem inter ipsos convenit, ut conjunctis operis piscarentur, omnesque alios, eò fortè an venturos, piscatu intercluderent, locoque isto depellerent. Quod etiam 11. Julii quibusdam Bisgaiensis navigii cymbis accidit: Illas enim coacti ex promontorio Bello depulerunt, quòd cymbæ istæ rectà in portum ipsorum inveherentur.

Paulò post aliud quoddam parvum navigium ex Sancto Johanne de Lus advenit, quod tamen ad classem seu societatem Mr. Tourbidæ non pertinebat, cui itidem piscatu omni interdixerunt. Tandem venerunt Angli, ut piscatores cum omni præda & lucro interciperent. His cymba, Navigio Mr. Tourbidæ addita, statim obviam processit, ac certas pacta conditiones sese tradidit, ut nimirum Galli adipem pro Anglis liquarent, ipsi verò mercedis loco dimidiam partem sibi retinerent. Placuit Anglis conditio, quod scirent Gallos præ cæteris nationibus, quam rectissimè, & citissimè magnam adipis copiam excoquere posse. Interim branchas seu barbas, quæ ex proboscide balænarum prominent, Angli sibi solis vendicabant. Parvum illud navigium Gallicum, quod piscatu prohibuisse Muydanum diximus, hisce conditionibus cum Anglis pepigit: 40. lastas Adipis sese pro Anglis liquaturos, dummodo, quod super foret, suis usibus retinere possent: sed hoc ratum non fuit: statim enim 21. Julii die sententiā mutavit & revocavit Admiralis.

22. die Admiralis alterum Muydani navigium, cui Mr. Mossel præerat, exoneravit, 24. die, eidem, ut domum rediret, edixit, quod & 25. factum est. Muydanus verò usque ad 28. diem fuit detentus, ne quem forte impetum conjuncti in Piscatores Anglos facerent.

Paulò autem antè, quàm negocia hæc sua in promontorio Bello expediret Admiralis, versus Hornesond vela fecerat, cumq; jam in conspectum Hornesond venisset, obviam habuit Dunquercanam navem, de qua antea diximus, quòd ex sinu Grenharbor 16. Jun. ejecta fuerit. Ea hæcenus circa Australe promontorium hæserat, cum verò parum se ibi lucri facere posse adverteret, versus Septentrionem iter relegere constituit, supra 82. & 83. grad. ut istic loci fortunam suam periclitaretur. Dunquercani ut Anglicas naves plenis velis in alto ferri viderunt, confestim ad illas appropinquare, rogantes Admiralem, restitueret ipsis Celocem paulò antè, uti diximus ad longam Insulam ipsis interversam.

Admiralis amicè illos excipiens, postulatis ipsorum obsequuturum se promissit; nihilominus sinum, qui ob oculos ipsis erat, una cum ipso subire coacti sunt. Unà igitur omnes Sinū Hornesond intrarunt, in quo tres naves Hispanicas, Mr. Thomam Bonardum cum Enckhuysana sua nave, item Gallicum quoddam navigium offenderunt: qui conjunctim eò delati communilabore & periculo

pisca-

navigium offenderunt : qui conjunctim eò delati communi labore & periculo piscari, & prædam æqualiter inter se dispertiri decreverāt. Biscajis statim edictum, sisterent ac traderēt sese Admirali: verū Bonardus veritus ne Angli, quos magno numero sua in navi habebāt, captivi detinerentur, fuga se subducere molitus est. Admiralis hoc animadvertens eum novem tormentorum ictibus insecutus est, quorum duo rectā navem Bonardi penetrarunt: qui nihilominus ex manibus ejus evasisset: verū ubi pila tormentaria clavum navis confregisset, ut eam vento commodè obvertere non possent, veriti etiam in glaciem vel terram prolaberentur, vela submittere sunt coacti. Itaque Admiralis Bonardum cum omni sua gente cymbā ad se devehendum curavit, aliosque Anglos in navem ejus deduxit: Quibus novis instructus Mossellus domum repetiit.

Capti hunc in modum Bonardo, & profligatis Hispanis : Admiralis sinus istius defendendi curam Dunquercanis commisit, ipse versus Bellond vela direxit, ubi etiam, ut paulò ante diximus, satis acriter & strenuè rem gessit.

Dunquercani autem, cū in Australi istius sinus latere versarentur, aliquot ex ipsorum numero quindecim, consilium adversum ipsos inierunt, & de apprehendenda quadam Anglorum cymba inter se conjurarunt. Venerat ea ad Septentrionalem sinus oram, inquisitum res preciosas, siquidem Monocerotis cornu ibi repertum inaudierat, unde suum quoque sinus iste nomen sortitus est. Verū eadem illa nocte, quam expeditioni suæ destinarant, accidit, ut prægrandis balæna quā proximè navigium ipsorum præternataret, itaque Navarchus cū Nauclero quosdam in scapha eam persecutum ablegarunt. Hi nautæ interim navigio potiti, minis promissisque Nauclerum adegerunt, omnem ipsi supellectilem salvam spondentes, ut in Norwegiam ipsos deduceret. Quod ita quidem factum est. Dum verò illi parvam celocem quā interceperāt, sed quæ iterum ipsorum è manibus sese extricaverat, insequuntur, Navarchus & Nauclerus iterum dominium in navi recuperant, & rebelles istos, qui parvam quādam celocem Roterodamensem prope Gesquam interverterant, ad Sudestadium captos, magistratui Dunquercano tradiderunt, à quibus merito supplicio sunt affecti.

Ut verò ad Admiralem redeamus, qui hætenus Muydanum apud se detinuerat, ut aliquo modo ejus animum ob ereptas sibi 18. balænas placaret, 20. adipis Pipas, & 21. Balænarum barbasilli obtulit, sicq; in patriam liberum dimisit. Navigium Serdamenſe diutiùs ad servitia subeunda retinuit, quippe quod hæc illacq; commeabat, ligna inquirebat, adipem in promontorium ad reliquas Anglorum naves deferrebat. Huic tandem aliqua etiam copia adipis salarii loco donata, & in patriam redeundi potestas concessa fuit.

Quid de magna nave Gallica gestum sit, quidq; de Enchuyſana, quam Londinum secum abduxit, decreverit, nobis hætenus nondum innotuit.

Muydanus ad reditum sese accingens, nec dum quieto animo esse poterat. Sed postridie, qui erat vigesimus nonus Julii, posteaquam ab Admirali discessisset, majorem suam scapham terram versus amandavit, ipse verò ac si in procinctu staret, omnia ad abitum adornavit. Secundo Augusti die aliam adhuc scapham, quæ priorem inquireret, emisit : Hæ quarto Augusti reversæ 400. Barbas ad navem detulerunt. Eadem Scaphæ sub vesperam denuò vela terram versus fecerunt, ut adipe istius balænae, quam ceperant, quoque fruerentur. Muydanus cū ad nonum Augusti ibi hinc inde commeando hæsisset, cū diutiùs ob ventorum intemperiem moras necere non liceret, domum rediit. Scaphæ autem, cū ob nebulas ac nimbos navigium suum dignoscere haudquaquam possent, in Anglos inciderunt, cū quibus Londinum primò, deinde in patriam regressi sunt.

Hæc sunt, quæ de infelici atque infortunato suo itinere nautæ nostrates retulerunt, unde hoc anno incredibilis opum ac divitiarum vis Anglis, in primis societati Russicæ, accrevit.

Angli verò ista omnia perpetrarunt, Regis sui privilegiis præfisi. Articuli, quibus jus seu præeminentiam suam probare conantur, hi sunt: Quòd nimirum primi duce Willoughbio Equite istam regionem detexerint; quòd sit Groenlandia, quæ hætenus regno Norwegiæ fuerit subdita, unde etiamnum quotannis Regiæ ejus Majestati bonam adipis summam dependant.

Contra hos articulos doctissimus Cosmographus D. Petrus Plancius sequentem in modum potestatur.



SOLIDA REFUTATIO PROPOSITIONUM ET PRÆTEN- SIONUM ANGLICARUM, QUIBUS freti summum piscandi jus in Insula Spitsber- ghen, seu terra nova hætenus sibi vendicarunt.

QUICUNQUE aliqua saltem navigationum Anglicarum notitiâ imbuti sunt, probè norunt, quàm sinistra mente illi hætenus asserere ausi sint, St. Hugonem Willoughby, Equitem & trium navium Bonæ Spei, Eduardi Bonaventuræ, & Bonæ Fiduciæ Capitaneum, Regis Edoardi Sexti anno septimo, Christi verò anno 1553. magnam illam Insulam Spitsberghen detexisse & invenisse. Propria enim illorum navigationis istius descriptio contrarium testatur. Quod nimirum 10. Maji, Ann. 1553. Ratcliffâ Angliæ solverit, eo animo, ut cursu Septentrionem versus directo, quasdam Cathaiæ regiones indagaret, ubi in Norvvegia ad insulam Seinam appulisset, 30. Julii, ex isto quoque loco discesserit. 14. autem Augusti summo mane cum duabus navibus regionem quandam retexerit, à dicta Insula Seinam inter Occidentem & Septentrionem 160. leucis Anglicis, seu 120. miliaribus Germanicis distitam, sub gradu elevationis 72. Quæ verò prædictus Eques ore retulit, ea propriâ quoque manu anglico idiomate scripta reliquit: quorum hic est sensus.

Die 14. summo mane vidimus regionem aliquam, quam totam perlustravimus, missâ eò cymbâ, ut situm loci planius cognosceret, verùm ea ad terram per-tingere non potuit, quòd aqua minimè profunda esset, & glacie loca pleraque ob-
riguissent. Ab hominibus illam habitari nullo indicio cognitum. Sita est 160. leu-
cis

cis Anglicis ab Insula Seinam, sub elevationis gradu 72. Itaque Septentrionem versus 15. 16. & 17. die vela direximus.

Quæ verò inter regionem à Seinam 120. milliaribus Germanicis, inter Occidentem & Septentrionem sub elevatione poli grad. 72. distitam & magnam amplamque insulam Spitsberghen institui possit comparatio? Cùm hæc à Seinam versus Septentri-Orientem sita sit, à 78. altitudinis grad. ad 82 & ultra, cùm hæcenus nondum cognitum sit, quousque sese versus Septentrionem extendat. Certè majus inter Willoughbii insulam & Spitsberghen reperitur intervallum, quàm inter Angliam & inferioris Belgii provincias. Quare hæc Anglorum prætentio nullo nititur fundamento.

An verò, locum aut regionem aliquam vidisse sufficit, ut quis proprius ac perpetuus ejus possessor ac dominus constituatur? Illud est verissimum, nostros nautas isto in loco, videlicet sub 72. gradu nullas insulas observasse. Verùm cùm dictus Eques, ut ex diario Anglico apparet, nullo respectu ad gnomonem nauticum habito, Septentrionalem Occidentem & Orientem dimensus sit, accidit, ut magis ad Septentrionem velis factis declinaverit, quàm ipse quidem putaret. Ut facile inde appareat, quas ille detexerit & repperit, Insulas octo illas minores fuisse, quæ sub 73. gradu quàm proximè invicem dispersæ jacent, & à nostris nautis Insulæ Willebordi nuncupantur. Circa quam regionem, sive longitudinem, sive latitudinem consideres, Willoughbii insula in mappis cernitur, quas Angli in usum societatis Muscoviticæ, & navium versus Spitsberghen vela facientium confecere. Adeò propriæ ipsorum marinæ mappæ ipsis evidenter contradicunt.

Scribunt Angli prædictum Equitem hybernasse in Lapponia ad fluvium Warfina, ibique cum omni suo populo frigore enectum obriguisse, tertiam verò navem cùm suo Capitano Richardo Chancelero ulterius ad mare Candidum perrexisse.

Hinc verò adeò evidenter evincitur, ut nemo ausit contradicere, Insulam Spitsberghen omnibus hominibus incognitam fuisse, donec ab Amirali Jacobo Henrici Hemskerchio, Guilielmo Bernardi, & Jano Cornelio Ripensi, qui, sumptu Dominorum Ambsterdamsium, duas eò naves deduxerunt, 19. Junii, Anno 1596. primum inventa retegeretur.


Omnibus verò recta ratione præditis constat, quàm malè insula Spitsbergen ab Anglis appelletur Terra viridis, seu Groenlandia, quum inter hæc duas regiones majus intervallum, quàm inter Norwegiam & Scotiam, quas ingens Oceanus determinat, reperiatur.


Quod alteram Anglorum propositionem attinet: Omnes insulas versus Septentrionem sitas, tam inventas hæcenus, quàm deinceps retegendas Regi ipsorum esse subjectas: Frivola illa est, nec responsione digna. Præsertim ea, quæ de insula Spitsbergen id ausit affirmare, cùm illa insula, sive limites, sive situm ejus respicias, Angliam neque attingat, neque ulla ratione ad eam appropinquet, imò neq; ab Anglis primum reperta sit. Cur enim nō eodem jure Regi suo Insulas Heronis, Islandiæ, Frisiæ vendicarent? Cur verò Groenlandiam? Illæ enim multò propius regno magnæ Britanniæ adjacent, quàm hæc. Ut jam nihil dicamus, num æquum sit, quàm libet continentem terram, aut insulam, uni personæ vendicari; navigatio certè & piscatio marina secundum jura universalia omnium gentium, omnibus hominibus communiter & liberrimè permessa est. Quâ intentione neque Reges Franciæ, neque eorum subditi ulli hominum piscandi potestatem in nova Francia, aut Terra nova denegarunt; quamvis summo jure primos se jactare possint, qui regiones istas invenerint, Anno 1504. His rationibus adducti, spe fruimur optimâ, fore, ut Serenissimus Magnæ Britanniæ Rex (qui & Deum ex animo reveretur, & fi-

delis justitiæ patronus summo jure & merito existimatur) expressè suis subditis injungat ac demandet, ne deinceps suo præjudicio nostros nautas gravent, aut ullum illis damnum aut impedimentum inferant: sed potius, ut æquum, illatas hactenus injurias & damna in solidum restituant ac compensent. Quæ quidem in re singularis ipsius æquitatis effectus magis ac magis elucescet.

F I N I S.









S E Q V V N T V R

VERÆ ET GENUINÆ
RERUM PRÆCIPUARUM, QUARUM IN
AMERICI VESPUTII VERSUS INDIAM ORIENTALEM
navigationibus, ut & reliquis duabus in Cambajam & Spitzbergam expeditionibus
fit mentio, repræsentationes, ad XI. Indiæ Orientalis
partem referendæ

ADDITÆ SVNT BREVES ET UNIVS CUIVSQVE
figuræ descriptiones.

Nunc primùm eleganter in æs incisæ & in lucem editæ.

Studio & operâ

JOHANN-THEODORI DE BRI Civis ac Bibliopoli Oppenheimensis.



OPPENHEIMII
Typis HIERONYMI GALLERI.
A N N O

M DC XIX.

Quid Americo Vesputio, ejusque comitibus, in
India orientali inter Barbaros evenerit.



Americo Vesputio ad quandam Indiae Orientalis insulam delatus, omni ope familiaritatem cum nudis incolis contrahere conatus est: cum verò planè agrestes, nulla ratione ad humaniorem mentem inflecti possent, naves rursus conscendit, relictis in littore nolis, speculis, aliisque id genus crepundiis, ad qua contemplanda statim mulierum barbararum confluit agmen. Interea Vesputius venusta facie adolescentem, qui istius mulierum turbae sese immisceret, ablegat. Hunc foeminae undique prensantes, habitum ejus non parùm mirata, circumstant. Tandem una à tergo accedens fustem tanta vicapiti Adolescentis impingit, ut mortuus in terram corrueret: statim reliqua eum in collem vicinum protrahunt, vestibus exutum mactant, torrent, atque in Lusitanorum conspectu vorant. Viri verò magno impetu Lusitanos invadunt, qui metu exterriti, armorum planè immemores, fugam capeffunt, cumque minori scaphâ, qua sabulo adhaeserat, tam subito ad majorem navem se recipere non possent, non parùm à Barbaris istis damni acceperunt: donec periculo in majoribus navibus cognito, quatuor tormenta, absque ullo tamen damno, in Barbaros evibrarent; quorum fragore & crepitu attoniti in fugam sese conjecerunt.

THE SCIENCE OF THE SOIL

BY J. B. WARD, M. A., F. R. S. E., F. R. S. C., F. R. S. I., F. R. S. N., F. R. S. S., F. R. S. V., F. R. S. W., F. R. S. Z., F. R. S. A., F. R. S. B., F. R. S. C., F. R. S. D., F. R. S. E., F. R. S. G., F. R. S. H., F. R. S. I., F. R. S. J., F. R. S. K., F. R. S. L., F. R. S. M., F. R. S. N., F. R. S. O., F. R. S. P., F. R. S. Q., F. R. S. R., F. R. S. S., F. R. S. T., F. R. S. U., F. R. S. V., F. R. S. W., F. R. S. X., F. R. S. Y., F. R. S. Z.



RFJCE

THE SCIENCE OF THE SOIL
BY J. B. WARD, M. A., F. R. S. E., F. R. S. C., F. R. S. I., F. R. S. N., F. R. S. S., F. R. S. V., F. R. S. W., F. R. S. Z., F. R. S. A., F. R. S. B., F. R. S. C., F. R. S. D., F. R. S. E., F. R. S. G., F. R. S. H., F. R. S. I., F. R. S. J., F. R. S. K., F. R. S. L., F. R. S. M., F. R. S. N., F. R. S. O., F. R. S. P., F. R. S. Q., F. R. S. R., F. R. S. S., F. R. S. T., F. R. S. U., F. R. S. V., F. R. S. W., F. R. S. X., F. R. S. Y., F. R. S. Z.

Quomodo Robertus Caverta Capitaneus

Anglus à Rege Gomoræ exceptus fuerit. cap 3. & 5.



Posteaquam Robertus Caverta Capitaneus Anglus ad insulam Gomoram navis appulisset, cum Nauclero, Commissario, ac tubicinum choro in terram exscensione facta, in littore ab interprete Regis quam humanissime exceptus, ac ad ipsum Regem qui tum temporis in area palatio vicina versabatur, deductus est; Capitaneus regi vicinior factus, debitos honores summa cum reverentia obtulit. Regem octo satellites, præcutis cultris pedem longis latisque instar securium, comitabantur. Discalceati erant omnes, excepto Rege, qui calceos indutus caput mitra demittebatur, velaverat. Rebus hoc in loco confectis, Angli ad Pembam insulam, Malabaræ regis, Lusitanorum socii, imperio subditam, perrexerunt, ubi dum Capitaneus cum quibusdam aliis prandium in littore capiunt incolæ eum Lusitanis, qui ibidem quadam in domo congregati erant, deliberata, prodicionem adversum Anglos moliti sunt.

THE HISTORY OF THE
REIGN OF
HENRY THE FIRST
BY
JOHN GILBERT FROTHINGHAM



RPJCB

THE HISTORY OF THE
REIGN OF
HENRY THE FIRST
BY
JOHN GILBERT FROTHINGHAM

Quomodo Pembæ incolæ Anglos aliquot

nefariè trucidarint, hîque istam injuriamulti

sint. cap. 6.



Taque, ut proditio ista succederet rectius, dicti regis frater Nigro cuidam ut nuces Indicas pro Generali cogeret demandat: interim magna Barbarorum probe armatorum convenerat manus qui signo duobus cornibus dato nostros aqum profectos, ad montem quendam alacriter aggressi, duos ex iis sternunt, plures mactaturi, nisi Angli in fossis quibusdam latitantes, musquetis suis aliquot ex Barbaris vulnerassent atque ita vim à reliquis depulissent. Postmodò Angli in terram egressi, caesos in navim deportatos in alia quadam insula tumularunt. Ut verò injuriam istam ulciscerentur Angli direptis tribus incolarum naviculis, 40 Barbaros, inq, iis 8. albos comprehenderunt, quos cum Lusitanos esse arbitrarentur; illi id constanter pernegarunt, monstratis in tergo characteribus, qui in Lusitanis minimè conspicerentur. Interim Anglorum arma diligenter observabāt Barbari novam jam proditionem animo volventes. Cùm enim Nauarchus, Barbarorum nautam ad se vocaret, is cultro in ventrem ei adactò, editoque clamore reliquis, ut viriliter Anglis resisterent signum dedit. Verùm à Generali reliquisq, Anglis statim oppressi sunt, quadraginta caesis, paucis in mare desilientibus ac mira natandiceleritate in terram evadentibus.

Bannia-

THE UNIVERSITY OF CHICAGO
THE
Gnomon Research
Institute
Chicago, Illinois

RPJCB

Bannianorum idololatræ superstitio. cap. 13.




Angli etiam ad Bannianorum gentem fortissimam pervenerunt. Hi Deum superstitiosis venerantur ritibus, Lapideis enim imaginibus supparos suos appendunt, postea capitibus ad solem conversi, eum adorant, omnes suas fortunas Soli acceptas referentes. Quin vacca etiam etiam auro gemmisque insigniunt, caput ejus corollis floribusque omnis generis exornantes. Hanc ad sepulchrorum suorum locum magna solennitate deducunt: postea, habita concione aliqua illi pedes atque ungulas deosculantur ac summos honores exhibent. Causam tanti honoris interrogati, retulerunt; Ideo se tantum vacca honorem deferre, quod hanc matrem omnium animalium agnoscerent, quæ ex largo penulac, butyrum, caseos profferret, imò boves progigneret quorum ope in agris colendis maxime adjuvantur, denique cujus pelle ad calceos consciendos uterentur. Adhuc asserebant, Vacca à matre Dei benedicta esse, ut præ ceteris animalibus summo in honore haberentur.

Potentissimi Tartarorum Imperatoris Chami

Canawæ in amplissima civitate Bramporta apparatus
bellicus.



Quanta sit Tartarici Imperatoris Chami Canawæ potentia, ex eo patet, quod referunt Angli, eum 21. Octobris, Anno 1608. paulo post suum in urbem Bramportam ingressum, ubi alioquin presidium alit, & à bellicis muneribus vacuus animum viresq; recolligere solet, ex bello cum 1500. elephantis. 30000. equis. 10000 camelis, 3000 dromedariis elomum rediisse. Solet is interdum unum elephantum cum sex indomitis equis committere, ac vidisse se ait author, duos equos statim ab Elephanto eneetos, qui proboscidem jugulo ipsorum circumvolvens fauces ipsis constrinxerit, ac dentibus cervicem confregerit. Refert etiam nobilem quendam ex regio satellitio puerum ab elephanto jam cicurato proboscide leviter à terra in tergum sublatum, posteaq; ubi aliquandiu tergo infedisset, rursus molliter in terram depositum esse.



Anglorum unà cum Tartarico quodam equite in
sylvis castrametatio, quomodo noctu contra ferarum
rabiem sese defenderint.



Quam periculosa in plerisque Tartaria locis sint itinera suo exemplo docet Robertus Caverna: Cum enim Barrandorum delatus, relicto Conductorum ac mercatorum commitatu, quem Caravanam vocant, solus cum suis iter Agram versus ingredi decrevisset; obvium habuit Canum quendam seu istius regionis Equitum 40 aut 50 sagittariis stipatum, qui itidem Agram versus pergebat. Itaque cum Angli istis se conjunxissent jam 140 virorum agmine, sex dierum iter per densissimas sylvas, ubi ad 100 milliaria semper omnis generis feras, Elefantos, Leones, tygrides, catos sylvestres conspexerunt, sunt emensi Noctu castrametaturi, tentoria erexerunt, circumquaque luculentam ignem excitantes, quo à ferarum rabie & impetu essent securi.

1940-1941

Quomodo in Pythagoræorum regione, uxores
post maritorum mortem comburi soleant. cap. 14.



Doctoris cujusdam uxor post mariti sui obitum currui triumphali insidens, tenuissimo lin-
teo amicta, ac caput preciosissimis gemmis exornata, à quatuor viris ad locum
sepulturae sese deportandam curavit, precedente omnis generis musicorum choro, atque
agnatis eam proximè comitantibus. Cum ad sepulturae locum esset ventum, palus terræ
infigebatur, ac scrobs quadam ante ejus pedes effodiebatur. Postea palo alligatur subdito axillis ac
pudendis nitrati pulveris sacculo, ac succenso igni, ex preciosis lignis aliâque fragrantia materia excita-
to, viva concrematur.

Qua

THE UNIVERSITY OF CHICAGO
LIBRARY
CHICAGO, ILL.
JAN 10 1910



RPJCB

PARS UNDECIMA ORIENTALIS.
VIII.

Qua Pompa Magni Indiae Mogolis thesaurius in
publicum prodire solet; de elephantorum item coram
rege pugna cap. 16.



Sultanus Carawdon, magni Tartariae Mogolis thesaurarius, vir summae auctoritatis, ingenti cum solennitate in publicum prodit. Alit enim 40 Elefantos, 200. Camelos ac Dromedarios, 1000. equos, qui ipsum, quotiescunque auro argentoque conspicuus ad ius dicendum progreditur, comitantur. Praeferuntur illi quatuor argentea, auroque obducta sceptrum ac decem insignia vexilla. Eandem fere cum ipso Rege apud subditos auctoritatem obtinet. Ipse vero Imperator, dici non potest, quam magnifice ac splendide vivat: Quotidie enim in conspectum ejus quinquaginta Elephanti cum tympanis, tibiis atque tubis producuntur, qui coram ipso atrociter pugnantes lethalibus vulneribus se mutuo sauciant, ac tanto ardore in se invicem insurgunt, ut nulla alia ratione quam fusi ex igni artificioso volantibus dirimi atque divelli possint.



PARS UNDECIMA ORIENTALIS.
IX.

Aliarum ferarum certamina; item nobilis
cujusdam cum Leone coram magno Mogole
duellum.



Hujusmodi ludicra certamina indies coram magno Mogole etiam per alias feras hircos, Cervos, Leones, Leopardos, lupos, crocodilos, equosque indomitos instituuntur. Si quis etiam ex equestri ordine ob facinora capitis damnetur, hunc ex more gentis liberum est leonem ad duellum deposcere, quem si vincat, in columis absolvetur. Ejus rei hic exemplum proponitur. Nobilis enim quidam cum Leone congressus, licet initio rem alacriter gereret, atque aliquot jaculis hostem suum transfigeret, tandem tamen ejus violento impetu prostratus discerpitur.

THE HISTORY OF THE
CITY OF LONDON
FROM THE FOUNDATION
TO THE PRESENT TIME
BY
JOHN STOW




RPJCB


Quomodo in septentrionalibus insulis prope
Spitzbergam balenæ capi soleant.



Balenæ in locis septentrionalibus circa Spitzbergam, in latere propè caput præ-
grandes habent pinnas, quibus piscatores uncum solent impingere, quòd eo lo-
co vulnus magis ad vtrum penetret: quod quam primum bellua senserit, san-
guisque ejus caput invaserit, tanto impetu aquam sanguini mistam per narium foramina;
que in superiore capitis parte patent, exsufflat, ut mali nautici apicem transcendat. Post-
quam verò impetu fundum versus facto natando se ipsam fatigaverit, piscatores scaphis
appropinquantes, jaculis eam in superiore corporis parte trajiciunt, quòd alioquin diffi-
cultius trucidari posset. Quia verò non absimili ratione ab Indianis in
S. Mariæ insula balenæ capiuntur, hic eandem figuram oculis
subjicere visum fuit.

RPJCB







J
De Bry
SV
pt. II
1619
Lat
op 1





